





32

8 B

2













PETRI DIACONI
MONACHI,
AC BIBLIOTHECarii
Sacri Casinensis Archisterij
DE
VIRIS ILLUSTRIBVS
CASINENSIBVS
OPUSCULVM

Ex celeberrima Bibliotheca Barberina
depromptum.

Hactenus ineditum notisque illustratum.

Studio & Opera

IOANNIS BAPTISTÆ MARI ROMANI

Sancti Angeli in foro Piscium Canonici

B.



R O M Æ,

Ex Typographia Reu. Cam. Apost. MDCLV.

SUPERIORVM PERMISSV.



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

가장 정통한 16세기 문헌에 따르면

in de p...
de p...
de p...
de p...
de p...

concordia sunt; deinde idcirco quod
propter omnes causas habetis etiam totum
eorum sibi per se voluntatem et concordantiam
datis, ut non minus Opbe voluntas sit re-
stans, nobilitateque in se continetur.

11

ILLVSTRISS.^{MO} & REVERENDISS.^{MO}
D. IOANNI BAPTISTÆ
BARSOTTO DE PVCCINIS,
PRÆPOSITO ISNENSI,
Prothonotario Apostolico,
S. CÆS. MAIESTATIS CONSILIARIO,
Ac Eminentissimi
CARDINALIS ab HARRACH
CVBICVLI PRÆFECTO.



IOANNES BAPTISTA MARVS F.



Ccedit ad te (ILLVSTRIS-
SIME DOMINE) Libellus iste ge-
mina de causa, sponte mea,
& iure suo: Etenim tantam
in te humanitatem, sapien-
tiam, nobilitatemque in te omnes suspici-
mus, vt non minus Orbis vniuersus litera-
torum tibi per beneuolentiam connectatur,
quàm olim Catena Homerica tellus cœlo
coniuncta fuit; neque id mirum mihi, qui

singularem tuam indolem perspexi, per quā
instauratur apud nos Pythagoricus ille con-
centus, quem apud superos auditum Vete-
res memorant. Virtutibus scilicet ac nobi-
litate abundas, quæ tam iucundē, tam ama-
biliter, tam canorē penes homines accipiun-
tur, ut harmoniam plusquam terrestrem,
efficiant. Testatur genus, & proavos tuos
non modo LVCENSIS patria, quæ agnoscit
in tuis sanguinem suum, sed illa nobilium
animarum parens, & alitrix Polonia, quæ
Ioannem Baptistam Puccinum avum tuum
Italicorum secretorum apud Augustum Si-
gismundum conspexit & participem & in-
terpretem, quem in Germaniam ad Ferdi-
nandum II. Cæsarem aliosque complures
Principes legavit Regiæ voluntatis admini-
strum gratum omnibus, nec sine ornamen-
to, ac prærogativa ab ipso Cæsare, Princi-
pibusque dimissum. Tuas verò virtutes si
per modestiam licet, non sola Roma, non
sola Germania, sed omnes pene Prouin-
ciæ ad quas fama tuæ dexteritatis pervenit,
laudent & probant. Bohemia certe debet
tantum tuæ fidei ac prudentiæ, ut Eminen-
tissimus Pragæ Archiepiscopus non alium
delegerit, ac velit Romæ suarum rerum cu-
iatorem

ratorem quàm te . Nunquam orationis finem facerem si vellem reliqua vel innata, vel collata tibi à Principibus ornamenta describere ; & præterea tuæ modestiæ iniuriam facerem , & fortasse feci ; sed hæc fuere indicanda, vt cōstaret Libellum istum sponte sua ad te accedere : Magnes est virtus . Non modo corda , sed etiam opuscula hoc magnete trahuntur .

Verùm non modo sponte sua , sed etiam iure suo ad te properat , tibi que debetur . Quisnam ignorat quantum ames sacram Diui Benedicti Familiam ? quanta mediteris ad illius splendorem augendum ? quanta pietate Sublacense Coenobium frequentes, colas & venereris ? Nec immeritò . Hic enim summus ille Christianæ Sanctimonie Athleta & Magister per ingens miraculum venenata pocula elusit, Stygias insidias euasit, tam insignis deque Ecclesia optimè meriti Ordinis fundamenta iecit ; quodque stupendum est , tot in dies è cœlo largitur fluenta gratiarum , vt videatur esse locus huiusmodi officina cœlestis liberalitatis ; vt omittam Summorum Pontificū Paschalis II. Urbani V. Leonis IX. Clementis III. & VI. Eugenij IV. Ioannis X. Benedicti VI.

ac ipsius Sancti Gregorij Magni testimonia
quibus Sublacense Benedicti Sacrarium cō-
mendatur, tanquam & Ecclesiæ thesaurus,
& Benedictinæ Familiæ Seminarium .

Porro hic liber est scriptus à Petro Dia-
cono Monacho, ac Bibliothecario Casinen-
si, nec aliud complectitur quàm notitiam
lucubrationum moresque Virorum Illustriū
Casinensium, hoc est propria & immortalia
ornamenta eiusdem Ordinis, cui tu tantum
tribuis, adeoque ad te iure suo accedit, tuo
etiam patrociniò & ære subleuandus . Vale.

[Faint, illegible handwritten text, likely bleed-through from the reverse side of the page.]

LECTORI.



DI^{ALOGOS} *Victoris*
Papae Tertij, olim De-
siderij Abbatis Casi-
nensis, inter blattas &
tineas conflictantes,
annis praeeritis è Va-
ticana Bibliotheca depromptos, cum in
lucem protraxerimus; quidam diobola-
ris sciolus illis perlectis, virtutes Ca-
sinensium nos nimis extollere conquestus
est; critica fronte asserens, per pauca, aut
nulla fuisse ea, ad quae perscribenda,
& peruulganda ingenium Casinenses
contulerint; neminemque ferè se in gra-
uioribus conscribendi laboribus exer-
cuisse, honestissimaque gloria stimulis
concitatum aliquid exarasse. Haec-
nus nimis profecto patienter hominem
insulsus obtrectantem audiuius; cu-
iusque etiam si omnia dicta referre vel-
lemus,

lemus , planè esset otio nostro abuti ,
praesertim cùm scriptis prodigia se edi-
turum elato supercilio promiserit .

O rem ridiculam , Cato , & iocosam ,

Dignamque auribus, & tuo cachinno !

*Licèt enim Ordo Monasticus semper
obtrectatores suos habuerit , ut rectè
prodiderunt S S. Hieronymus pluribus
in locis, & Chrysostomus in illo praecla-
ro vite Monasticae Clypeo, & alij anti-
quiores : nunquam tamen audacius hoc
nostro seculo id factum est ab impuden-
tibus Haereticis , apud quos in tantam
deuenit detestationem idem Monasti-
cus Ordo ; ut nonnulli solo intuitu à li-
brorum quamuis optimorum lectione
abstineant, quòd Monachi nomine sint
tantùm prænотati; locumque etiam pro-
verbio plerunque faciant , Monacho
indoctior . Quae risum quoque moue-
re possent Heraclito obstinatè lugenti :*

immò

immò nec defuit quidam misogramma,
qui in detestationem, atque derogatio-
nem Monachorum scribere non erubue-
rit, verecundante charta, & ipso atra-
mento in minium verso ad tantum
impudentia promptuarium, nonullos
Sanctos Patres monastico titulo desi-
gnatos, ut opera eorum in dubium re-
vocaret, nunquam fuisse in Monacho-
rum numerum adscitos; dementissime
existimans tam solidum, validumque
esse hoc unicum, enerue, ac ficulneum
argumentum, ut exolutus perinde fue-
rit onere cetera probandi. Et quamvis
nimis falsa non sint refellenda, ne vi-
deantur posse esse credibilia, ut rectè
dixit Sanctus Athanasius epistola ad
Epiſtetum, approbante S. Epiphanio
heres. 77. Attamen nos ne in superbiam,
vel ignorantiam silentium nostrum,
(licet noscamus, quam nobis sit curta
supellex) iste nugivendulus accepturus
sit,

fit, haud ignorantes insuper multos ho-
mines esse, iudicij parum firmi, qui nihil
audiunt, leguntue, quod non credunt,
nisi refutatum sciant; nulla interposita
mora, memores Vlpiani sententiae de
verb. signif. L. 12. §. 1. Minus soluit,
qui tardius soluit: nam & tempore
minus soluitur; praclarique etiam
magni auctoris dicti. Barbaris cuncta-
tio seruilis: statim exequi, regium.
Opusculum istud pro re nata inter te-
nebras delitescens de Viris Illustribus
Casinensibus à Clarissimo Viro Petro
Diacono Monacho, ac Bibliothecario
eiusdem Cænobij conscriptum, haëtenus
ineditum, à pluribusque Viris eruditis
diu quoque expetitur, nobis è celeberrima
Barberina Bibliotheca suppedita-
tum, singulari humanitate, ac benefi-
centia Viri Clar. Caroli Moroni; ad
maledicta istius obtreçtatoris euerten-
da, ipsumque conuincendum, tibi verò
beni-

benigne Lector, & bono publico promul-
gandum duximus; cui etiam ob argu-
menti similitudinem adiungimus Sup-
plementum manu exaratum Virorum
pariter Illustrum Casinensium, per Pla-
cidum Romanum Monachum, ac Dia-
conum eiusdem Archisterij conflatum.
Paruum quidem, atque exiguum fate-
mur; (neque enim res tam numero &
magnitudine, quam pretio, & ponde-
re, aestimanda sunt) sed accuratè, co-
gitateque scriptum à nostro Petro, qui
anno MCXV. quo in vivis agebat,
multa prodidit, quæ historiam Ecclesiæ
illustrant, ut legere est apud Leonem
Ostiensem in Chronico Casinensi, cuius
tertium librum ipse supplevit, & quar-
tum ei adiecit: pergratum, ac utile
futurum etiam ijs, qui scientiarum stu-
dijs ducuntur, auctorum, librorumque
cognitione capiuntur; multa sanè in
hoc opusculo, maximeque in nostris
indi-

inducantur notis, quæ publicam meren-
tur lucem, dum ex abditis diuersorum
educitur Veterum Scriptorum notitia,
quorum libri intercidiſſe credebantur;
quæ ſpreta librorum auctorum notione,
in tenebris forſan perpetuò iacuiſſent;
& ut tumulus corpus contegit, ſic no-
men eorum in omnem fere ætatem ob-
ruiſſet, eorumque dein lucubrationes in
priuatis ſepulta Bibliothecis remanſiſ-
ſent, magno certè rei literariæ damno;
cum hac tempeſtate magna doctrinæ
pars exiſtimanda ſit, ſcire, qui libri
Auctorum legendi, qui non legendi ſint:
Neceſſarium enim eſt haud ignorare,
qui ſcripſerint, & de quibus ſcripſe-
rint, fontesque noſſe, unde hauriri
poſſint ea, quæ vel ad ſcientias alen-
das, virtutes procreandas, vel dete-
ſtanda vitia, magno uſui ſint futura;
cum abſque Bibliothecis fermè inermis
ſit Religio, & inanis ſapientia. Hæc
autem

autem consideratio, & per se iucunda,
ac ingenuo homine digna est, cum ad de-
lectum Auctorum, tum ad excitandos
animos studiosorum plurimum faciat:
quemadmodum Miltiadis trophæa,
Themistoclem dormientem excitabant:
sic doctorum hominum volumina, quæ
in hoc libello commemorantur, ad labo-
rem, laudemque studiosorum animos
inflammare debebunt: Et sicut omni so-
latio viri docti priuari videntur, cum
illis lectio interdicitur, ut olim nonnul-
lis irrogatum hoc pænæ genus legitur à
Tiberio apud Suetonium. Quibuldam
inquit, custodia traditis, non modo
studendi solatium ademptum; sed
etiam sermonis, & colloquij usus:
sic omne solamen ex lectione recipiunt.
Fassus est id Angelicus Doctor, qui sa-
crarum literarum monimenta tanti fa-
ciebat, ut de more diceret, Se vnus
Beati Chrysostomi homilias, vrbi
Pari-

Parisiensi diuitijs omnibus refertissimæ, sed vel ipsis Imperijs, serio anteponere. *Libri profectò veluti studiorum instrumenta medullitus delectant, colloquantur, consulunt, & viua quadam nobis, atque arguta familiaritate iunguntur.* Sola denique scripta sunt, quæ mortales quadam famæ immortalitate perpetuant, & actibus veterum, quos traducunt ad posteros, nullam permittunt obrepere vetustatem; *docet Petrus Bleisensis epist. 77. Vnde verè Martialis:*

—Chartis, nec furta nocēt, nec secula præsumt,

Solaq. non norunt hæc monumenta mori.

Possidius namque in calce vite Sancti Augustini, eius perpetuam fore memoriam ob libros conscriptos, haud falsus vates confirmavit; adducto etiam hoc secularis Poetæ de se loquentis epitaphio, quod tumulo suo adscribi voluit.

Viue-

Viuerē post obitum vatem, vis nosse, viator?
Quod legis, ecce loquor; vox tua nēpē mea est.

*Præterea opera pretium est nosse, non
solum innumerabiles ferē Monachos ex
hac nobilissima Academia Casinensi pro-
diisse cuiusvis doctrinæ genere refertos;
verum etiam assidua fuisse diligentia,
pietate, ac intentione, Sanctorum Pa-
trum, aliorumque Virorum doctorum
volumina exscribendi; ut postea in
rebus dubijs ad m. ss. Codices, & anti-
quos impressos, ex quibus vera lectiones
restituuntur; tanquam ad oracula qua-
dam tutissimè Viri docti, ac eruditi
confugere valerent; quod lege cauerunt
prudentissimi Imperatores Theodosius &
Valentinianus lib. 1. C. Theodos. de re-
sponsis Prudentium: cum non modò au-
ctoribus plerisque deficiamus, sed etiam
hi, qui ad manus, non æque omnes
emendati sunt. Vnde planè ridiculi
censeri debent, qui emendato nē, an*

inc-

inemendato libro utantur, sua nihil
putant interesse; cum certè si deprava-
tis utimur codicibus, nil aliud supersit,
nisi, ut Ixioni similes umbram pro
re, errorem pro scientia amplectamur.
Pramissa hac igitur animadversione,
subnectenda venit hac observatio, tan-
tam nempe diligentiam in accuratè ex-
scribendo fidelium illam prisci æui pie-
tatem adiunxisse; ut nec promiscuè
omnibus Evangelium, Psalterium, aut
Missale exscribere licitum fuerit; sed
perfectæ ætatis homines huic muneri eli-
gebantur, ut errores magis cauerent.
Quod notatū legitur in capitulari Aquis-
granensi cap. 72. Si opus est Euange-
lium, vel Psalterium, & Missale scri-
bere, perfectæ ætatis homines scri-
bant cum omni diligentia. Et qui-
dem nullus labor, qui manibus exerce-
tur, magis Monachis convenit, quàm
officium scribendi; cum illud sit manu
homi-

hominibus prædicare, digitis linguas
aperire, salutem mortalibus tacitam
dare. Vide quæ Gerson latè disputauit
integro libro de laude scriptorum, hoc est
exscriptorum, siue amanuensium; ac
Trithemium, qui pariter integrum de
laudibus ipsorum conscripsit librum:
adi Theophilum Raynaudum Societa-
tis Iesu, alterum penè Dydimum Chal-
centerum, de bonis, ac malis libris par-
tit. 3. erot. 4. fol. 309. Tantaque etiam
industria, ac studio incredibili insuper
vsi esse traduntur; ut continuo velut
vno opere eandem incudem diu, no-
tuque tundentes, scriptos codices ali-
qui artificiosè conglutinarent, mira
animi attentione corrigerent alij, rubra
cateri exornarent; Theodosij Imperato-
ris exemplum imitantes, qui cum à
publicis vacaret, libros sacros tanta
elegantia scriberet, ut Calligraphi no-
men indè acceperit; testis est Raderus

in Aula sacra cap. 6. Immò illotis manibus sacros codices contingere, piaculum ulterius existimauerint. Quod simile quidpiam etiam à Gentilibus factitatum reperimus; ita tamen, ut preter manus, etiam pedes, auresque lustrarent. Plutarchus orat. 2. de esu carniū ita loquitur. Quamquam nos fortasse peccamus, qui libros istos attingimus, non lustratis manibus, pedibus, auribus. Quàm verè grauius Diuinæ bonitati esset labor iste exscribendi, perspicuo, ac evidenti miraculo declaratus agnoscitur; dum Trithemius memorat de laudibus scriptor. man. cap. 6. fuisse in quodam Canobio Benedictinorum quendam Monachum, qui in scribendis ad ornatum Bibliotheca voluminibus, sedulum, elaboratumque ponebat studium; ita ut quotiescunque à diuinopotuisset vacare officio, ad secreta cella se conferens
huic

huic sancto labori insisteret; unde &
multa Sanctorum opuscula cum ingen-
ti deuotione descripserit. Huius mor-
tui ossa cum post multos annos exhu-
marentur, tres digiti dexterae manus,
quibus tot volumina scripserat, tam
integri, & incorrupti inuenti sunt, ac
si eodem tempore sepulchro fuissent im-
positi; reliquum autem corpus, ut mo-
ris est, consumptum ad ossa fuerit.
Simile etiam factum de Richardo An-
glo Premonstratensi, legere est apud Ce-
sarium lib. 12. cap. 47. Hinc viri pie-
tate ac eruditione insignes, Diuinam
providentiam tanti habere laborem
istum exscribendi animaduertentes (ne
multa Sanctorum Patrum, Ecclesiasti-
corumque Scriptorum monumenta pe-
rirent, quod facile euenisset, nisi Mo-
nachorum opera ad posteros fuissent
transmissa) in florentissimam Acade-
miam Casinensem, veluti literarum

tunc temporis Seminarium, innumera-
bilem penè m. ss. ac impressorum co-
piam transtulerunt; ita ut hodie in
tota Italia, nulla sit paulò celebrior Bi-
bliotheca, quæ non aliqua ex parte
ipsorum nobilibus thesauris locuplete-
tur. Vide quæ notavit noster Petrus in
auctario histor. Casinens. lib. 3. cap. 62.
edit. Venetæ de libris, quos solum De-
siderius Abbas, deinde Victor Papa
Tertius, exscribi curavit; & tunc non
immeritò fidem nobis dabis; velleque
propterea sacrum Asceterium Casinense
eruditionis merita laude spoliare, est
rem manifestam negare; non secus at-
que olim Zeno motum è rerum natura
sustulit, niui candorem detraxit Ana-
xagoras; & Soli concessam ab omni-
bus Astronomis magnitudinem, Epicu-
rus. Faceffant denique hæc ludicra
risu potius despicienda, quàm disputa-
tione seria confutanda; & producamus
post

post fabulam tantam istius polymythi
Sycophanta, id, quod illustris ille eccle-
siastica antiquitatis præco Cardinalis
Baronius tom.ix.anno DCCXVI suis
Annalibus de Casinensibus intexuit :
Sed & illud, inquit, absque trepida-
tione mendacij asseri iure potest :
nullum vnquam toto Christiano
Orbe extitisse aliquando Monaste-
rium, ex quo tot viri sanctitate con-
spicui, atque doctrina tanta nume-
rositate, ad regimen sanctæ Aposto-
licæ Sedis adsciti fuerint ; vt planè
dici possit , fuisse idem aliquando
Seminarium sacrorum Antistitum,
prout quæ suo loco dicturi sumus,
manifestè docebunt . *Verat nunc*
igitur se in omnes formas Proteus iste,
& Casinensium Academiam, vt libet,
oppugnet simul cum ijs, qui in ipsa face
ignorantiæ volutati, omnibusque pu-
doris repagulis perfractis, otiosam appel-
larunt,

larunt, omnisque rei literaria expertem
etiam crediderunt. Hæc tibi, benigne
Lector, significare volumus, Umbra-
ticos impugnatores, dentesque Theoni-
nos Casinense Archisterium Cænobita-
rum sanctitate, ac doctrina celeberrimum non metuere, cum tantorum Do-
ctorum refugium sibi ipsi patere videat;
totque ex se tanquam præclaros genuisse
filios, qui ingenij sui monumentis, om-
nique bonarum literarum genere Chri-
sti Ecclesiam locupletarunt. Veritas
defensore non eget, & mendacium
plerumque cadere nullo impellente, ac se
ipsum subvertere, dixisse Augustinum
memor esto. Demum ne mireris obnixè
precamur, si non cunctos noster Petrus
scriptores Casinenses, & omnes eorum,
quorum meminit, lucubrationes reten-
suerit; præsertim cum pedem è nauigio
ponere animus ei non fuerit; quod fa-
cile dignoscimus è scriptis eius, uti è
vesti-

Œſtigio Hercules : ſed pro certò habendum , multa diuerſorum Scriptorum monumenta , ſuperſtite Petro , adhuc in diuerſis priuatis Bibliothecis latitaſſe , omniaque propterea legere , aut expiſcari ex animi ſententia non valuiſſe ; maximè hominem publicis , priuatiſque negotijs diſtriſtum ; commodiori tempore omnes annotaturum . Et ſi fortè , mi Lèctor , hac minus ad guſtum tuum ; en patrociniũ : ſcias quod ab indiligentia crimine tueri eum poſſumus , non ſolum exemplo , quòd neque Triſhemius , aut Pantaleo , aut Cornelius Callidius , cùm de Germanis ; neque Sammarthanus cùm de Gallis ; neque Ferd. Matamorus , cùm de Hiſpanis ; neque Folieta , cùm de Liguribus ; neque Miraus , cùm de Flandris ; neque Hebedieſu , cùm de Chaldaïs (beneficio Vir. Clar. Abrahami Ecchellenſis ex tenebris , atque obſcura caligine anno

præterito eductus, eruditissimisque notis
illustratus) neque alij, cum de Civibus
suis, aut socijs scriberent; omnes tunc
simul complexi sunt; quos maiori for-
san adhibita diligentia, aut fortuna
magis propitia complecti potuissent:
Verum etiam sententia Varronis, qui
aiebat, neminem reprehensum esse, qui
stipulam reliquisset ad spicilegium:
quod confirmavit Columella de Re ru-
stica. In magna sylva, inquit, boni
venatoris est, feras indagare: quam-
plurimas capere. neque cuiquam
culpæ fuit, non omnes cepisse; præ-
sertim, cum munere suo quisquis be-
ne fungitur, si avido Lectori famem
tuncunque sedat, quamvis non penitus
eximat. Et ut rem dicamus; si olim
Civem unum servanti civica donaba-
tur; quamnam coronam plectere debe-
bunt musici omnes Κισσοῖποι nostro Pe-
tro, dum non unius, sed plurimum illu-
strum

Strium virorum nomina ab interitu
vindicauit, thesaurosque elucidauit
inuisos? Uni sapienti notum est, quanti
res quaeque taxanda sit. Denique super-
fluam rem etiam nos non agere, cum
iam de Scriptoribus Casinensibus Tri-
themius, Arnoldus Vuion, alijque abun-
dè quoque id praestiterint, in eorum
indice non tam sollicitos fuisse, inscius
ne sis, quin multos non agnouerint; &
quos agnouisse, se referunt, singula
accuratè eorum postea non recitasse
opuscula. Fruere igitur, studiosè Le-
ctor, Casinensium laboribus; tibi-
que persuadeas: quòd si amor, studiumque
literarum te incendit (licet fateamur
ingenuè, multos literarum cepisse te-
dium; quia vident ea facta esse ini-
micorum retia, quæ honesti erant ani-
mi instrumenta) ex polymathiae Casi-
nensis thesauris aliqua istorum Heroum
literariorum scripta transcribere, vel

excusa, cum m. ss. conferre; scito nostris temporibus librorum pretium te non remoraturum; sicuti de Platone legitur, qui tres Philolai Pythagorici libros decem millibus denarium, etiam in difficultate rei familiaris, est mercatus, ex quibus plura in suum deinde Timaeum usurpavit, ut auctor est Iuriconsultus Gallus Antiq. Roman. lib. 4. par 2. cap. 16. & de Aristotele, qui creditur libros pauculos Speusippi emissetribus talentis Atticis, quorum summa fit apud Romanos H S. duo & septuaginta millia, teste A. Gellio lib. 3. cap. 17. Nec etiam animum tuum perturbatum, ignavumque reddere debebit exemplum Nicolai V. Summi Pontificis, qui ducatorum quinque millia ad se Evangelium D. Matthaei Hebraicum afferenti promiserat, ut scribit Eckius homil. de S. Mattheo; cum Casinenses non inducti pecunia, sed studio gloriae divi-

diuine, beneuolentia, ac liberalitate
paratos se offerunt tibi illa prodere; &
tanquam te veterum scriniorum ex-
cussorem, manuscriptorumque exem-
plarium conquisitorem agnoscentes, ad
illa euulganda cohortabuntur, impel-
lent, gratique animi calcaribus insuper
perurgebunt. Reminisci quoque te vo-
lumus, fauore, non odio, dignam hanc
nostram esse propensissimam bene de Re-
publica literaria merendi voluntatem;
dum totum nostrum studium hisce
thesauris reperiendis, tuo, & bono pu-
blico impendimus. Aue mi Lector,
& faue.

I N D E X

Scriptorum Alphabeticus.

A

A DT O Constantini Africani Au- ditor.	pag. 68
Albericus Diaconus Cardinalis.	59
Alphanus Archiepiscopus Salernitanus.	53
Amatus Episcopus incerta Sedis.	57
Andreas à Sueffa.	133
Angelus Sangrinus.	116
Antonius Frachensis.	126
Apollinaris à Baeco.	132
Arialdus.	64
Augustinus Patauinus.	114
Authpertus Abbas.	33

B

B ASSATIUS Abbas.	28
S. Benedictus Abbas.	3
Benedictus, qui & Guaisferius Salerni- tanus.	72
Benedictus de S. Seuerino.	114
Benedictus Canophilus Sangrinus.	120
Benedictus à S. Germano.	124
Benedictus Capuanus.	128
Bernardus.	89
Bernardus Ayglerius Cardinalis.	110
Bernardus de Ianua.	125
S. Bertarius Abbas & Martyr.	29
S. Bruno Episcopus Signiensis.	82

CHRR.

C

CHRYSOSTOMVS de S. Gemiliano
 Calaber, Archiepiscopus Ragusi-
 nus. 121
 Constantinus Africanus. 65
 Cyprianus. 16

E

ERCHEMPERTVS Diaconus. 37

F

FAVSTVS discipulus S. Benedicti. 7
 Flavius de Ferraria siue Hercules
 Tombesius Episcopus Rauellenfis. 122

G

GELASIVS Papa Secundus. 96
 Gregorius Episcopus Tarracinenfis. 79
 Gregorius Episcopus Sinaeffanus. 82
 Gregorius de Viterbio. 119
 Gregorius Cardinalis Cartesius. 134
 Guaiferius Salernitanus, qui & Benedi-
 ctus. 72
 Guido. 92

H

HIERONYMVS Caracciolus. 123
 Hieronymus Serfalius Cosentinus. 131
 Hildericus Abb discipulus Pauli Diaconi. 27
 Honoratus Iserniensis ex Familia Fasci-
 tella Episcopus de Insula. 118

IGNA-

I

I GNATIVS Squarcialupus Florentinus.	111
S. Ioannes Capuanus Abbas.	39
Ioannes Medicus Constantini Africani discipulus.	87
Ioannes Diaconus.	90
Ioannes Tiburtinus.	99
Ioannes Evangelista Mormilius Neapolitanus.	129
Innocentius de Nouaria.	115
Iustinus Hispanus.	114

L

L ANDENVLPHV S Capuanus.	71
Landenulphus.	91
Laurentius Episcopus incerta Sedis.	14
Leo Episcopus Ostiensis.	74
Leo Cardinalis Diaconus.	78
Lucas Fratensis.	123
Lucas Antonius de Firmo.	126

M

M ARCVS discipulus S. Benedicti.	10
Matthias de Bergamo.	124

O

S. O DERISIUS Primus huius nominis Abbas Casinensis, & Cardinalis.	71
---	----

P

P ANDVLPHV S Episcopus Ostiensis.	68
pag.	69
Pandulphus Capuanus.	
Pan-	

<i>Paulus Diaconus Aquileiensis.</i>	16
<i>Paulus de Liguria, qui etiam Grammaticus.</i>	87
<i>Paulus de Alta-Villa.</i>	124
<i>Petrus Diaconus Theanensis.</i>	91
<i>Petrus R. E. Subdiaconus.</i>	94
<i>Petrus Diaconus Casinensis Biblioth. auctor huius libelli.</i>	99
<i>Pius Lottberius Neapolitanus Episcopus Fundanus.</i>	127

R

R <i>ARNALDVS Subdiaconus.</i>	95
<i>Richardus Cardinalis de Molaria.</i>	109
<i>Roboas siue Noboas Diaconus.</i>	94

S

S <i>EBASTIANVS.</i>	12
<i>Seuerus Auerfanus.</i>	123
<i>S. Simplicius Abbas.</i>	12
<i>Stephanus Papa X.</i>	44

T

T <i>HEODORICVS.</i>	41
<i>Theophanus Diaconus.</i>	27
<i>Theophilus Senensis.</i>	128
<i>Thomas ab Ebulo.</i>	131

V

V <i>ICTOR Papa Tertius.</i>	48
-------------------------------------	----

I
PETRI DIACONI
MONACHI
ET BIBLIOTH. CASINENSIS
DE
VIRIS ILLVSTRIBVS
EIVSDEM SACRI ARCHISTERII
Opusculum .

~~~~~

P R O L O G V S .



O ACTVS assiduus tuis  
imperijs, Pandulpho Præ-  
sul venerande, arduam,  
difficillimamque rem ap-  
cibus exarare sum orsus;  
Illustrium scilicet Vi-  
rum Casinensis Archiste-  
rij librum. Opusculum  
isto in tempore novum,  
obliuioni que penè iam traditum; quod utinam  
qui perspexerint, cum quanta cordis id mœsti-  
tia scripserim, aduertere valeant: Nam stupor,  
& hebetudo ingens nostri oppleuit pectoris

A

arce,

arcem, cur à sexcentis fermè iam annorum, curriculum in Casinenſi Gymnaſio non extiterit, qui hunc vilibus ſaltem mandaret ſchedulis librum; & hoc non cauſa inſcitiae, ſed laborem, ac detrahentiũ linguas fugiendo accidit. Nunc enim illud Deiloqui eſt conſummatum oraculum; in quo perſpicimus homines ſemetipſos amantes, & quæ ſua ſunt quærentes, non quæ Ieſu Chriſti, detractiõnique ardentiffimè operam dantes. Et primo quidem à Tranquillo, Græcoque Apollonio cœptum, ſed ab Illuſtriſſimis Viris Hieronymo, Gennadio, atque Iſidoro apud Romanos ad finem eſt uſque perductum. Et quamvis ab alijs nihil eſt tam operoſè actum, quod non Hieronymi eloquentia ſuperet; poſt iſtorũ tamen è mundo reſeſſum, nullus inuentus eſt, qui illud ad calcem perduceret. Guido præterea noſter inſtitutor, moribus vitaque præcipuus, ante hoc fermè ſeptennium, opusculum ſcribere aggreſſus eſt iſtud; ſed laborioſum inibi videns iacere materias, ea dimiſit facilitate, qua cœperat: quòd ſi ille, longè me in ſermone, ſenſuque præpollens, rem cœptam dimiſit; ego qui acumine mentis iners, ſermoneque impolitus, & varijs rebus ſum implicatus, quid acturus ſum? Sed ad ea quæ imminent, ſtylus ſequens vertatur.

C A P V T I.

**B**ENEDICTVS Monachorum institutor Vir egregius, ac post Apostolos singularis, Prouinciæ Nursiæ extitit oriundus, ex patre Eupropio nomine, matre Abundantia, auo Iustiniano, nutrice Cyrilla. Postquam duodecim Monasteria Christo adiuuante construxit temporibus Iustiniani Imperatoris, prædictas cellas sub Præpositis ordinans, diuino ad se facto responso, duobus Angelis comitantibus, ad Euangelium prædicandum, paganosque ad Christum conuertendos, Casinum aduenit; ubi templa idolorum destruens, Cœnobium, construens, cum cummanentes paganos ad Christum conuertit. Scripsit autem iam senex in eodem Casinensi Cœnobio Monachorum Regulam, discretionem præcipuam, sermone luculentam, epistolas verò duas; primam ad Remigium Rhemensem Archiepiscopum; secundam ad Maurum suum discipulum, quem in Gallijs ad prædicandum direxerat, elegantissimo sermone composuit. Fuit autem temporibus Anastasij, Zenonis, Iustini, & Iustiniani Imperatorum; sepultus verò est in Casino in Ecclesia S. Ioannis Baptiste ante altare, ubi à toto Orbe venerabiliter honoratur.

## A N N O T A T I O.

**N** *Ursia* ex Patre Anicio Eupropio, & Abundantia matre, ex illustri Riguardatorum familia, unica Nursini Comitis filia, facultatumque eius, ac cognominis herede, Sanctus Benedictus Natione Romanus, Monachorum in Occidente antesignanus ac princeps, eodem cum sorore Scholastica partu nascitur anno Domini CCCCLXXX. quibus editis, mortua est mater; quasi iam satis vixisset, eum tantos talesque relinqueret posteros; nec alia videretur nupsisse causa, quàm ut talium Sanctorum fieret mater. Eius res gestas non solum S. Gregorius Papa Magnus, omnium virtutum Magister, fusè prosequutus est lib. 2. Dialogor. (quem Gregorij librum Ingolstadiensis graecolatini annis superioribus publicarunt) verùm etiam ambitioso quasi praconio Alexander Secundus, Victor Secundus, Summi Pontifices; Ioannes Trithemius, Card. Baronius, ac Arnoldus Vuion, qui Lignum vitae duobus tomis complexus est, in quo propago tanti Patris accuratissimè conscripta est, copiosè traderunt. Videndus etiam Benedictus Hæsternius, Monasterij Affligeniensis Præpositus lib. disquisit. Monast. prolegom. 1. in vita Sancti Benedicti, diffusè de eo agens.

Præter memorata à nostro Petro conscripsit etiam Patriarcha Benedictus, De Ordine Monaste-



nasterij, qualiter, inquit, à Fratribus religiosè ac studiosè conuersari, ac Domino militare oportet, librum unum, qui incipit. In primis nocturnis horis. Hic verò liber vñd cum Regula excusus fuit apud Iunctas Venetijs anno MDXCIII. in xvj. parte folij, procurante Arnoldd Vuione, quamuis in hoc opusculo quædam occurrant verba, quæ suspicionem ingerunt, vt S. Benedicto non videatur hic liber tribuendus; pro qua re lege dictum Hæstenium fol. 1062. Literis etiam consignauit sermonem in discessu Sancti Mauri, cuius initium. Si tristandum, dilectissimi, qui integer habetur in Martyrologio Benedictinorum Arnoldi Vuionis ad diem xiv. Ianuarij: Sermonem pariter in passione Sancti Placidi, & Sociorum his verbis. Sicut Patris est gaudere. Hic verò excusus est in epistola Sicularum ad Sanctum Benedictum, quæ ad calcem Casinensis Chronici editionis Venetæ fuit adtexta. Supradicta opuscula simul colligata reperijs in nouissima Bibliotheca Sanctorum Patrum, & postremo loco in Theologia Regular. Cl. Viri Patris Caramuelis Ord. Cisterciensis, doctissimis etiam illustrata commentarijs. Notandum verò, quòd licet epistola ad S. Remigium, quæ in fine d. Chronic. Casin. & alibi legitur, in dubium à Card. Baronio tom. 6. annal. anno DVII. vñd cum tota historia reuocetur; lapsusque ex nominum similitudine irrepsisse putet: attamen eam veram Petrus Thiraus lib. singul.

de *Demoniacis* agnoscat, nec post edita *Baronij* scripta quidquam insinuet dubitationis, defendendo etiam eam *Antonius de Tapes* in *Cbr. Ord. Balduinus Morcau* in opusculis *Sancti Benedicti*, & *Georgius Coluenerius* in scholijs ad *Flodoardi* historiam; lectoris propterea iudicio relinquimus, ut ipse suapte diligentia discernat, quid verè *Sancto Benedicto* tribuendum, quidvè illi abiudicandum censeat. Non est autem hoc loco silentij tenebris inuoluendū, quod nouissimè ad huius epistola fidem adstruendam dictus *Hastenius* comm. ad vitam *S. Benedicti* cap. 16. disq. monast. se inuenisse refert, in antiquo videlicet m. s. Cod. Bibl. Monast. *Sancti Martini Tornaci*, alteram epistolam *Monachorum Rhemensium* post quingentos annos à *Sancto Benedicti* obitu ad *Casinenses* perscriptam, quam totam ibi integram reddit. Denique an verè cuncta supradicta lucubrationes genuini sint factus *S. Benedicti*, discuntur solita diligentia, eruditione, ac doctrina à prefato *Caramuele* in *Theolog. Reg. p. 2.* ideo lectorem ad eum remittimus.

Vixit *Sanctus Benedictus* annos *L X I I I.* cum habitasset *Nursia* annos septem, *Roma* septem, *Sublaci* trigintaquinque, *Casini* quatuordecim; stans atque erectus in templo inter discipulorum manus (editis prius perfecta administrationis copiosis actibus, relictis pietatis praeclaris monumentis, ac congestis innumeris meritorum manipulis) efflat animam, qua illustri

*illuſtri via ad Cœlum deduci viſa eſt, anno Domini DXLIII. die xxj. Martij, hora tertia matutina, & ſepulchro appoſitum epitaphium, ut reſert Sylueſter Maurolicus lib. 1. hiſt. ſac. omnium relig. de Sancto Benedicte agens.*

Nurſia me genuit, ſpecus obtulit alta, Caſini  
Me rapuit vertex, aula beata tenet.

*Ceterum, de die & anno obitus S. Benedicte extat controuerſia, quam aſſert & diſſoluit rei Chronologica peritiſſimus Vir Dionyſius Petanius in Rationario temporum par. 2. lib. 4. cap. 14. illucque amandamus leſtorem plenioris diſcuſſionis huius puncti auidum.*

## C A P V T I I.

**F**AUSTVS eiſdem Patris Diſcipulus, ſeptennis in Caſino oblatuſ, & à Sanctiſſimo Benedicte cum Mauro Caſinenſi Præpoſito in Gallias directuſ, poſt ſuam reuerſionē, Beati Mauri vitam ex iuſſione Abbatiſ Theodori lucidiſſimè valde cōpoſuit. Claruit autem temporibuſ ſupradictorum Imperatorum, ſepultuſ autem eſt in Monafterio Lateranenſi.

## A N N O T A T I O.

**S**ANCTUS FAUSTUS natione Italuſ, Divi Benedicte primariuſ aſſecta, ac ſymmyſta,

sensuum, affectionumque mortificatione fuit tanta, ut supra imitationem fuisse videretur. Cum septem annorum esset, Diuo Benedicto à parentibus suis fuit oblatu; à quo tandem post perfectam regularis propositi institutionem, cum B. Mauro missus fuit in Gallias anno salutis DXLII. Arnoldi Vuionis annorum calculo; at iuxta computum Ecclesie, anno DXXXV. ad construendum Cœnobium, ubi in magna sanctitate multis annis conuersatus, tandem ad Lateranense Monasterium est regressus. Testatur id etiam Martyrologium Gallicanum Cl. V. Andrea Suaßay in supplemento ad diem xv. Febr. his verbis. Depositio Sancti Fausti Monachi Casinensis, Discipuli Sancti Benedicti, qui aliquandiu in Cœnobio Glanofolij in Andegauensi præfulatu ad Lygerim, sub Sancti Mauri disciplina conuersatus, postea redux in Italiam apud Casinum, suum cursum finiuit, &c.

Is erat per hæc tempora calamitosissima Italia status, ut Langobardis crudeliter ubique grassantibus, nulla urbs tam munita, nullus locus tam remotus inueniretur, quò illi suis incursionibus non perrumperent. Neque Cœnobium Casinense cladis acerbissimam calamitatem effugere potuit; quam etiam Sanctus Benedictus prænuñciauerat. Itaque fugientes Monachi ex eodem Cœnobio Romam profecti sunt, & Pelagium secundum Pontificem adiuuerunt, ubi eoque benigne accepti, iuxta Latera-

teranenſe Patriarchium, Monafterium in honorem S.S. Ioannis Apoſtoli, & Euangeliftæ, ac Pancratij Mart. conſtruxerunt, ibique ſpatio centum triginta annorum habitarunt; in quo degens S. Fauſtus vitam S. Mauri Abbatis in Gallia cōdiſcipuli ſui, qui ſeptuagenario maior in Cœlum migrauerat an.Dom. DLXXXIV. iuxta verò Chronolog. Cl. V. Gueſnay in vita S. Ioannis Caſſiani, anno DLXV. luculentiffimè literis conſignauit, ſub Chriſti anno DCVI. quod colligitur ex præſatione, in qua ſic loquitur ipſe Fauſtus. Hoc opuſculum Beatiſſimo Papæ Bonifatio oſtendi; quod ipſe, Sanctiſſimus Pontifex approbans laude dignū duxit, ſuaque ſancta auctoritate roborauit. Fuit is Bonifatius Papa III. ut Leo Oſt. Chron. Caſin. lib. I. cap. 3. teſtatur, qui anno DCVI. ſedere cœpit, & anno eodem deceſſit, ſuccedente Bonifatio IV. Papa. Vnde corrigendus Trithemius de ſcript. Eccleſ. in verbo, Fauſtus, qui ad Bonifatium II. ſcripſiſſe reſert. Editæ eſt ea vita à Lippomanno, & Surio ad diem x v. Ian. & à Mombrizio tom. 2. Vide Acta Sanctorum V. Cl. Bollandi ad hanc diem, in quibus vita, translatio, ac miracula S. Mauri accuratè deſcripta leguntur. Adietiam notas V. Cl. Ioannis Tamayo in Martyrol. Hiſpan. ad diem xiv. Ianuar. Obſeruauit tamen Hugo Menardus in notis Mart. Bened. prædicta acta eſſe corrupta; tu tamen illum conſule. Extare etiam in Bibliotheca Carmelitarū Excalceatorum

torum Claromontensium in Aruernia, vitam  
*m. s. Sancti Mauri metro, & prosa scriptam per*  
*Odone m : Libellum miraculorum eiusdem :*  
*sermo nem de translatione eiusdem in Mona-*  
*steriu m Fossatense, docet Vir Clar. Philippus*  
*Labbeus Societatis Iesu in noua Bibliot. m. s. s.*  
*librorum edita Parisijs anno præf. pag. 206.*  
*De gestis Fausti agit Sigebertus cap. 32. de*  
*script. Eccles. Martyrol. Benediçt. sub die xv.*  
*Febr. Galestinus, Maurolycus, & Tritbem.*  
*de Vir. Illustr. Ord. S. Bened. lib. 2. cap. 2. &*  
*lib. 3. cap. 3. Leo Ost. lib. 1. cap. 3. Hist. Casin.*  
*Vincent. in specul. hist. lib. 21. cap. 68. & 69.*  
*V. Cl. Gerardus Io. Vossius de hist. Lat. lib. 2.*  
*cap. 24. Ad lucis æterna præmia euocatus fuit*  
*S. Faustus circa annum Domini DCXX.*

## CAPVT III.

**M**ARCVS Patris Benedicti discipulus, &  
 Casinensis Monachus, Vir egregius, &  
 in Scripturis apprimè eruditus. De Aduentu  
 Sanctissimi Benedicti ad Casinum; de situ lo-  
 ci, constructioneque Cœnobij, elegantissimos  
 versus composuit.

## A N N O T A T I O.

**M**Arcus à S. Benedicto familiarissimè dile-  
 ctus; vir ad poeticam artem extollen-  
 dam à natura progenitus, moribus & conuer-  
 satione præclarus, ac in literis etiam seculari-  
 bus peritissimus: Et ne Marci auctoritas à  
 non-

nonnullis parui habeatur, tanquam obscuri  
alicuius Scriptoris, hic producere de eo quo-  
rundam veterum Scriptorum testimonia non  
alienum duximus. Paulus Diaconus lib. 1.  
cap. 26. de gestis Langob. sic ait. Hæc omnia  
ex Marci poetæ carmine sumpsi, qui apud  
eundem Patrem (*Benedictum*) huc veniens  
aliquot versus in eius laude composuit. *Ea-*  
*dem* referuntur ab Aldreualdo lib. 1. cap. 4. de  
mirac. S. Bened. Sanctus Petrus Damianus  
serm. 8. in vigilia S. Benedicti. Hæc planè de  
Marci, eiusdem, videlicet D. Benedicti, disci-  
puli venusto carmine iam deflorauimus. *Vide*  
*etiam* Sigibertum de Script. Eccles. cap. 33.  
Præter recensita à nostro Petro, quæ inedita  
remanserunt, scripsit etiam versibus heroicis  
eiusdem Sancti Benedicti magistri sui non-  
nulla miracula à Diuo Gregorio Papa primo  
omissa: quæ carmina cum diu delituisse, et  
excusa, modo reperiuntur in tertio poematum  
volumine D. Prosperi Martinengi Roma an-  
no MDXC. in iv. studio, & opera Arnoldi  
Vuionis, ut ipse testatur lib. Lig. vite; quæque  
Mantue in Cœnobio Sancti Benedicti inuen-  
ta etiam refert. Scripsit insuper Gnomas im-  
pressas Haganae anno MDXXXI. & alia  
quedam opuscula conuersa per Ioannem Picti,  
edita sunt Parisijs ann. MDLXIII. in viij  
Claruit eodem ferè tempore, quo S. Faustus  
id est, usque ad Imperium Heraclij Augusti  
anno Domini DCX.



## CAPVT IV.

**S**EBASTIANVS B. Benedicti Monachus , Hieronymi doctoris egregij vitam describens, legendam Ecclesijs tradidit: in qua, quæ ei à puero institutio, quale in iuuentute studium, quæ in senectute ei scientia fuerit, lucidissime satis demonstrat.

## ANNOTATIO.

**V**ita Sancti Hieronymi Ecclesie Doctoris maximi, pluribus referta mendacijs, quæ sine auctore vagatur, teste Card. Baronio ad annum CCCCXX. num. 49. non videtur tribuenda nostro Sebastiano, ut aliqui perperam arbitrati suo scriptis fecerunt; cum tantum ab ipso literis demandata fuerit vita æqualis sui S. Hieronymi discipuli S. Benedicti, non autem Ecclesie Doctoris; illamque deinde Cænobijs Benedictinis legendam tradidisse scribit Arnoldus lib. Ligni vita. Vide Gerardum Io. Vossium, diffuse, reconditeque eruditionis virum, lib. de hist. Latinis in Sebastiano. Floruit circa annum Dom. DLX.

## CAPVT V.

**S**IMPLICIUS Sanctissimi Benedicti discipulus, ac post eum in Casino Abbas effectus :



Ætus : Regulam, quam suus magister ediderat, publicè legendam omnibus Monachis tradidit : Versus quoque nonnullos de eadem re descripsit. Fuit verò temporibus Iustini Iunioris, sepultus autem in Casino iuxta corpus B. Benedicti.

A N N O T A T I O.

**S**anctus Simplicius Abbas ab obitu Diui Benedicti tertius, ut docet S. Greg. lib. 2. Dial. in princ. Vir cœlestibus charismatibus præditus, omnique testimonio sanctitatis illustris. Versus, quos in laudem Regulæ Sancti Benedicti descripsit, una cum diuersis alijs Sanctorum Monachorum Regulis, in lucem propediens dabit vir præcellentis doctrina, & summus Ecclesiasticæ antiquitatis assertor ac vindex Lucas Holsteinius. Vide quæ annotarunt Hæftenius in tract. 6. disquis. 1. de regulâ S. Benedicti promulgatione in Simplicio, Matthæus Lauretus de existentia corporis S. Benedicti in Cœnobio Casin. cap. 5. Hugo Menardus de origine & incremento Ord. S. Bened. pag. 870. ac Antonius de Repes in chron. Bened. fol. 337. de færa promulgatione dictæ Regulæ, ubi argumenta eruditissimi Antonij Gallonij in Apolog. de Monachatu S. Greg. aduersus Abbatem Constantinum Caietanum enervant, eiusque diluunt obiectionem. Ad auspiciatissimum locum indeterminata Beatitudinis transitus  
Simpli-

*Simplicius circa annum Dom. D L X X V I. miraculis coruscans; sepultus est Casini una cum Constantino Abbate suo predecessore iuxta sui magistri corpus. Horum corpora primum à Desiderio Abbate, postea Victore Papa III. una cum sacris cineribus Carolamani Regis, ac Monachi, inuenta sunt anno Dom. M L X X I. ut ex nostro Petro Diacono sermone m. s. de Octaua S. Benedicti habetur. Vide V. Cl. Marcum Scipionem in Elog. Abb. Casin. in Simplicio; eum etiam commemorant Tritem. de vir. illustr. Ord. S. Bened. lib. 3. cap. 10. Leo Ost. lib. 1. cap. 2. hist. Casin. Anastas. Biblioth. Monachus in libello de translat. S. Bened. & iterum noster Petrus lib. m. s. de actu & vita Iust. Casin. cap. 10.*

## CAPUT VI.

**L**AVRENTIUS eiusdem Cœnobij Monachus, scientia antecessorum suorum post Sanctissimum Benedictum nulli inferior, factus Episcopus, Beati Mauri vitam, ac Castrensis Episcopi passionem versibus adornauit: Historiam quoque S. Vuenzeslai, & sermonem de B. Benedicti vigilia elegantem composuit.

## ANNOTATIO.

**O**puscula Laurentij Monachi Casinensis, deinceps Episcopi, incertæ tamen sedis, ætate Casini m. s. uti & alia quadam in sexto pluteo

pluteo ad dextram Bibliotheca, testatur Arnoldus Vuion lib. Lig. vit. Historia S. Martyris Vuenzeslai Ducis Bobenorum, habitu Monachi Benedictini, sed non professione, auctore Laurentio, meminit Baron. in Martyrol. ad diem xxvij. Septembris, illamque etiam m. s. in nostro exili m. s. s. sacrorum penario. asseruamus tali lemmate: Dominus, ac Redemptor noster humanis visibus, &c. Quam si vota & spes nostras Deus Opt. Max. fortunauerit, unâ cum alijs Sanctorum vitis hætenus ineditis bono publico proferendam dabimus. Scripsisse præterea præfationem in doctrinas Dorothei, constareque in Bibl. SS. Patrum tom. 2. edit. 2. auctor est Posseuinus in Apparatu in verbo, Laurentius; sed Vossius de hist. Lat. fatetur, se non satis assequi mentem Posseuini, vel mirificè eum rationem fugere; nam noster Petrus Diaconus, quem de hoc Laurentio Monacho scripsisse refert, vixit circa annum Dom. M C X L V. at ille Laurentius Monachus, qui auctor est præfationis Dorothei, admodum recens est; nam ait interpretem Dorothei esse Hilarionem Monachum Casinensem: at Hilario ille floruit circa ann. Dom. M D X V I. annis quadringentis quinquaginta & amplius post Petrum Casinensem. De vita S. Castrensis Episcopi & Mart. consule Cl. V. Michaellem Monachum in Sanctuario Capuano. Floruit Laurentius circa ann. Dom. C M L.

## CAPVT VII.

**C**YPRIANVS Presbyter sub Petronace Abbate in eodẽm Cœnobio Monachus factus, de B. Benedicti miraculis hymnum in eius festiuitate cantandum descripsit. Claruit autem temporibus Leonis, Constantini, & Hirene Imperatorum.

## A N N O T A T I O.

**H**ymnus, quem composuit Cyprianus de B. Benedicto, in Bibl. Casin. tali seruetur exordio. Aureo folis radio perennis, &c. teste Arnaldo Vuione lib. Lig. vit. Scripsit & alia nonnulla. Vixebat ann. Dom. DCCLX.

## CAPVT VIII.

**P**AVLVS Aquileiensis Patriarchij Diaconus, Regisque Desiderij notarius, sub Theodemario Abbate ad Casinũ perueniens, monasticumque schema suscipiens, sanctitate, grauitate suo tempore singularis, philosophia quoque à pueritia eruditus. Composuit in laudem Beatissimi Benedicti versus elegiacometro digestos: Hymnos quoque Sancti Io. Baptistæ, Sanctique Benedicti: Versus ad Carolum Imperatorem, ad Arichis Beneuentanũ Principem; Sanctique Fortunati Episcopi  
elegant.

elegantes descripsit: Homilias quoque quinquaginta: Sancti Pontificis Gregorij vitam: in Regula Sancti Benedicti expositionem: ac de ingressu Langobardorum in Italiam, origine, regnoque eorum, historiam valde luculentam edidit. In historia autem Eutropij quamplurima adiunxit. Vniuersas etiam lectiunculas à principio mundi vsque ad suam ætatem, vnâ cum annali computo rithmicè composuit. Fuit autem temporibus Caroli Imperatoris. Sepultus est in eodem Cœnobio iuxta Ecclesiam Sancti Benedicti ante Capitulum.

A N N O T A T I O.

**P***Aulus cognomento Vuinfrid ex Langobardorum gente originem duxit, Vuarnefridi, ac Theodelindæ filius; Vir Apostolicus, ac Antistes doctissimus, appellatus à Gaspare Barthio: meritò Polyhistor, qui penè innumera miræ, ac exquisitæ eruditionis monimenta suo eximio ingenio, acri iudicio, ac prudentia singulari prodidit: & ne quid à Lectore curioso de Paulo desiderari possit, verba damus Leonis Ost. in Chron. Cas. lib. I. cap. 15. Eo tempore, inquit, quo primum in Italiam Langobardi ingressi sunt, cum eis etiam Paulus venit, & à puero disciplinis liberalibus eruditus maximû in Curia Desiderii vltimi Regis Langobardorum ob suam industriam, familiaritatis locum obtinuit: Cancellarius dicti Regis, atque Aquileiensis Patriarchij Diaconus ex-*  

**B****titic:**

titit: (hinc Paulo Diaconi cognomen ab adeptæ dignitate inditum, perpetuò adhasit, licet hoc non attendat Raphael Volaterranus, nam pro diuersis habet nostrum Paulum historie Langobardicæ Scriptorem, & Paulum Diaconum Aquileiensem.) Hic post captam Papiam, cum Regi quoque Carolo pro sua prudentia admodum carus, & familiaris effectus est, ac non multò post cum accusatus apud eundem Regem fuisset à quibusdam inuidis, quod eum propter fidelitatem Desiderij Domini sui voluisset occidere, fecit eum idem Rex comprehendere, & coram se adduci: quem cum interrogasset, vtrum vera essent, quæ super morte sua de eo dicerentur, constanter respondit, se pro certo fidelissimum Domini sui fuisse, & in eadem se fidelitate cum vita perseuerare: ad hæc Rex subito ira succensus, præcepit eum manibus sine mora priuari; sed mox in se reuersus, & reminiscens sagacitatis eius, atque prudentiæ, suspirans ait: Et si eius manus abscindimus, vbi tam elegantem Scriptorem reperiemus? & ait proceribus assistētibus sibi: Dicite quid super hoc vobis videtur: at illi; Iubete, inquit, vt eruantur eius oculi, ne aliquando aliquas alicui contra vos literas dirigat. Et vbi, vel quando, ait Rex, tam insignem historiographum, aut poetam inuenire valebimus? illi vero videntes circa illum Regis cōpassionem, ac beneuolentiam; suaserunt tandem, vt in Diomedis insulam, quæ hodie

die à tribus montibus Tremiti dicitur, cum exiliaret. Factumque est, vbi cum per aliquot annos exul mansisset, tandem ad Monasterium Casinense, celebri sanctitatis fama notissimum clam perrexit, ibique Monachus factus, piè & religiosè vitam duxit, ac diù superstes in senectute bona in pace quieuit, cum innocentie, humilitati, silentioque vltra humanum modum operam deditlet. Sic dictus Leo Ost.

*Plura alia veneratione digna, insigniaque virtutum monumenta immortalitati consecrasse fertur, quæ ad notitiam nostri Petri non peruenerant: videlicet vitam Sancti Benedicti metricè scriptam, quam inuenies apud eundem Paulum lib. 1. cap. 26. de gestis Langob. Arnoldus Vuion mentionem facit cuiusdam poematis de vita Sancti Benedicti à Paulo Diacono conscripti, cuius singuli distichi iisdem quibus incipiunt, desinunt verbis, quod integrum affert Aymonius serm, de S. Benedicto, ubi etiam eiusdem Pauli hymnum affert singula miracula Diui Benedicti continentem. Exarauit insuper Paulus vitam Sancti Mauri Abb. miro quodam artificio descriptam: sic exorditur.*

Dux, via, vita tuis, decus, & laus, gloriæ virtus,  
Iesu, lux lucis, Dux, via, vita tuis.

Tu facis omnipotens, animalia muta profari

Quod tibi cunq. placet, tu facis omnipotens

Da precor vt referā, sancti magnalia Mauri,

Quæ per te gessit, da precor, vt referam, &c.



*Vitamque etiam S. Scholaſticae Virginis, mandante Carolo Magno Imperatore, quæ integræ in tertio poematum libro habentur Proſperi Martinengij, lectiorem propterea curioſum ad eum remittimus. Sicuti etiam iuſſu eiſdem Caroli ( qui anno. DCCCXIV. v. Kalend. Febr. Aquisgrani diem clauſit extremum ætatis annorum lxxj. ) ordinauit hiſtorias, & lectiões per totum annum ſingulis feſtiuitatibus Sanctõrum congruentes: quæ eiſdiſpoſitio ab Eccleſia tota obſeruata eſt, & uſque ad hæc noſtra tempora inuiolabiliter cuſtodita; ſeruatur apud nos hæc etiam ordinationis nota m. ſ. Vide epiſtolam Caroli Imperatoris de hac ordinatione ſcribentis, quæ homilia-rio Alcuini præponitur. Præterea de eadem S. Scholaſtica nonnullos compoſuit verſus, qui habentur in Martyrolog. Arnoldi Vuionis ad diem x. Febr. Vitam etiam S. Arnulphi Metenſis Epiſcopi, qui fuit primò Præſectus domus Regis Francorum, poſtea Metenſium Epiſcopus, quæ apud Surium tomo 4. ad diem xvj. Auguſt & apud Bedam tom. 3. reperitur, licet falſo ipſi Bedæ adſcribatur. Librum de geſtis Epiſcoporũ Metenſium editum per Marquardum Freherum in corpore hiſt. Franc. indicat ipſemet Paulus ſcripſiſſe lib. 6. de geſtis Langob. cap. 16. De geſtis Epiſcoporum Papienſium librum vnum, quem ſe vidiffete ſtatur Galeſinus. Ad Carolum Imperatorem epiſtolam vnã, quæ m. ſ. in Biblioth. Caſin. ad dextram*




dextram scamno 3. nu. 179. seruatur. Vitam S. Cypriani Episcopi, & Mart. qua habetur in prolegomenis Iacobi Pamelij ad S. Cypriani opera. Versus ad Ariechem Principem Beneuentanum generum Desiderij Regis typis modò cusi reperiuntur apud Virū Cl. Camillum Peregrinum rerum antiquarū indagatorem indefessum, historicumque insignem in hist. Principum Langob. pag. mihi 235. Diuorum etiam aliquot facinora, laudesque luculentis versibus celebravit: Quo in genere carmen in S. Ioannem Baptistam tutelarem suum, patronumque Regni Langobardorum maximè excellit, cuius pietate, ac numeris Romana Ecclesia delectata recitandum proposuit, estque inter sacratos hymnos elegantia, & venustate facilè princeps: sic exorditur.

Vt queant laxis resonare fibris, &c.

Composuit & hymnum de passione S. Mercurij ac etiam alterum in translatione corporis Beneuentum: primū refert Petrus Pipernus Beneuentanus lib. 5. cap. 20. de effectibus magicis. Extat pariter hymnus Alcaicus Dactylicus è vet. m. s. Lang. Eccles. Beneuent. ritu in festo Assumptæ Virg. Deip. decantari solitus, à nostro Paulo, ut asseritur, scriptus. incipit.

Quis possit amplo fame præpotens, &c.

Insuper aliqua fragmenta m. ss. sub nomine Pauli Diaconi, mutila tamen, & hiulca nos custodimus; videlicet, vitam Germani sanctissimi Constantinopolitani Patriarchæ per Paulum



*Diaconum historicum scriptam. In transitu Petri Damiani, de dimittendo Episcopatu oratione, in qua fit mentio de S. Arnulpho Metensi Episcopo. Vitam S. Petri Damasceni Episcopi, & Mart. nec non alterius Petri pariter Mart. per Paulum Diaconum scriptam. Alia etiam opuscula nec dum prelo subiecta, Casinatam Biblioth. exornant, videlicet Cod. m. s. sign. num. 146. præfixus est sermo Pauli Diaconi in Euang. Nemo accendit lucernam, &c. incipit. His sancti Euangelij verbis, &c. Item Cod. 145. pag. 198. vita S. Gregorij Papæ I. tribus libris conscripta per Paulum Diaconum, incipit. Gregorius Vrbe Romulea patre Gordiano. finit. Iduum Martiarum regnante, &c. Item Cod. 305. eiusdem Pauli Diaconi sermo de B. Virgine, incipit. Licet omnium Sanctorum, &c. Eiusdem sermo in illud Euangelij. Simile est Regnum Cœlorum homini Regi, qui voluit rationem ponere, &c. incipit. Præsens Sancti Euangelij lectio, &c. Hæc verò homilia inter opuscula Sanctorum aliquot Patrum per Th. mam Gallettum edita habetur Lugduni an. MDCXV. pag. 450. Sicuti etiam in celeberrima Bibliotheca Medicea plut. xvij. extare inter octo volumina homiliarum diuersorum authorum nonnullas Pauli Diaconi homilias refert Henricus Ernstius in Catal. Medic. Biblioth. In eodem Archiuio Casin. adsunt commentaria m. s. s. in fol. Pauli Diaconi in Regulam S. Benedicti,*

nedicti, ubi in fronte habetur pictura vetustissima Sancti Benedicti, & Ioannis Abbatis, cui Regulam tradit, licet commentarium prædictum Hugo Menardus Ruthardo Monacho Rabani, & Strabi auditori tribuendum esse nctarit. Vide disquis. Monast. Hæsteni lib. 2. tract. 5. disquis. 4. Item epistola Pauli Diaconi ad Carolum Magnum, nomine Theodemari, & Casin. Congreg. scripta, de qua Oñt. in Chron. Subiungitur etiam in eodem Codice m. s. sylloge quadam chronologica eiusdem, ut nonnulli putant, Pauli, quam simul cum quadam histeriola sub titulo ignoti Casinensis Vir Cl. Camillus Peregr. hist. Princ. Langob. ultimo loco in lucem edidit. Epistolarum ad diuersos librum unum scripsisse etiam fertur.

Obseruandum denique est, auctorem miscellæ falsò dici Paulum Diaconum, Baron. tom. 5. Annal. & Bellarm. de Scriptor. Eccles. probant. Vide notas eruditissimi Auberti Mirai in Sigibertum de script. Eccles. cap. 80. & præcipue Vossium de hist. Latin. in Paulo, & de natali anno Christi dissert. 7. pag. 5. Camillum Peregr. hist. Princ. Langob. qui Paulum callidè non produxisse historiam Langob. ad sua tempora obseruauit, sicut etiam nonnulla alia silentio obuelasse. Alphonsus Ciacon. in vitis Pontificum in Leone. Habet, inquit, auctor miscellæ Paulus, vel potius Ioannes Diaconus. Sed utcunque sit de nomine Scriptoris, certè, quod in omnibus ferè m. s. s. Cod.

*nomen Pauli, non Ioannis legitur.*

*Claruit Paulus anno Dom. DCCLXXIV. cum innocentia, humilitati, silentioque ultra humanum modum operam dedisset, atque in Casinensi Monasterio usque ad finem vite arduè satis, ac districtissimè vixisset; sepultus est Casini ante Capitulum, gloriosis emicans meritorum maximorum insignijs, testatur noster Petrus lib. m. s. de ortu, & vita Iustor. Casin. cap. 25. Extant Caroli Magni litera metro exarata nostro Paulo, in quibus de suscepta vite ratione per ipsum, sacrique Cœnobij Casin. sanctitate mirificè gratulatur: quarum literarum partem hic inserimus, ut clarissimi Imperatoris in eruditos homines singularis humanitas; deque Sacri Archibisiterij Casin. sanctitate praeclara existimatio agnoscatur. Est huiusmodi.*

*Hinc celer egrediens, celeri mea charta volatu  
Per sylvas, & colles, valles quoq. præpete cursu,  
Alma Deo chari Benedicti tecta require;*

*Est nam certa quies fessis venientibus illuc.  
Hic olus hospitibus, piscis, hic panis abundat,  
Pax pia, mens humilis, pulchra & concordia  
Fratrum,*

*Laus, amor, & cultus Christi simul omnibus  
horis.*

*Dic Patri, & Socijs cunctis, saluete, valete.  
Colla mei Pauli gaudendo amplectè benignè,  
Dicito multoties, salve Pater optime, salve.*

*De Paulo mentionem habent Leo Ost. Chron.*

*Ca-*

Casin. lib. 1. cap. 17. Sigibert. cap. 80. Trith. de Vir. Illustribus Ord. S. Bened. lib. 2. cap. 30. Arnold. lib. 5. cap. 91. Lig. vita. Tb. Dempsterus in notis antiq. Roman. Ipse Paulus de se ipso multis in locis, & alij innumeri. In peruetusto Cod. m. s. legimus, Paulum fuisse Diaconum S. R. E. Cardinalem, uti etiam dicto lib. m. s. nostri Petri de ortu, & vita Illustrorum Casin. in c. 25. inscriptione his verbis. De Paulo Diacono, atque Cardinali, &c. Quem fucum exscriptores, siue amanuenses lectori facere voluisse existimamus, dum in nullis tabulis Ecclesiasticis in numerum Cardinalium adscitū colligimus. Vel potius scrupulum istum iniectum fuisse credendū à Martino Polono in prefatione suæ Chronicae, dum in opere de gestis Imperatorum & Pontificum nominat quendam Paulum Diaconum Romanum, & Cardinalem: iste tamen dissolvitur nodus, quòd noster Paulus fuit Diaconus Aquileiensis, & postea Monachus Casinensis; at iste, ex quo profecit Martinus, vocatur Romanus Diaconus, & Cardinalis. Vide Vossium de histor. Latin.

Extat epitaphium Pauli Diaconi versibus exornatum ab Hilderico Monacho & Abbate Casin. discipulo prædicti Pauli; quod tibi, singulari humanitate V. Gl. Caroli Borelli Cler. Regul. Minor. nobis suppeditatum, ex antiquo m. s. Cod. sign. 256. Biblioth. Casin. depromptum, nunc primum in lucem damus.

Epi-

*Epitaphium Pauli Diaconi.*

Perspicua clarū nimium cū fama per æuum  
 Astra simul iunctū pangant te cœtibus almīs;  
 Veridicos Leuita tuos quis summe triumphos  
 Lucifluis Paule potuit depromere dictis? (pes  
 Vt tua, sed lector properās huc nōscat, & hos-  
 Sacrato tumulto requiescere membra sub isto,  
 Laudis amande tuæsummatim carmine digno  
 Almificos actus dignum est referare canendo.  
 Eximio dudum Bardorum stemmate gentis  
 Viribus, atq. armis, quæ tūc opibusq. per Orbē  
 Insignis fuerat, sumpisti generis ortū;  
 Tā digna est, postquā nitidos vbi sepe Timaui  
 Amnis habet cursus, genitus tu prole fuisti:  
 Diuino instinctu regalis protinus aula  
 Ob decus & lumen patriæ te sumpsit alendū;  
 Cū tua post Tibridem populis & regibus altis  
 Tunc placida cunctis vita, studiumq. maneret,  
 Omnia sophiæ cœpisti culmina sacra,  
 Rege monēte pio Ratchis, penetrare decenter  
 Plurima captasses dignè cum dogmata, cuius  
 Resplendēs cūctos, superis vt Phebus ab astris  
 Arctōas rutilo decorasti lumine gentes:  
 Hæc sint iam nimium, fluidi cum gloria sæcli  
 Condignis ditaret ouans te sedule gazis,  
 Lucis ob æternæ vitam sine fine beatam  
 Audacter sprenisti huius deuotus honores;  
 Regis & immensi fretus pietate polorum  
 Vernanti hūc Dño properasti pectore Christo  
 Subdi-

Subdita colla dare Benedicti ad septa beati;  
Exemplis mox compta tuis ubi concio sacra  
Tum iubar ut fulgens coepit radiare coruscis,  
In te nam pietas iugiter, dilectio dulcis,  
Nectareus & pacis amor, patientia victrix,  
Simplicitas solers nimium, concordia summa,  
Omne simulq. bonum semper venerande manebat:  
Nunc ideo Caeli te gemmea regna retentant,  
Sideream retinens pariter per sacra coronam.  
Hoc tibi posco, sacer, gratum sit carmen honoris,  
Hilderich en cecini quod lacrymando tuus;  
Quem requiem captare tuis fac quasso perenne  
Sacratissimis precibus semper amande Pater.

C A P V T I X.

**H**ILDERICVS eiusdem Pauli Diaconi auditor. De origine Praeceptoris sui, vita, institutione, doctrina, religione, habitu, lucidissimos versus composuit.

A N N O T A T I O.

**F**uit deinde Abbas Casinen. Hilderichus, & eodem mense, quo electus, obiit, scilicet anno Dom. DCCCXXXIV. cum sedisset diebus decem & septem: versus, quos composuit de Paulo, supra retulimus.

C A P V T X.

**T**HEOPHANVS Diaconus, Vir eruditissimus, ac disertissimus; De constructione



atione Cœnobij Domini Saluatoris: de ad-  
uentu Sancti Benedicti ad Casinum, ac de mi-  
raculis per eum inibi factis: & in laudem San-  
ctæ Dei Genitricis, & de constructione Mo-  
nasterij Sanctæ Mariæ in Plumbariola versus  
mirificos edidit. *Vixit sub Ludouico Pio Im-  
peratore anno Dom. DCCCLV.*

## CAPVT XI.

**B**ASSATIVS Casinensis Cœnobij Abbas,  
vir Scripturis sanctis deditus, & notitia  
ecclesiastici dogmatis sufficienter instructus;  
cōposuit nitido satis & aperto sermone quos-  
dam tractatus: fuit autem tempore Ludouici  
Imperatoris.

## ANNOTATIO.

**O**puscula, quæ Bassatius Abbas Benedicti-  
nus decimus octauus scripsisse exponitur,  
quæ nam contineant, non explicat Petrus: nisi  
intelligere velimus, quòd cum suo tempore  
ordinem monasticum aliqua iam ex parte  
corruptum in Liguria, Burgundia, & Ger-  
mania vidisset, sermonibus ac doctrinis cor-  
rexisset. Nature concessit non sine opinione  
sanctitatis, Casini, anno Dom. DCCCLVI.  
die xvj. Kalend. Aprilis, & in Capitulo Fra-  
trum iuxta eadem Diui Benedicti, quam ma-  
gnifico ornatu decorauerat, sepultus est.

CA-



## CAPVT XII.

**B**ERTHARIUS, supradicti Bassatij discipulus, ac post eum Abbas Casinensis effectus; vir genere, & literis nobilis, honestatis, religionis, ac martyrij corona perspicuus: Scripsit non contemnenda opuscula, sed præcipua sunt illa, quæ Abbas iam constitutus edidit. De Sancto Luca Evangelista sermonem: de Beata Scholastica homiliam, descripsit: librum quoque difficillimum sententiarum tam veteris, quàm noui testamenti patrauit, ipsumque *Anticimenon* appellauit. De vita autem, & obitu, ac miraculis Sanctissimi Benedicti, nec non ad Angelbergam Augustam, aliosque suos amicos versus mirificos fecit. Sed cum peccatis Christicolarum exigentibus, iusto Dei iudicio Italia ab Ismaelitis deuastaretur, solusque contra eorum sauitiam ob defensionem Christianorum per decem & septem annos & . . . . . acerrimè expugnaret; consilio Saraceni habito clam, nauem ascendunt, & ad Monasterium Domini Saluatoris, quod situm est ad pedem Casini Montis, venientes, Ecclesiam intrant, ibique Bertharium Martyrem Christi reperiunt. Cumque ad eum venissent, dixerunt. Tu es Bertharius, qui vsque nunc Christianos defendisti, ac pro illorum liberatione ad Imperatorem bis ultra montes perrexisti? iustum est ergo,

ergo, vt pro eis mortem suscipias, ac pro fide Dei tui. Hæc cum dixissent, ab eisdem Saracenis iuxta altare S. Martini pro fide Christi capite truncatus est. Passus est autem temporibus Ludouici Imperatoris; sepultum verò est eius sacratissimum corpus iuxta Ecclesiam Sancti Ioannis Baptistæ in Capitulo Casinensi.

## A N N O T A T I O.

**S** *Anctus Bertharius, ab ipsis Francorum Regibus ortum ducens, vir rara sanctitatis, & inculpata vita laudibus conspicuus, clam suis, domo, ac patria digreditur, illud Poeta veteris animo semper agitans,*

Qui vult esse pius, regalibus exeat aulis,  
*Religiosa peregrinatione inde usque è Gallijs Casinum suscepta; quò simul ac peruenit, res suas seculum habere iussit, omniaque illius ornamenta, opes, dignitates (quæ propter summam Bertharij nobilitatem, modestiam, ingenium, ipsi non dubia spe proponebantur) tanquam sterces arbitratus, nudus ad Christi nudi crucem confugit, & Benedictinis additus est Casini: deinde verò Bassatio Abbate demortuo, communi Patrum consensu Abbas eligitur anno Dom. DCCCLVI. Per hæc enim tempora Bertharius à Saracenis, qui Italiam inuaserant, plures est perpeßus iniurias; nempe quod auxilia aduersus illos ex Gallia, & aliunde aduocasset, frequenterque in*  
 eos

*eos egreſſus, ac impetum faciens, à ſinibus illis auertiſſet; unde in ſe odium immane concitata ſuit. Quadam igitur die Lyri amne aduecti Saraceni, Bertharium in maiori æde Cœnobij Sancti Germani celebrantem repente adorti, cum aliquot Monachis obtruncant xj. Kalend. Nouembris anno Dom. DCCCLXXXIII. ſedente Ludouico Imperatore Arnulphi Imperatoris Quarti filio, cum annis xxviiij. non exactis, Monafterio Caſinenſi, impleto cumulo meritorum, præſuiſſet. Conſule Leonem Oſt. lib. i. cap. 46. Chron. Caſin. Carolus Sigonius de Regno Italia lib. 6. & Camillum Peregr. hiſtor. Princip. Langob. in ſerie Abb. Caſin. in Berthario. Eius martyrij acta ab Ignatio Pragenſi Monach. Caſin. Priore conſcripta, hætenus inedita apud nos ſeruatur tali exordio. Tempore, quo ſacrum Imperium ad tuendas res Eccleſiæ Romanæ, &c. Eiuſdem S. Bertharij vitæ per dictum Ignatium exarata, notisque Conſtantini Caietani illuſtrata meminit etiam Labbeus in noua Bibliot. m. ſ. ſ. librorum pag. 365. Martyrol. Gallicanum ſub die xxij. Octobris, Sancti Bertharij etiam mentionem facit. De vita, & translatione Reliquiarum Sancti Bertharij ad Montem Caſinũ, vide Martyrol. Vignonis ad diem xxij. Octobris & ij. Decembris.*

*Scrit ſit S. Bertharius Philoſophus, ac Medicus inſignis, ante conuerſionem ſuam multa verſibus, & ſoluta oratione: nempe de Medicina,*

cina, & Grammatica, videlicet de innumeris morbis hinc inde collecta volumina duo. De Grammatica libros aliquot.

Sed postea studium mutans, animarumque Medicus constitutus, fecit Sermonum, & Homiliarum librum unum, qui adest m. s. in Biblioth. Casin. Cod. sig. num. 107. De S. Matthia Apostolo sermonem unum, cuius initium. Inclytam, & gloriosam festiuitatem; vide tamen notas Michaelis Monachi ad Kalendarium quintum sub die vigesima quarta Februarij Sanctuarij Capuani.

De Sancto Romano Abbate sermonem unum, exordium est. Adest nobis dies, &c. cuius etiam mentionem facit Arnoldus Vuion ad Martyrol. Bened. sub die xxij. Maij: quæ supradicta opuscula ac tractatus ad notitiam Petri non venerant.

Sermo de S. Luca Euangelista, quem noster Petrus indicauit, habetur in Breuiario Ord. S. Benedicti. ac etiam in Biblioth. Vallicellana, testatur Card. Baron. in Martyrolog. ad diem xvij. Octobris.

Versus ad Angelbergam Augustam, uti etiam de vita, & obitu Sanctissimi Benedicti, excusi sunt Romæ anno Dom. M D X C. & in tertio poematum volumine Prosperi Martingij simul cum duobus alijs poetis, qui nondum erant impressi, reperiuntur; habenturque etiam in notis Martyrolog. Benedicti. Arnoldi Vuionis ad diem xxj. Martij.

Liber

Liber, cui nomen fecit Antikeimenon id est contrariorum siue contrapositorum libri utriusque testamenti, extat impressus Colonia anno Dñi MDXXXIII. in viij. incerto auctore: ignotum enim tunc erat nomen nostri S. Bertharj ijs, qui in lucem dictum librum prodiderunt, sic exorditur. Cum in Genesi septem primi dies legantur. Meminere huius libri Leo Ost. lib. I. c. 32. his verbis. Hic (videlicet Bertharius) apprimè literatus, nonnullos tractatus, atque sermones, nec non, & versus in Sanctorum laude composuit. Cuius & Anticimenon de plurimistam veteris, quam noui testamenti quæstionibus hic habetur: Et Fabianus Iustinianus in suo indice vniuers. li. litera A. fol. 30. inscio tamen nomine auctor. s. Custoditur etiã liber iste manu exaratus literis Langob. sub nomine nostri S. Bertharj in Bibl. Aniciana. Eius opuscula penes Abb. Constantinum Caietanum extitisse, scribit V. Clar. Leo Allatius omnigena eruditione egregiè, doctèque instructus librorumque belluo lib. de Viris Illustribus, cui titulum fecit. Apes Urbane, in verbo Constantinus.

Agunt de S. Berthario Ost. loco cit. Trith. de Viris Illustribus, Sigonius de Regno Italie lib. 6. alijque.

## CAPVT XIII.

**A**VTHPERTVS eiusdem Cœnobij Abbas Vir disertus, & valde eruditus, inter multa, & præclara ingenij sui monumenta in laudem S. Matthiæ Apostoli, nec non de Purifica-

ficatione Sanctæ Dei Genetricis, aliorumque  
Sanctorum homilias valde pulchras compo-  
suit. Fuit autem temporibus Lotharij Impe-  
ratoris.

# A N N O T A T I O.

**A** Vthpertus Abbas decimus septimus Ord.  
S. Benedicti creatus die xvj. Octobris  
anno DCCCXXXIV. præfuit annis tribus:  
subductus est è mortalium cœtux. Kal. Martij  
ann. DCCCXXXVII. & Casini sepultus, re-  
gnante Lothario Imperatore. Vir fuit moribus  
compositus, religione præstans, ingenio non  
infelix, & literaturæ non ignobilis, teste Leone  
Ost. in Chron. lib. 1. c. 25. edit. Ven. Bibliothecā  
quam habebat optimis cuiusque generis libris  
instructam, cum sarcinam mortalem exueret,  
Casinensibus legavit. Traduntur enim dono  
data inter cætera, ab Authperto infrascripta  
rara eruditionis monimenta, videlicet. Diuersæ  
homilie m. ss. S. Epiphaniij Episcopi extant in  
Cod. sig. n. 305: pariter in Cod. 232. adest liber  
S. Gregorij Nisseni Episcopi de conditione ho-  
minis, ex versione Dionysij Abbatis. Incipit  
epist. Dionysij ad Egiptium Presbyt. Domino  
sanctissimo, & à me plurimum venerando.  
Inhæret præterea eidem Cod. 232. liber de vita  
Christiana Fastidij Britannorum Episcopi,  
qui in Cod. Vatican. 551. vocatur Fastidiosus,  
incipit. Vt ego peccator, & vltimus, insipien-  
tior cæteris, &c. sunt fol. 14. in iv. de quo Gen-  
nadius de Script. Eccles. cap. 56. Vide Vossium  
de

de his. Lat. lib. 2. cap. 19. in Dionysio; Sicuti in scamno 5. ad sinistram Cod. sig. n. 29. Auxilij Presb. Etymologicum habetur, liber egregius vetustissimus. Et in eodem scamno Cod. sign. n. 30. sequuntur eiusdem Auxilij Presb. varia Theologica erudita: nempe primo quaest. 137. in Exameron. Secundo, aliae quaestiones ferme omnes de Genesi. Tercio, capitula differentiarum 36. Quarto, de distinctione quatuor vitiorum. Quinto, de Trinitate, per quaestiones, & responsiones, ubi deinde ferme omnia nomina explicat, quae in rebus ecclesiasticis versantur, ut quid Neophitus, quid Cathecumenus, quid Competens. Sexto, de officiis diuinis, per interrogationem & responsionem, ut unde dicta sit missa, &c. Vnde statio, & quid inter stationem & ieiunium intersit, quid abstinentia, &c. Quanam sit Xerophagia, & quae reconciliatio, &c. Quae supradicta m. s. s. opuscula, sicuti pene infinita alia, quae hodie Bibliothecam Casinensem exornant, magnifico munere fuere à nostro Authperto donata asserunt nonnulli, sunt enim Bibliotheca in Monasterijs, velut Armamentaria militiae spiritualis, & gazophylacia thesaurorum Religiosorum.

Scripsit Authpertus praeter exposita à nostro Petro diuersas insuper homilias, & sermones scilicet de Assumptione B. Mariae, tali exordio. Adest nobis dilectissimi. De Natiuitate eiusdē, siue sermonem cōmunem in eius festiuitatibus, qui incipit. Celebritas hodierna. Sermonem in festo omnium Sanctorum, incipit. Adest



dilectissimi, &c. Habentur hi sermones m. ff. in Biblioth. Casin. Cod. sign. nu. 305. Sermo verò in laudem S. Matthiae Apostoli, ineditus adhuc creditur.

Circumferuntur sub nomine nostri Authperti Abbatis, sed perperam, infrascripta m. ff. opuscula: videlicet. Sermo de Cupiditate viris secularibus valde utilis, habens scripturarum testimonia octoginta. Incipit. Sanctorum Ecclesiam. Sermo in Purificatione B. Mariae Virginis, qui extat impressus quoque in Alcuini Homiliario. Si subtiliter à fidelibus. Sermo in Dedicatione Ecclesiae. Vidi Ciuitatem Sanctam Hierusalem. Oratio contra septies septena vitia. Summa & incomprehensibilis natura. Homilia in illud Euangelij S. Marci. Assumpsit Iesus Petrum & Iacobum, & Ioannem. Quae in Breuiario Ecclesiae Atinensis literis Langob. in tres Lectiones distincta habetur sub die sexta Augusti. Solet nonnunquam euenire. Vita Sanctorum Patrum Paldonis, Tatonis, & Tasonis Monasterij Sancti Vincentij de Vulturno Abbatum. Humani generis primus parens. De qua vide catalog. Sanctor. Ferrarij ad diem xj. Octob. xj. Ianuarij, xj. Decembris, & Bollandum sub die xj. Ian. Quae praefata opuscula male nostro Authperto attribuantur cum suum agnoscant auctorem Ambrosium Authbertū alias Ansbertum Monachum & Abbatem S. Vincentij de Vulturno propè Capuam fluuiolo, qui claruit anno Domini DCCCXC. Fuitque Magister in humaniori-



nioribus Caroli Magni, de quo Sigibertus de script. Eccles. cap. 91. & Aubertus Miraus in auct. de script. cap. 257. cuiusque etiam extant lucubrationes nonnullae impressae Colonia anno Dom. MDXXXVI. in fol. Certè quod supra-memorata opuscula, quae nos manu exarata, etiam asseruamus; praeferunt nomen Ambrosij Authberti Abbatis Sancti Vincentij, non Casinensis.

Porro Authbertus iste in Bibliotheca philosophica, & alibi à nonnullis appellatur Rupertus, quem, inquiunt, vixisse anno MXL. sed duplex hic lapsus est, nimirum in nomine, & in annorum numero; quippe in Casinensium Abbatum Catalogo nullus Rupertus inuenitur, & anno MXL. Richerius Abbas Monasterio Casinensi praerat.

## CAPVT XIV.

**E**RCHEMPERTVS Diaconus, paruulus & ipse B. Benedicto oblatas, de destructione, & renouatione Casinensis Cœnobij, nec non de Ismaelitarum incursione historiam necessariam satis composuit. Fuit verò tempore Ludouici Imperatoris,

## ANNOTATIO.

**E**Rchempertus, ab alijs Herempertus, seu Herembertus, è Langobardorum illustri stirpe, genus sumens è Beneuentanis Ducibus. Pater eius Radelgarius, abauus Rodolt, patruus

truus Radolphus vocabatur. Vir fuit sanguinis splendore & doctrina non ignobilis, historiaeque scientissimus; ad humana tamen vita incommoda solum natus. Scripsit Chronicon, siue historiam Langobardorum, cuius prototypon putatur perijisse; tempore tamen Desiderij Abbatis Casin. qui postea fuit Victor Papa III. exscriptum fuisse, ita ipso mandante, testatur noster Petrus in auctario Chron. Casin. lib. 3. cap. 62. edit. Venet. Fusioris enim huius historiae epitomen, seu potius auctarium ad histor. Pauli Diaconi de gestis Langob. ad ann. DCCCLXXXV III. ab ipsomet Erchemperto confectum, ut creditur, Vir Clar. Antonius Caracciolus ex Ord. Cler. Reg. primum ex m. s. Codice Vaticano edidit, notisque illustravit, & typis Neapoli anno MDCXXVI. in iv. publicauit una cum Chron. Lupi Protospata, Falconis Beneuentani, aliorumque. Verum postremo loco eruditissimus Camillus Peregrinus sua Lang. hist. praedictum Chron. seu Epitomen scholijs ornatum solita diligentia, ac eruditione attexuit: unde qui plura volet, apparatus, notasque eiusdem consulere poterit. Vide etiam Philippum Labbeum in noua Bibl. m. s. s. librorum par. 1. pag. 10. & 366.

Scripsit insuper Erchempertus Carmen de vita Landulphi Episcopi Capuani, de quo vide Sanctuarium Capuan. Michaelis Monachi, ac etiam prae notatum Peregrinum in praefat. ad dict. histor. pag. 15.

Ab eodem pariter Erchemperto literis consignata

gnata putantur Acta translationis Sancti Matthæi Apostoli, & ea fortasse censentur, quæ edidit Columna Archiepiscopus Salernitanus; verum prædicta acta, quæ m. s. s. penes nos sunt, præferunt nomen Paulini Legionensis siue Londinensis Episcopi in Britannia: initium est. Matthæus Euangelista & Apostolus, cum primum in Iudæam, &c.

Observandum etiam est, non extare opuscula, quibus noster Petrus titulum fecit, de destructione & renouatione Casinensis Cœnobij; nec non de Ismaelitarum incursione: nisi velimus dicere, in prædicto Chronico, siue historia, utramque descriptam fuisse cladem. Adi Vir. Clar. Vossium de hist. Lat. lib. 3. Denique Leo Ostien. in Chron. Casinensi sæpè meminit Erchemperti, è quo plurima desumpsisse videtur, ut lib. 1. cap. 9. & 19. 46. Et Card. Baron. ex Erchemperti historia multa pariter hauisse, atque in suos annales inseruisse, facile videre est. Lege ipsum ad ann. DCCCLXXI. DCCCLXXII. DCCCLXXIII. & DCCCCXII.

Quoto autem signatè anno Erchempertus mortalis corporis deposuerit pondus, ignoratur: licet quidem opinari ann. DCCCLXXXIX. dum exeuntem annum DCCCLXXXVIII. viderat, descripseratque, nec ulterius historiam produxerat suam, quam se producturum promiserat; & sic nostrum Petrum non libasse historiam Erchemperti, suspicatur præfatus Peregrinus, dum claruisse refert sub Ludoui-

eo Imperatore, cum illum vixisse sub Carolo III: compertum habeamus. Carolus enim imperavit ab anno DCCCLXXXI. ad annum DCCCLXXXVIII.

## CAPVT XV.

**I**OANNES supradicti Casinensis Cœnobij Abbas, Vir nobilis carne, & spiritu. De persecutionibus eiusdem Cœnobij, & de miraculis inibi factis, Chronicam succinctam, sed valdè necessariam loco descripsit. Sepultus verò est in Monasterio Capuano.

## ANNOTATIO.

**I**Oannes Abbas Capua, illustri loco natus, Principum Landulfi Primi, & Atenulfi Secundi consanguineus, vir animo infractus, literis eruditus, & ut eruditione, sic & sanctitate insignis, ex Archidiacono Capuano Monachus Casinensis: quo tempore, scilicet anno Dom. CMXV. Cœnobio Casinensi à Saracenis vastato, Monachi Capua habitabant, ob singularem morum maturitatem Abbas creatus est. Cœli limina petijt omni virtute præluens, anno Dom. CMXXXIV. ac in Capuano Cœnobio tumultatus est, Sanctorumque dein Casinensium fastis sub pridie Kalendis Aprilis adscriptus legitur. Meminit Ferrarius in nouo catalogo Sanctorum. De eo scribunt Leo Ost. Chron. lib. I. cap. 56. 57. & 58. noster Petrus lib. m. s. de ortu, & vita Iust. Casin.

*Casin. cap. 36. & Vossius de histor. Lat. lib. 3.  
Vide Sanctuar. Capuanum Michaelis Monachi pag. 157. ubi diffusè de Ioanne agit.*

*Chronicon, quod descripsit de persecutionibus Cœnobij Casin. & de miraculis inibi factis, ineditum adhuc remanet, illudque existimatur, quo in prologo sui Chron. usum se dixit Ostiensis his verbis: Adhibui præcipuè Chronica Ioannis Abbatis, qui primus in Capua noua Monasterium nostrum construxit. Camillus Peregrinus histor. Princip. Langobard. fol. 122. aliud Chronicon postremorum Comitum Capue hætenus ineditum in lucem euulgauit sub nomine nostri Ioannis Abbatis, licet autographum nomine ipsius Ioannis careret; quod haud rarò antiquis Scriptoribus, & maximè Monachis, in more fuit, ut in editione librorum modestè ergo, nomen cœlarent suum; notarunt Viri Clarissimi Sixtus Senensis in sua Biblioth. lib. 4. in verbo, Mammotreptus, ac Theophilus Raynaudus in Raymundo Iordano, qui hætenus Idiota nomen præferebat.*

## C A P V T XVI.

**T**HEODORICVS Casinensis gymnasij Presbyter, Vir inter Scriptores Ecclesiasticos non immeritò prædicandus: Historiam Sancti Confessoris Christi Firmani, & hymnum in laudem Beatissimi Mauri venusto stylo descripsit.

ANNO-

## A N N O T A T I O .

**Q**uamvis fuerit Sanctus Firmanus, qui scire desiderat, consulat Card. Baron. in annal. Eccles. ad ann. CMXCIII. qui citat etiam S. Petrum Damiani, ante cuius tempora vixit. Vnde Ferrarius in catalogo Sanctorum sub die xj. Martij sic legit. Firmanus. Firmij in Piceno natus, admirabili floruit sanctitate, qui inter sanctos Confessores, non solemni ritu, sed sola altaris, sacelline erectione relatus est. Arnoldus Vulon lib. 2. cap. 78. Lig. vit. in Theodorico hac refert. N. Theodoricus Monachus, & Sacerdos Monasterij Casinensis scripsit de vita Sancti Firmiani Episcopi lib. 1. De S. Mauro Abbate hymnum unum. Vossius de histor. Lat. in Theodorico, nuncupat Firminum, & ait fuisse primum Ambianensem in Gallijs Episcopum, qui temporibus Diocletiani martyrio decessit vij. Kalendar. Octobris: utriusque tamen decepti, ut credimus, ob solam nominis similitudinem, aut ob deprauati forsitan codicis lectionem. Theodoricus enim noster, Sancti Firmiani Confessoris Ora. S. Benedicti vitam descripsit, non autem Firmiani Episcopi, aut Firmini pariter Episcopi. Fuit quidem Firmanus Monachus, & Abbas Monasterij Sancti Sabini in Firmana Ciuitate, at non Episcopus; decessitque ante Leonem Papam IX. Olim in Cathedrali Firmana huic Sancto dedicatum vissebatur altare, & in Ecclesia S. Iacobi ad radices

dices Montis Gerionis magno populorum concursu eius festum celebrabatur, cui item visendum sanè altare consecrauerant. Legitur præterea Vbertus Episcopus Firmanus non solum Ecclesiam Sancti Michaelis Archangeli propè mare in fundo Reiano sitam anno Domini MXVI. Abbati Firmano, & Monachis S. Benedicti concessisse; verùm etiam multa alia bona, prædiaque anno M X. tradit Leo Ost. in Chron. lib. 2. cap. 26. Vide eruditissimum Vgbellum, virtutibus omnibus perinsignem, ac in cumulandis Ecclesiasticis monumentis perpetuū cultorem, diligentissimumque indagatorem, tom. 2. Ital. sacr. in catal. Episc. Firmanorum in Vberto. Claruit Theodoricus circa annum Dom. MXII.

## CAPVT XVII.

**S**TEPHANVS S. R. E. Pontifex, vir eruditissimus, ac singularis, prius quidem S. R. E. Cancellarius, ac dicti Casinensis Cœnobij Abbas effectus, post Richerij transitum, carne simul & spiritu nobilissimus, dum causa consecrationis suæ ad Urbem Romam pergeret, defuncto Victore, Ecclesiæ Præsule, à Cardinalibus, & Episcopis Romanus Pontifex eligitur. Scripsit apud Constantinopolim aduersus Michaellem eiusdem Urbis abusuum Patriarcham vnâ cum Vberto librum de Corpore Domini, in quo omnia, quæ Græci aduersus Latinorum sacrificium delatrabant, destruxit.



struxit. Alium etiam librum de eadem re-  
 edidit aduersus quemdam Monachum Cōstan-  
 tinopolitanum. Claruit verò temporibus Con-  
 stantini, & Henrici Imperatorum; sepultusque  
 est in Ciuitate Florentiæ, vbi multa signa  
 vsque in hodiernum diem per eum Deus pa-  
 trare non cessat.

## A N N O T A T I O.

**S**tephanus Papa Decimus, antea Frideri-  
 cus è nobilissima Familia Lotharingia,  
 (aliqui nonum legunt, eo quia Pontificum ca-  
 talogo Stephanum huius nominis secundum  
 Zacharia Pontificis successorem nō adscribunt,  
 cum dies tres solummodò in Pontificatu tran-  
 segerit: quæ ratio non debet certè illum ab albo  
 Summorum Pontificum expungere.) Fuit  
 itaque Frater magni Gottbifredi Regis Hiero-  
 solymitani: Vir quidem nobilitate sanguinis  
 satis notus, sed animi splendore & doctrina  
 multò magis clarus. A Leone Papa IX. eius  
 consanguineo, Cardinalis Diaconus S. Mariæ  
 in Domnica anno Dom. ML. ac etiam S. R. E.  
 Cancellarius; & Bibliothecarius creatus legi-  
 tur: Constantinopolim mittitur, Græcam  
 Ecclesiam cum Latina conciliaturus; Michae-  
 lem Carularium Patriarcham eiusdem vbi  
 deposuit, & anathematis vinculo innodauit;  
 inde rediens, seculique tadio affectus, verum  
 pro certo habens illud Philosophi à Plutarcho  
 singulari commentario celebratum, Latens  
 viuere. Casum petit; vbi positus honorum  
 insi-



*in signijs ad exactam religioſa humilitatis legem ſe totum compoſuit: Et poſt biennium communibus Monachorum ſuffragijs creatur Abbas in locum Richerij anno M LV II. iv. Kalend. Iunij die Veneriſtoſt Pentecoſten; de poſito Petro, qui prapropere fuerat intruſus Quare delati muneris confirmationem petiturus (nec enim fas erat Caſinatem Praefecturam Romani Pontificis iniuſſu adire) Florentiam ubi per eos dies Victor Papa II. degebat, ſe contulit, a quo non ſolum Abbas (quod querebatur) ſed iterum etiam Cardinaliſtit. Sancti Chriſogoni, ex Archidiacono S. Mariae in Domnica, factus Presbyter ſecunda promotione, iſque ſolus, prater opinionem & votum renunciatur anno M LV II. Inreditu igitur e Tuſcia, dum Romae etiam ſuſſisteret, nunciato Victoris obitu, per Bonifacium Episcopum Albanenſem, mirifica ſacri Senatus conſpiratione in demortui Pontificis locum ſublegitur, adeo inuitus ac relictans, ut per vim ex hoſpito ad Baſilicam S. Petri ad vincula educendus fuerit, Pontificatumque ipſi procurantibus aiebat marens. De me non poteſtis agere, niſi quod permiferit Deus, & abſque illius nutu, nec mihi dare, nec auferre iſtud poteſtis. Poſtridie ingenti omnium ordinum acclamatione, ac latitia in Vaticano conſecratus, Stephani Decimi appellatione inſignitur anno Dom. M LV II. die Sabbathi ij. Auguſti, quoniam feſtum Sancti Stephani Papa & Mart. eo die celebrabatur. Ita Fridericus nondum  
qua-*

quadriennio Monachus, hoc anno intra unum propemodum mensem, & Abbas Casinensis, & Card. S. R. E. ac tandem Summus Pontifex renunciatur. Rem illicò Christianam, quam perinlitus susceperat, prudentissimè temperavit; siquidem adiecto animo ad veteris disciplinae institutionem, multa piè, prudenterque constituit, & præcipuè contra concubinatum, aliæque plurima Cleri vitia; unde omnes clericos Romæ degentes, qui post interdictum Papæ Leonis incontinentes extiterant, de conuentu Clericorum & choro Ecclesiæ præcepit exire; & qui inobedientes eius sanctissimæ ordinationi resistebant, Deus ultionum in eos signa demonstrabat, ut notauit noster Petrus lib. m. f. de ortu & vit. Iustor. Casin. cap. 58. de quodam Presbytero, qui iuxta Canonicam B. Cæcilie Translyberim habitans, fœminam abijcere non acquiescebat, vana & friuola hac iudicans statuta. Dum, itaque incolumis, inquit Petrus, vegetus, ac sanus existeret, vespertinis horis ad quiescendum se in lecto composuit; sed repentina diuinæ ultionis animaduersione percussus, subitanea morte mortuus est. Falsorum Monachorum item ac Sanctimonialium vitam, idem Pontifex reprehendit, & correxit. Simoniacam hæresim in æternum damnauit. Mediolanensem Ecclesiam, quæ per ducentos fere annos à subiectione Romanæ Ecclesiæ insolenter se subtraxerat, eidem obtemperantem fecit. Denique dum se totum in deprauatis

*moribus corrigendis accommodasset, infirmæ tamen semper valetudinis, Florentiæ singulari omnium dolore ac luctu vitam cum morte, vel retrò potius commutauit an. MLVIII. die xxviii. Aprilis, ibique sepultus in Cathedrali Ecclesia S. Reparata, absque vlla inscriptione, cum sedisset decem menses, totoque etiam vitæ spatio Abbatia Casinensi sibi reservata; constituto tamen illic eiusdem Cœnobij Monacho Desiderio Vicesgerente, qui postea Victor Papa III. est appellatus, exemplo Leonis Papæ IX. qui sibi Episcopatum Tullensem quoad vixit retinuerat, dato suffraganeo. Sanctum Petrum Damianum Sabbatho quatuor temporum Martij in Collegium Cardinalium renitentem cooptauit ac in Episcopum Ostiensem et. am consecrauit, vt proinde ipse Damianus in epistola ad Nicolaum II. Suum vocauerit persecutorem Stephanū. Vt etiam Hildebrandum S.R.E. Archidiaconum, Sanctum Satanam, utpotè bona intentione aduersarium, nimirum, quod votis de repetenda eremo conceptis pertinaciter obstitisset, datis literis ad Alexandrum Papam II.*

*Res gestas Stephani scripserunt Sigibertus in Cbron. ad ann. MLVIII. Leo Ostiens. in Cbron. lib. 2. cap. 77. 96. 98. 100. 101. qui suo tempore multa patrata fuisse ad eius sepulchrū miracula scribit. Eius sanctitas memoratur in Martyrologijs Arnoldi Vuionis, Hugonis Menardi, & Andrea Suassay. Vide etiam Lambertum Schafnaburgensem in hist. Germ.*

*ad*

*ad ann. MLVIII. Frizonem in Gallia purpurata, Sigonium de Regno Ital. lib. 9. aliosque.*

*Scripsit præter memorata à Petro, epistolam ad Gervasium Barbet Archiepiscopū XLIII. Rhemensem, habetur tom. 3. Biblioth. Patrum & tom. 7. Concil. apud Baron. ad an. MLVII. num. 33. ac Papyrium Maſſonum: sed male ad Vuilhelmum pro Gervasio dicitur, cum nullus reperitur hoc nomine toto illo seculo Rhemensis Archiepiscopus.*

*Diplomata varia Pontificia fertur scripsisse, dum Bibliothecarij, ac Cancellarij S. R. E. officio fungeretur. Eius decreta leguntur Colonia excusa cum alijs, teste Posseuino in Apparatu. Si plura de scriptis Stephani videre optas, adeas Rupipozeum Episcopum Pictaviensem in nomenclatura Card. Possevinum in dict. Apparatu. & Claudium Robertum in Gervasio Barbet.*

## C A P V T XVIII.

**V**ICTOR, & ipse Apostolicæ Sedis Pontifex, Casinensis Abbas, compunctione timoris Dei plenus, castitate singularis, professione & opere Monachus, in nuptijs sponsam suam relinquens, eremum petijt, ibique sanctæ religionis habitum sumpsit: cuius fugam rabido furore insequentes parentes, eum repertum veste monastica exuunt, militari- busque illum tegminibus induentes, ad eius genitricis domum Samnium vsque deducunt.

Inde

Inde igitur, nata quadam hora aufugiens. Sanctæ Trinitatis Cœnobium petijt. Inde igitur Magellæ eremum, ac dein Montem Casinum adueniens, monasticam isthic consecrationem accepit. Factus deinde Abbas, totum Casinum Cœnobium renouauit. De miraculis præterea, quæ à B. Benedicto, & à Monachis Casinensibus gesta sunt, vnâ cum Theophilo Diacono libros edidit quatuor. Cantum etiam B. Mauri composuit, in quibus qui vult artis Grammaticæ tramitem, & Monochordi sonori Magade reperiet notas: Factus dehinc Sedis Apostolicæ Pontifex scripsit ad Philippum Regem Francorum, ad Vgonem Cluniacensem Abbatem quamplures epistolas. Claruit autem temporibus Imperatorum Michaelis, Constantini, Alexij, atque Henrici. Sepultus verò est in absyda Capituli Casinensis.

A N N O T A T I O.

**V**ictor Papa Tertius, in seculo Dausen-  
rius, deinde Monachus, Desiderius vo-  
catus; Samnis Beneuentani Principis vnica  
proles originem trabens ex familia Epiphania  
natus anno Dom. MXXVII. à primis annis  
amores suos, ac delicias in cœlo collocans, in  
eremum clam secedit (erat enim seculi rigi-  
dus aspernator) deinde inter Casinates opera  
Romani Pontificis admissus fuit, nil aliud in  
votis habens, quàm latere, & nesciri: vnde

D de

de illo verè dici poterat, quod bodie in effigie  
*Thomæ Kempensis legitur*. In omnibus re-  
 quiem quæsiui, sed non inueni, nisi in abditis  
 recessibus, & libellis. Non multo post igitur,  
 videlicet anno *MLVI*. etatis sue xxx. Ab-  
 bas Casinensis eligitur, ( qui ante electionem  
*S. Benedictum* sibi hilari vultu, manu porre-  
 cta innuentem, & iuxta se considerare iubentem  
 per visum aspexit: quæ visio Casinensis Cœno-  
 bij eum Abbatem futurum indicabat ) & à  
 Romano Pontifice in procurandis magni mo-  
 menti negotijs ad *Michaelem Imperatorem*,  
 Legatus mittitur; è qua legatione postea re-  
 gressus, administrationem denuò Cœnobij Ca-  
 sinensis suscepit, & à *Nicolao Papa II.* anno  
*Dom. MLIX.* inter Cardinales, tit. *S. Cecilia*  
 cooptatur. Extincto apud *Salernum Grego-  
 rio VII.* *Desiderius* omnium consensu, *Chri-  
 stiana Reipub.* præsicitur, quo, ille, accepto  
 nuncio, tanquam repentinæ calamitatis inopi-  
 nato casu percussus, nunquam persuaderi po-  
 tuit, ut electioni assentiretur, disertè conte-  
 stans, se Pontificem esse nolle, & deposita cru-  
 ce, chlamyde coccinea, ceterisque Pontificijs  
 ornamentis, præter albam, quam renitenti  
 non potuerunt imponere, *Casinum* generosa  
 seculi fuga, ad suos remigrat: sed quia deli-  
 beratum erat, neminem alium, ipso supersti-  
 te, ac viuo, ad illud dignitatis culmen euehere,  
 importunis Cleri, Principūque precibus victus  
 Pontificatum admittit an. *Dom. MLXXXVI.*

ix. Kalend. Iunij, qui minimè postea consecrari passus est, usque ad xiiij. Kalend. Aprilis die Dominico in Ramis palmarū, in Diaconia S. Lucie ad Septisoliū ann. MLXXXVII. Quo tempore, dum Victor rem diuinam faciebat in Monasterio Casinensi, ad gloria immortalis conscendit sublimitatem anno etatis sue lx. xvj. Kalend. Octobris (veneno in calicem infuso, Henrici IV. Imp. & Pseudopapa insidijs suspicantur nonnulli. Vide Genebr. lib. 4. Chron.) Dignus viuere annorum seriem innumerabilem, cum præsuisset in Sede Apostolica ab ipso sue electionis exordio annum unum, à consecratione menses quatuor, dies septem, & in Martyrologio Benedictino sub die xvj. Septemb. adscriptus hoc elogio. In Monasterio Casinensi obitus Beati Victoris Papæ Tertij, sanctitate vitæ & miraculorum gloria clarissimi. Michael Constantinopolitanus Imperat. Victorem nostrum fama notissimum venerabatur, eique nuntios, & plura munera misit, postulans, ut pro se, filijs, & Imperij statu Deum exoraret. Leo Ost. in prologo lib. 3. Chron. Casin. admirabilem, & singularem sui Ordinis virum Desiderium appellauit, & Sanctus Petrus Damiani Archangelum Monachorum. Eius sepulchrum visitur in Capella Sancti Bertharij Abbat. & Martyr. ad sinistrum Altaris cornu, hoc ornatum epitaphio.

Qui fuerim, vel quid, qualis, quantusque, doceri  
Si quis fortè velit, aurea scripta docent.



Stirps mihi magnatū, Beneuētus patria, nomē  
 Est Desiderius, tuque Casine decus.  
 Intactā sponfam, matrē, patriamq. propinquos,  
 Spurnens, huc propero, Monachus efficior.  
 Abbas dehinc factus, studui pro tempore, totū  
 ( Vt nunc aspicitur ) hunc renouare locum.  
 Interea fueram Romana clarus in Vrbe  
 Presbyter Ecclesiæ, Petre Beate, tuæ.  
 Hoc senis lustris, minus anno, functus honore  
 Victor, Apostolicum scando dehinc solium.  
 Quatuor, & semis, vix mensibus inde peractis,  
 Bis sex lustra gerēs, mortuus hic tumulor,  
 Solis virgineo stabat lux vltima Signo,  
 Cum me Sol verus hinc tulit ipse Deus.

*Multa dum vixit scripsisse fertur, inter qua  
 adsunt tantum Dialogi sub hoc programme  
 euulgati. Victoris Tertij Rom. Pontif. olim  
 Desiderij Abbatis Casinensis Dialogi. Diuer-  
 sa enim miracula in eis à S. Benedicto, alijsue  
 Monachis in Casinensi Cœnobio, & alibi pa-  
 trata leguntur, quos annis superioribus Ro-  
 mæ in viij. forma in lucem è Vatic. Biblioth.  
 depromptos edidimus, notisque illustrauimus.*

Cantus, quem de Sancto Mauro composuit  
 ( erat enim Musices & Medicæ artis peritissi-  
 mus ) in Odeo Monasterij Casin. legitur : nota  
 tamen, quod Magadium in dicto cantu indi-  
 catum, ea pars est lyre, in qua plectrum illi-  
 ditur, ubi scilicet percussio chordarum fit  
 manu dextera, ut Budeus notauit. Vide li-  
 brum de Harmonia psallentis Ecclesiæ cap. 17.



*S.3. nu.5. circa finem, D. Ioannis Bona Cong. S. Bernardi Ord. Cisterc. Abbatis dignissimi, viri omnigena literarum eruditione instructissimi; validisque presidij disciplinarum omnium tam metro, quàm prosa nobiliter instructi.*

*De rebus gestis Victoris agunt Leo Ost. in Chron. lib.3. per totum, Binus in 7.tom. Concil. Sigonius lib.3. de Regno Italia, Arnoldus Vuion lib.5. pag.633. Lign.vitæ. Albertus Crantzius. Baron. ad ann. MLXXXVII. Camil. Pereg. histor. Princ. Langob. in serie Abb. Casin. in Desiderio, alijque.*

C A P V T X I X.

**A**LPHANVS Salernitanus Archiepiscopus, & Casinensis Cœnobij Monachus, vir in scripturis sanctis eruditus, & notitia ecclesiasticorum dogmatum ad plenum instructus. Composuit nudo, & lucidissimo sermone passionem Sanctæ Christinæ, Hymnos præterea de eadem Virgine duos. De Sancto Benedicto versus ad Pandulphum Marforum Episcopum. Cantus S. Sabinæ. Versus S. Christinæ. Sancti Petri Apostoli. In laudem Monachorum Casinensium. De situ, constructione ac renouatione eiusdem Cœnobij: metrum sapphicū hendecasyllabum de S. Mauro; Item eiusdem hymnos; de Sancto Matthæo hymnos tres: de Sancto Fortunato duos: de

S. Nicolao; ad Attonem Episcopū Theatinū; ad Gisulphum Principem Salernitanum; ad Sigismundum Monachū Casinensem; ad Guilielmum eiusdem loci grammaticum; ad Guidonem Fratrem Principis Salernitani; ad Gosfridum Auerfanum Episcopum; ad Hildebrandum Archidiaconum Romanum; ad Romualdum causidicum Salernitanum; ad Rosfridum Monachum Casinensem: metrum heroicū, in honorem Sanctorum duodecim Fratrum; Confessionem metricam eius; Versus de Ecclesia Sancti Ioannis Baptiste in Casino; Epitaphia quamplurima virorum insignium, & alia, quæ in nostram notitiam non venerunt. Fuit autem temporibus supradictorum Imperatorum; sepultus vero est apud Salernum.

# A N N O T A T I O.

**A**lphanus Salernitanus, primò Monachus Casinensis, deinde postulatione Gisulfi Principis, Abbas Monasterij S. Benedicti Salerni, & postremo eiusdem Ciuitatis Archiepiscopus renunciatur anno Dom. M L V I I. interfuisse enim legitur Concilio Romano sub Nicolao II. scientiæ tanto lumine cum sanctitate coniuncto præditus dicitur, ut illius seculi hominibus pro miraculo fuerit: Philosophus, Theologus, ac Orator celeberrimæ opinionis, poeticaque artis disertissimus; Neque verò alienum ab Episcopi dignitate existimandum, quod

in Dei laudibus Poeticam maximè adhibuisset, cum & Paulus Gentium Doctor hymnis & canticis Deum celebrari iubeat; nec iam inde ab initio nascentis Ecclesie exempla defuerunt. Quo in numero familiam ducunt Damasus Pontifex, Nazianzenus, Damascenus, Paulinus, Fortunatus, Prosper, Sidonius, ceterique Præsules. Lucubrationes, quas notauit nosser Petrus, editæ habentur apud V. Cl. Vgbelam in calce tom. 2. Italia sacr. demptis versibus, quos scripsit in laudem Romualdi Causidici, & Sigismundi Monachi Casinens. quos m. ff. seruamus.

Insuper exarauit Alphanus præter recensita, quadam insignia profundi sensus opuscula, videlicet. De vniõne verbi Dei & hominis librum vnum. De vniõne Corporis & Animæ librum vnum. De quatuor humoribus corporis lib. vnũ. Extabant prædicta doctrina consummatissima monimenta in Casin. Biblioth. m. ff. in pluteo 8. ad sinistram; num vero hodie, nondum comperimus, quamuis illa cum diligentia ab antiquitatum Eccles. indagatoribus perquisierimus. Passio Sanctorum Martyrum duodecim Fratrum Beneuentanorum, licet non vna die sint passi, quam metro heroico in honorem dictorũ Sanctorum scripsit ad fratrem Rosfridum Casinensem Monachum, legitur apud Lippomannum tom. 4. & Sur. tom. 7. sub die prima Septembris, cuius etiam mentionem facit Galesinus in not. ad Mart. seruaturque

etiam m. f. in nostro tenui literario penu.

Notandum tamen est, quod non solum ex isto nostro m. f. exemplari versus editi emendantur; verum etiam ex alijs centum versibus hactenus ineditis metrum heroicum suppletur, sequitur enim.

Sic sacra temporibus Sanctorum corpora multis, &c. Terminatur sic.

Iam sistat opus milleno carmine clausum: Historiam prædictam ad fidem dicti m. f. Cod. correctam, omnibusque numeris absolutam, Deo dante euulgabimus. Commentatus quoque est de alijs sanctis, quæ Tritheimio præterita Possevinus recenset.

Aliorum hymnorum, & carminum libri una cum epitaphijs, partim excusi sunt in tertio tom. poematũ Prosperi Martinengi in iv. Romæ ann. MDLXXXIX. & in anal. Card. Baron. tom. 12. partim verò in calce tomi 2. Italiae sacr. Inter opuscula Guaiferij Salernitani Monachi Casinens. Cod. sign. num. 280. Biblioth. Casin. cuncta Albani poemata in-texta nunc habentur.

Claruit Albanus velut Sol cunctis fulgidus, virtutis exempla, felicitatisque tramitem subditis præmonstrans, ultimis Henrici Tertij, ac primis Henrici Quarti temporibus, anno scilicet Dom. MLVII. usque ad annum MLXXXVI. post vigesimum nonum annum sui Prasulatus, mense Maij: qui etiam fuit inter Sanctos relatus, inquit Arnoldus

Vuion.

*Vuion . Hinc corrigendum Falconis Chronicon editum à Viro Clar. Antonio Caracciolo, in cuius indice hæc leguntur . Alphanus Archiepiscopus Salernitanus obiit an. MCXXI. Succedente sibi Romualdo Chronici Scriptore Falco CCXX. Fuit Auctor Poematum, quæ feruat Bibliotheca Vaticana , vt testatur Baron. tom. xij. ad annû MCXI. Diuersus est ab Alphano illo seniori, qui consecratus est Archiepiscopus anno MLVIII. de quo Leo Ost. lib. 2. cap. 99. 100. Noster enim Alphanus, qui auctor est poematum, fuit electus & consecratus Archiepiscopus Salernitanus à Stephano Papa X. anno MLVII. non autem senior Alphanus, clarè docet Leon. Ostien. in Chron. lib. 2. cap. 97. ac etiam lib. 3. cap. 7. 8. & 35. ad Vossium de histor. Lat. in Alphano .*

## C A P V T X X.

**A** MATVS Episcopus, & Casinensis Monachus, in scripturis disertissimus, & versificator admirabilis. Scripsit ad Gregorium Papam versus de gestis Apostolorum Petri & Pauli, & hos in quatuor libros diuisit: fecit & de laude eiusdem Pontificis, de duodecim lapidibus, & ciuitate cœlesti Hierusalem. Historiam quoque Nortmannorum edidit, eandemque in libros octo diuisit. Fuit autem temporibus supradictorum Imperatorum.

ANNO-

## A N N O T A T I O.

**F**uit Amatus Prouincia Campania, Scrip-  
 tor sui temporis non contemnendus, ac  
 deinceps Episcopus, incerta tamen sedis. Scrip-  
 psit ad Gregorium VII. Papam de gestis Apo-  
 stolorum Petri & Pauli. Historiam Nort-  
 mannorum dicauit Desiderio Abbati, qui fuit  
 Victor Papa III. testis est noster Petrus in  
 auctario Chron. Casin. lib. 3. cap. 35. illamque  
 hodie non extare, nisi m. s. in Casinensi Bibliot.  
 affirmant aliqui, non exiguo sanè historia ec-  
 clesiastica, ac prophana bono; cum in ea mul-  
 ta scitu digna accurateque descripta legantur  
 precipueque verò Nortmannorum ritus, ac res  
 gesta fideliter exarata explicantur. Animad-  
 uerterunt enim curiosi, exteros ferè accura-  
 tius, quàm incolas, gentis cuiusque mores, ri-  
 tus, antiquitatem & obseruasse, & literis man-  
 dasse. Non longè abierimus. Graci, Diony-  
 sius Halicarnassæus, Plutarchus Cheroneus,  
 Dio Cassius, & Herodianus copiosius, quàm  
 Latini, Liuius, & Paterculus, caterique in suo  
 quisque genere res Romanas. Viuebat Ama-  
 tus anno Dom. MLXX. sicuti per ea tempora  
 inter Casinates sanctitate, & literis etiam  
 florebat Albericus, Constantinus, Guaisfe-  
 rius, & Alphanus.

C A P V T X X I.

**A**LBERICVS Diaconus , vir illius temporis singularis . Scripsit librum dictaminum , & salutationum . Hymnos in S. Nicolai, in Musica Dialogum . Librum de virginitate Sanctæ Mariæ: contra Henricum Imperatorem de electione Romani Pontificis . De Astronomia . Hymnos in S. Crucis, in Ascensionis, in Sancti Pauli, in S. Apollinaris: vitam S. Scholasticæ, Homiliam eius, & hymnos, in Assumptionis S. Mariæ hymnos tres, in Sancti Petri hymnos: vitam S. Dominici: passionem S. Modesti, & S. Cæsarii: Librum de Dialectica . Temporibus verò eius facta est Synodus in Vrbe Roma aduersus Berengariū Diaconum Ecclesiæ Andegauensis, qui inter multa, quæ astruere nitebatur, dicebat, sacrificium Corporis, & Sanguinis Domini figuram esse: cumque ei nullus resistere valeret, idem Albericus euocatur ad Synodum: quò dum venisset, post varia conflictationum genera, cum pars parti non cederet, idem Albericus, accepta hebdomadæ vnus licentia, librum aduersus eundem Diaconum de Corpore Domini edidit Sanctorum Patrum testimonijs roboratum, in quo omnes assertiones eius destruxit, æternæque obliuioni tradidit . Fecit & versus in vitam S. Scholasticæ, Rhythmum in Pascha; de die Iudicii, & de pœnis inferni. Rhythmum  
de



de gaudio Paradisi. Epistolas quoque quamplurimas ad Petrum Ostiensem Episcopum. De die mortis. De monachis. Composuit & alia, quæ in nostram notitiam non venerunt. Fuit autem temporibus supradictorum Imperatorum. Sepultus verò est in Vrbe Roma iuxta Ecclesiam Sanctorum Quatuor Coronatorum.

## A N N O T A T I O.

**A**lbericus Monachus Casinensis & S. R. E. Diaconus Cardinalis Sanctorum quatuor Coronatorum à Stephano Papa X. creatus, alij ab Alexandro II. Papa legunt; vir disertissimus, multisque virtutibus suo tempore clarus, quem iterum honorifico satis elogio idem noster Petrus Diaconus in auctuario ad Ost. Chron. lib. 3. cap. 35. commemorat. Librum integræ vix hebdomada interiectu elaboratum aduersus Berengarium Hæresiarcham de Corpore Domini, Patrum testimonijs roboratum edidit, quo eius omnes assertiones omnino euertit, ipsamque deuicit, ac profligauit secunda vice sub Gregorio Septimo anno M L X X I X. in Synodo Romana; ut tanti proinde Sacramenti defensor dici promeruerit; unde postea Berengarius rationibus potissimum Alberici superatus, ac victus, pœnitentia ductus, errorem suum confitens, suscepta peregrinatione toto tempore vita sua satisfecit peccato, & anno Dom.



*Dom. MLXXXVIII. die Epiphania obiit nonagenarius, & in templo S. Cosma apud Turones sepultus. Scribit Claudius Robertus in sua Gallia Christiana, ubi de Episcopis Andegauensibus agit. Vide notas Viri Clar. Auberti Mirai in Sigibertum cap. 154. Berengarii abiurationem habes cap. Ego Berengarius, de consecr. dist. 2. Aliam in regest. Gregorij VII. lib. 3. & 6. in Synodo: cui repetitioni, quid causam dederit, exponitur in Scholijs Conciliorum, quae Colonia quatuor tomis sunt impressa. Vide Bellarminum lib. 3. de Euchar. cap. 8. col. 3. Blondum decad. 2. lib. 3. Lanfrancum, & Guitmundum contra Bereng. Notat Card. Baron. tom. xj. ann. M L I X. Leonem Ostien. nimis glorianter, ac valde mendaciter loquutum de Alberico, dum plus quam par est, de reportata gloriosa victoria in Synodo contra Berengarium, eidem Alberico tribuat: cuius obiectionem refellit Matthaeus Lauretus de exist. corp. S. Benedicti cap. 42. pag. 204. Plus etiam refert animadvertere, non esse Leonis ea, quae notavit Baron. sed eiusdem nostri Petri Diaconi, qui post Leonem incipiens à renouatione Ecclesiae Sancti Martini, id est lib. 3. cap. 34. cedit. Neapol. Chronicon Casinense continuauit; in qua parte, videlicet cap. 35. laudes & elogia Alberici à Petro describuntur, siue denuò repetuntur.*

*Meminit Alberici noster Petrus lib. m. f. de vita Iust. Casin. c. 48. in Gualferio his verbis.*

*Cum-*

Cumque iam remunerationes laborum, perrennemque coronam æternus dare ei (*Guaiferio*) Arbitrari decreuisset, languore deprimatur: qui in lectulo iacens extremum vitæ spatium iam iam ad Dominum reuersurus trahebat: nonnulli è fratribus circa lectum ipsius excubantes obitum eius orationum precibus munire cœperunt. Cumque in huius ministerio rei diei maximam partem pertransissent, surgens in medium Albericus Diaconus per Iesu Christi Domini nomen obtestari eundem, *Guaiferium* cœpit, vt post suum è mundo recessum qualiter susceptus, quomodo in loco deputatus esset, eidem apparens reuelare curaret; quo dicto, prædictus frater ex hoc mundo recessit. Post non multos autem dies idem *Guaiferius* eidem *Alberico* per visionem apparens dixit ad eum: In veritate scias, me ad vitam transisse æternam. *Hæc Petrus.*

*Cuncta lucubrationes Alberici habentur m. ss. in Biblioth. Cœnobij Sanctæ Crucis Fratrum Minorum Cōuentualium Sancti Francisci Ciuitatis Florentiæ. Vita S. Scholastica habetur quoque m. s. in Biblioth. Casin. Cod. sign. num. 146. pag. 253. post quam sequitur eiusdem Alberici quedam homilia, incipit. Audistis, fratres charissimi.*

*In vita Sancti Dominici innumerabilium patratoris miraculorum, Monachi Casinensis ac Abbatis iuxta Soram in Italia (licet habitu Cisterciensium pingatur, quem constat, diu*

*ante*

ante Cisterciensem reformationem vixisse Casinensibus Benedictinorum institutis) per nostrum Albericum descripta; apud Vir Cl. Bollandum tom. 2. sub die xxij. Ianuarij, nonnulla desiderantur, quæ ex nostro m. s. exemplari suppleri possent. Meminit Baron. Sancti Dominici anno M X X X I. & Ferrarius in catalogo Sanctorum.

Ceterum verò notandum, quod alius ab eo est Albericus, Monachus pariter Casinensis, qui scripsit de visione sua librum, natus anno M C I. circiter; legitur enim apud nostrum Petrum in auctario Chronici Leonis Ostiensis lib. 4. cap. 66. Casinense Cœnobium petijisse annum tunc agens ætatis suæ decimum, sub Gerardo Abbate, qui sedit ab ann. MCXI. usque ad annum M C X X I I I. Stephanus verò Papa X. à quo in cœtum Cardinalium fuit cooptatus noster Albericus, obiit anno M L V I I I. Vnde diuersus manifestè dignoscitur, & corrigendus Bollandus in prolegom. supradictæ vitæ Sancti Dominici, vnum & eundem esse opinans. Insuper obseruandum nostrum Albericum Card. non scripsisse de visione sua librum, ut incogitate notarunt Arnoldus Vuion, Possevinus, Torrigius, alijq; quem utique indicasset noster Petrus in elenco lucubrationum Alberici, si literis mandasset; cum visionem habuerit illam Albericus puer natione Campanus ex Oppido septem Fratrum, qui postea Cœnobium Casinense petijt

petijt sub Girardo Abbate, ut dicemus infra in Guidone & notauit supradicta noster Petrus in auctario ad Chron. Casin. Pariterque corrigendus venit Alphonsus Ciacon caterique etiam, qui de Cardinalium gestis conscripserunt, notantes Albericum Cardinalem esse natione Campanum ex Oppido septem Fratrum, dum putant Albericum Diaconum Monachum Casinensem, dein Card. & Albericum puerum, unum & eundem esse, ex nominis similitudine, ut credimus, decepti.

Extant epistola S. Petri Damiani ad nostrum Albericum tom. 1. lib. 2. epist. epist. 20. 21. in quibus quaestiones quasdam ab Alberico sibi propositas discutit: laudat & Platina in Nicolao II. vocans eum virum doctissimum.

Florebat Albericus ann. Dom. MLXXXIV. & aetas ex eo satis cognoscitur, quod pro Gregorio Papa VII. calamus strixerit aduersus Henricum IV.

## C A P V T XXII.

**A**RIALDVS Casinensis Presbyter scripsit eleganti sermone quosdam tractatus; Fuit autem eo tempore quo & Albericus. Claruit anno MLXXX.

C A P V T XXIII.

**C**ONSTANTINVS Africanus, eiusdem Cœnobij Monachus, philosophicis studijs plenissimè eruditus, Orientis, & Occidentis magister, nouusque effulgens Hippocrates. De Carthagine, è qua ipse oriundus erat, egrediens, Babiloniam petijt, in qua Grammaticam, Dialecticam, Physicam, Geometriam, Arithmeticam, Mathematicā, Astronomiā, Necromantiam, Musicam, Physicamque Chaldæorum, Arabum, Persarum, Saracenorum plenissimè edoctus est: inde discedens, Indiam adiit, eorumque se studijs erudendum tradidit: & dum Indorum artes ad plenum edoctus fuisset, Æthiopiam petijt, ibique rursus Æthiopicis disciplinis eruditur. Cumq. affatim eorum studijs repletus fuisset, Ægyptum profectus est, ibique omnibus Ægyptiorum artibus ad plenum instruitur. Completis igitur in ediscendis huiusmodi studijs triginta & nouem annorum curriculis, Africam reuersus est; quem cum vidissent ita ad plenum omnibus gentium studijs eruditū, cogitauerunt occidere eum: quod Constantinus agnoscens clam nauem ingressus Salernum aduenit, ibique sub specie inopis aliquandiū latuit: deinde à Fratre Regis Babiloniorum, qui tunc ibidem aduenerat, agnitus, ac in magna honorificentia apud Robertum Ducem habitus

E

est.

est. Exinde vero Constantinus egrediens, Casinense Cœnobium petijt, atque à Desiderio Abbate libentissimè susceptus Monachus factus est. In eodem verò Cœnobio positus, transtulit de diuersis gentium linguis libros quamplurimos, in quibus præcipue sunt Pantegnum, quod diuisit in libros duodecim, in quo exposuit, quid medicum scire oporteat. Practicam, in qua posuit qualiter medicus custodiat sanitatem, & curet infirmitatem, quam diuisit in libros duodecim. Librum duodecim graduum, Diætam ciborum; librum febrium, quem de Arabica lingua transtulit: librum de vrina. De interioribus membris: De coitu: viaticum, quem in septem diuisit partes, primò de morbis in capite nascentibus: dehinc de morbis faciei: de instrumentis: de stomachi & intestinorum infirmitatibus; de infirmitatibus epatis, renum, vesicæ, splenis & fellis. De his quæ in generiuis membris nascuntur: de omnibus quæ in exteriori cute nascuntur, exponens aphorismi librum: Tegni, Megategni, Micategni, Antidotarium; disputationes Platonis, & Hippocratis in sententijs. De simplici medicamine. De Gynæcia, idest de membris, ac corporibus fœminarum: de pulsibus, Prognostica, de experimentis, glossas herbarum, & specierum; Chirurgiam: librum de medicamine oculorum, Hic vir quadraginta annis in ediscendis diuersarum gentium studijs expleuit, nouissimè verò senex,

&

& plenus dierum in Caſino obiit. Fuit autem temporibus ſupradictorum Imperatorum.

A N N O T A T I O.

**C**onſtantine ad eorum morem, qui à Di-  
pſade morſi ſunt, plenis faucibus auide,  
& ſine interſpiratione cunctas phyſicas diſci-  
plinās haurire conſtituit, ut omnes dein fate-  
rentur nouum Hippocratem Orbi effulſiſſe;  
eamque ob cauſam Hebraam, Syram, Chal-  
daicam, Græcam, Latinam, Italicam, Perſi-  
cam, Arabicam, Aegyptiacam, Aethiopicam,  
& Indicam linguam diſcere curauit. Vir qui-  
dem ſuapte natura ad res diſſiciles, obſcurasque  
in antiquorum libris perueſtigandas valde  
propenſus, ut nemo illum ætate ſua vicerit,  
pauciſſimi æquarint, linguarumque omnium  
exacta notitia, quæ ad homines illuſtrandos  
vna ſerè ſufficere ſemper exiſtimata eſt, exi-  
guam partem in huius Viri, verè polygloſſi  
laudibus occupauerit, ſed proſectò pro tanti  
Viri laudibus, ieiunè, arideque. Eius opera  
conquiſita magno ſtudio Baſilæ apud Henr.  
Petri ann. MDXXXVI, in folio, excuſa re-  
periuntur: extare etiam m.ſſ. in Biblioth. San-  
cti Germani de Pratiſ Cod. ſign. num. 439.  
ſcribit Labbeuſin noua Biblioth. m.ſſ. libr.  
pag. 50. uti etiam nonnulla in diuerſis Bibliot.  
Patauiniſ memorat V. Cl. Thomafinus Epico-  
pus Aemonenſis in Biblioth. Patauina. Gla-



*ruit Constantinus temporibus Imperatorum Michaelis, Constantini, Alexij, atque Henrici anno MLXXII. circiter. Vide nostrum Petrum Diaconum in auctario Chron. Casin. lib. 3. cap. 35. Trithem. de Script. Eccles. & de Vir. Illustr. Ord. S. Bened. lib. 2. cap. 70. & Arnoldum Vuionem lib. 5. cap. 98. Lig. vita.*

## CAPVT XXIV.

**A** D T O Constantini Africani auditor, & Agnetis Imperatricis Capellanus, ea, quæ supradictus Constantinus de diuersis linguis transtulerat, cothurnato sermone in Romanam linguam descripsit. *Atto, siue Haito vel Hetto: Varie enim id nomen scribitur. Floruit anno MLXX.*

## CAPVT XXV.

**P** A N D V L P H V S Ostiensis Episcopus, paruulus & ipse in Casino B. Benedicto oblatus, scripsit sermones de totius anni festiuitatibus: Rhythum quoque in laudem Sanctæ Mariæ composuit, & alia nonnulla, quæ nostris in manibus nec dum venerunt. Fuit verò temporibus Alexij, Ioannis, Henrici, Lotharijque Imperatorum.



## A N N O T A T I O.

**P**Andulphus Monachus Casinensis primum à Paschale Papa II. Presbyt. Cardinalis, deinde ab Innocentio Papa Secundo Episcopus Ostiensis creatus anno MCXXXI. obiit anno MCXXXIV. ut scribit Arnoldus Vuion lib.2. cap.9. pag. mibi 190. Lign. vitæ, subdens hunc esse, cui noster Petrus Diaconus opusculum istud de Vir. Illustr. Casin. dedicavit; sed memoria ille quidem excidit, cum ille fuerit Episcopus Theanensis, ut ex catalogo librorum ab eodemmet Petro prætexto in auctuario histor. Casin. lib.4. cap.66. legitur; ex supramemorata temporis supputatione, alijsque difficultatibus labi forsân nostrum Petrum circatitulum Episcopatus, obseruauit V. Clar. Vgbellus in Ital. sacr. in catal. Episcop. Ostiens. adi, si lubet, ipsum.

## C A P V T XXVI.

**P**ANDVLPHVS Capuanus Presb. in Casino sub Desiderio Abb. Monachus factus, diuina, sæculariq. literatura eruditus scripsit ad Petrum Salernitanum Abbatem librum de calculatione. Versus de termino Paschæ Hebræorum; de circulo solari ad concurrentes inueniendos; de Cyclo lunari; de feria Paschæ Hebræorum inuenienda; ad annos Domini inueni-

niendos : qualiter sint inuenienda indictiones. De Luna cuiusque diei inuenienda absque Embolismorum contrarietate: Quomodo fallunt qui se scire putant, quot horis, vel punctis luna in vnaquaque nocte luceat. Quibus modis cursus solis diuidatur: quomodo efficiatur bisextus: ad ferias Kalendarum inueniendas: Qualiter vel vnde regulæ ad ferias mensium inueniendas præcedant. Quomodo regula terminorum Hebræorum ex cursu solis inueniatur: ad feriam vniuscuiusque diei inueniendam. De quatuor temporibus, in quibus datarijs solstitia veraciter esse debeant: vbi æquinoctia veraciter credantur esse. Quomodo Aduentus Domini sit inueniendus. Vt litera hebdomadarum per totum annum memoriter inueniatur. Quomodo Christus sit passus in tertio Kalendas Aprilis. Quomodo anni ab origine mundi omnes fallunt. Qualiter Luna quintadecima non potest ad illam diem, qua facta fuit, pertinere. De Assumptione S. Mariæ. De Agnete Imperatrice. Fuit autem temporibus Michaelis, & Alexij Imperatorum.

## A N N O T A T I O.

**E**X præfatis luculentis eruditionis, ac doctrina monumentis nonnulla asseruari in Biblioth. Casinensi Cod. sign. num. 3. sub hoc Lemmate, Canones mathematici, Camillus Pere-

*De Vir. Illustr. Casinensibus. 71*  
*Peregrinus virtute, doctrinaque ornatissimus,*  
*nobis humanissimis literis communicavit .*  
*Floruit Pandulphus anno Domini M L X.*

C A P V T XXVII.

**L**ANDENVLP HV S Capuanus sub Desiderio Abbate Monachus factus est. Scripsit sermone simplici librum, qui appellatur . . . .  
. . . in quo introduxit Dominum, & Virginem Mariam, ac Sanctissimum Benedictum, iustis ac peccatoribus loquentes . Fuit eo tempore quo & Alphanus . *Claruit anno Domini M L.*

C A P V T XXVIII.

**O**DERISIUS Primus Casinensis Abbas, humilitate summus, castitate pudicus, spirituali lumine præditus, versificatorque mirabilis. Scripsit nonnulla, quæ quia præ manibus habentur, omitto referre. Fuit autem temporibus supradictorum Imperatorû.

A N N O T A T I O.

**O**derisius Oderisij Comitissæ Marforum filius Campanus, ex Diac. Card. S. Agathe Nicolai II. Papæ, Presbyt. Cardinali tit. Sancti Cyriaci in Thermis, & Abbas Casin. ab Urbano II. ordinatus est ann. *MLXXXVII.*

*xxvj. Kalend. Octobris, sanctitatis & doctrinae meritis nobilitatus abiit ad premium iv. nonas Decembris MCV. & Casini sepultus in Ecclesia Sancti Benedicti. Meminit Martyrolog. Benedict. ad diem ij. Decembris, & Ferrar. in catalog. Sanctorum: eius in antiquo lapide mentio fit in Ecclesia Sancti Ioannis in Venere in agro Lancianensi. Oderisij maxima per literas usus est amicitia Alexius Comnenus Constantinopolitanus Imperator. Henricum IV. Casarem quamvis Ecclesie hostem sui tamen Monasterij amicum & fautorem habuit. De gestis eius, vide Ost. lib. 3. cap. 15. hist. Casin. & Camill. Peregrin. in serie Abb. Casinens. in Oderisio. Extat epistola Oderisij ad Monachos Floriacenses, quam refert Laurentius de exist. corp. Sancti Bened. in Monast. Casin. cap. 26. pag. 122.*

## CAPVT XXIX.

**B**ENEDICTVS, qui & Guaiferius, Salernitanus, sanctitate & religione conspicuus suavis eloquio, ingenio magnus, sermone facundus. Scripsit ad Troianum Episcopum vitam Sancti Secundini, & cantum eius. Versus in laudem Psalterij. De miraculo illius, qui se ipsum occidit, & per Beatum Iacobum vitae redditus est. De conuersione quorundam Salernitanorum. De laude Sancti Martini. In laudem Sancti Secundini. Hymnos de eodem.

dem . Homiliam de Aduentu . Sermones de Natiuitate Domini . De Epiphania . De Cœna Domini . De Septuagesima . De Ramis palmarum . Passionem Sancti Lucij Papæ . Claruit autem temporibus Alexij & Henrici Imperatorum , ac Desiderij Abbatis .

A N N O T A T I O .

**O**puscula m. ff. Guaiferij seu Gauferij , caractere Langobardico in priscis membranis exarata habentur in Bibliotheca Casinensi sub num. 280. hoc titulo præsignata . *Gauferij Monachi Casinensis homilia . In Aduentu Domini . incipit . Verba sancti Evangelij . In Natiuitate Domini . Ex Patre maiestatis . In Epiphania . Sempiterni pudoris . In Septuagesima . Per parabolam conductoris . In Ramis palmarum . Singularem , & famosissimam . In Cœna Domini . Ad gloriosissimam Redemptoris . Passio Sancti Lucij Papæ . Fortissima & præclara virtutum studia . Historia Sancti Secundini Episcopi Troiani . De bono dilectionis . Quam in catalog. Sanctorum Ferrarij sub die xj. Febr. compendio descriptam etiam reperies . Sequuntur in eodem Cod. m. f. carmina Gauferij , videlicet . In laudem Psalterij . incipit .*

Verba fero vitæ , quæ verbum vita notauit .  
*De miraculo eius , qui se ipsum occidit .*

Mortis in immanem te merfit culpa , ruinā .

*De*

*De Conuerfione quorundam Salernitanorum.*

Res noua magna fatis phibetur facta Salerni  
*In laudem Sancti Martini Episcopi.*

Gemina Sacerdotum votis assiste tuorum.

*In laudem S. Secundini Troiani Episcopi.*

Adfis tota tuis festis festiua diebus.

*Hymnum de eodem Sancto Secundino.*

Christe Rex Regum, pretium plorum.

*Cuncta prefata opuscula & carmina nos etiã  
manu exarata asseruamus, bono publico pro-  
ferenda.*

*De obitu Gauferij, vide que notauimus su-  
pra in Alberico. Consule etiam nostrum Pe-  
trum in auct. Chron. Casin. lib. 3. cap. 61. edit.  
Ven. Claruit anno Domini M L X.*

## C A P V T XXX.

**L**EO Ostiensis Episcopus & Bibliotheca-  
rius, à pueritia in Casino oblarus, sancti-  
tate, & monasticis disciplinis ad plenum im-  
butus, & in diuinis Scripturis àpprime erudi-  
tus. Fecit sermones de Pascha. De Natiui-  
tate. Historiam Peregrinorum: Historiam  
Casinensis Archisterij diuisam in libros qua-  
tuor. Vitam Sancti Mennatis, & alia quam-  
plurima, quæ in nostram non uenere notitiam.  
Fuit autem temporibus supradictorum Impe-  
ratorum.

ANNO-

## A N N O T A T I O.

**L**EO Marficanus Campanus, à puero in Monte Casino Monachum induit, obitum ob vite sanctimoniam, tum ob eximiam sapientia literaturam celebris euasit: cumque eiusdem Monasterij Bibliothecarius ac Decanus esset, cooptatus est dein in Episcopum, & Card. Ostiensem à Paschali Papa II. anno Domini MCI. Hic ingentis animi fuit; vidensq; Imperatorem Henricum IV. ex odio retinere Paschalem, populum contra illum in seditionem vertit. Concilio Vastellensi interfuit, maiusque Altare S. Laurentij in Lucina consecrauit, reconditis multorum Sanctorum reliquijs, & precipue de craticula S. Laurentij cum eiusdem Martyris duabus sanguinis ampullis anno Domini MCXII. die xv. Octobris, ut ex antiquissima inscriptione eiusdem Ecclesie colligitur, quam postea in suis annales retulit Card. Baron. Inueniturque etiam nostrum Leonem subscripsisse acta Concilij Laterani, sub Paschali II. v. Kalendas Aprilis. Vide qua notauit Lauretus de nostro Leone in Chron. Casin. pag. 79. Scripsit iubente Oderisio Casin. Abbate Chronicon sui Monasterij Casinensis, libris tribus, à temporibus S. Benedicti usque ad Desiderium Abbatem, qui postea Victor Papa Tertius fuit, qui dati sunt praelo Venetij anno MDXIII. & Parisijs: postremo



*Stremo Neapoli anno MDCXVI. opera & notis Matthæi Laureti Hispani Monachi Casinens. quas quidem editiones collatis cum antiquissimo exemplari m. s. in Casin. Biblioth. seruat, quod Chronicon Casinense appellatur, fuisse ab integritatis sua deturbatas gradus, mendisque obsitas, facile cognoscere per se sedulus lector valebit. Accidere enim sæpe videmus, & magno Reipublica literaria incommodo experimur, ut inter imprimendum quædam vel omittantur, vel addantur, vel in peius mutantur, librariorum vel incuria, vel audacia, vel malitia, & animi peruersitate: extat penes Vir. Clar. Lucam Olsteinium Chronicon Leonis, in quo variantes lectiones ad fidem plurium m. ss. exemplarium sua manu ad oram editi libri adnotatas vidimus. Tutamen consule (si recte sollicitat) ea, quæ notarunt Matthæus Lauretus de exist. corp. S. Bened. in Monast. Casin. cap. 41. pag. 148. Camillus Peregr. in histor. Princip. Langobard. in serie Abb. Casin. in Petronace: & tunc sanè proferes, in eruditorum symposio limam ulteriorem etiam non esse desperandam.*

*Animaduertendum est, Baronium tom. x. annal. sub anno Christi DCCXCII. obseruasse haud rectè in dict. Chron. collocatum Formosum Pontificem Max. post Hadrianum ante Stephanum, quem non præcessisse, sed ei successisse exploratissimum est: deinde quod patrauerit sacrilegium Sergius Papa schismaticus,*

cus, id Leotribuat laudatissimo Pontifici Stephano, &c. Quem tamen errorem ex depravato Codice facile irrepsisse arbitramur; vide dict. Lauretum in not. ad lib. 1. cap. 45. Chron. Casin. & de exist. corp. Sancti Bened. d. cap. 41. à calumnijs nonnullorum nostrum Leonem vindicantem. Baronius certè anno MLIX. vocat Leonem, scriptorem sui temporis integerrimum: & anno MLXXVII. sincera fidei scriptorem.

*Vita S. Mennatis, seu Menna Confessoris, quam Leonem imperio Oderisij Abbatis scripsisse testatur Petrus, manu exarata, & typis nondum cusa penes nos servatur unà cum translatione reliquiarum ipsius ad urbem Gaiatiam, addita insuper exacta miraculorum eius narratione, quam tibi bono publico cum alijs Sanctorum actis, Deo dante euulgandam dabimus. incipit. Vitam & conuersationem egregij Confessoris Christi Mennatis, &c. De eius sanctitate agit S. Gregor. lib. 3. Dialog. cap. 26. Martyrolog. Rom. sub die xj. Novembris. Sigibert. in Chron. ann. DLXXIX.*

*Scripsisse insuper Leonem vitam S. Ianuarij Monachi Casin. testatur Arnoldus Vuion Lig. vit. lib. 2. cap. 9. fol. 188. quam etiam descriptam à nostro Petro Diacono lib. m. f. de ortu & vita Iust. Casin. cap. 31. in vita S. Guinizonis, cuius fuit discipulus, inuenies: vide etiam elogia Abb. Casin. M. Ant. Scipionis pag. 322. cetera vero lucubrationes inedita adhuc remanent.*

*De-*

*Decessit Leo vir eximius, præclareque de studijs meritus, sacrique Senatus ornamentum xj. Kalend. Aprilis post ann. MCXV, ut planè perspicui potest ex illo tempore, quo in viuis agebat; inuenitur enim subscriptus Bulla Paschalis II. Ecclesia Marforum concessa anno Dom. MCXV. Ego Fr. Leo Episcopus Ostiensis.*

## CAPVT XXXI.

**L**EO S.R.E. Cardinalis Diaconus, & Casinensis Cœnobii Monachus, insignis studio, ac eloquentia; Scripsit ex nomine Urbani Papæ quamplures Epistolas, fecit & Registrum eius.

## ANNOTATIO.

**C**reatur anno Dom. MCV. à Paschali Papa II, scribit Vuion lib. 2. Lig. vite cap. 9. Ciacon. verò ab Urbano Secundo: quamplures exarauit epistolas, quæ m. ss. in Vaticana asseruantur Bibliotheca, ex quibus viginti reperiuntur sub nomine Urbani II. scripta à nostro Leone. Earum meminit Card. Baron. tom. xj. anno Dom. MLXXXVIII. sub nomine tamen Leonis Ostiensis; extantque modo prædicta epistola tom. vij. Concil. Bini; fecit & eius Regestum, sed caremus eo, Notandum tandem est hic obiter, Card. Baronium  
supra

*ſupra cit. loco, Poſſeuinum in ſuo Apparatu, alioſque mente lapſos fuiſſe, putantes Leonem Marſicanum Cardinalem, & Episcopum Oſtienſem, eundem eſſe cum Leone noſtro Cardinale Diacono; dum Regeſtum Urbani, eiſque epistolae, quas ſcriptis prodidit, attribuant Leoni Oſtienſi, ſicque ex duobus unum faciunt; decepti, ut arbitramur, ex eiſdem nominis nuncupatione, ſerèque eodem tempore promotione duorum monachorum Caſinenſium in coetum S.R.E. Cardinalium, indeque fuerit natus error.*

C A P V T XXXII.

**G**REGORIUS Tarracinenſis Epiſcopus paruulus & ipſe in Caſino oblatus, memoria tenax, ingenio viuax, tantæ fuit gravitatis, ſuauitatis, ac eloquentiæ, ut à nonnullis Columna Eccleſiæ diceretur. Scripſit paſſionem Sanctorum Caſti & Caſſij: Paſſionem S. Virginis Reſtitutæ: vitam Sancti Confessoris Chriſti Gerardi: Homiliam de Aſſumptione Sanctiſſimæ Dei Genitricis Mariæ: Cantus Sanctorum Caſti & Caſſij; hymnos eorum: Verſus de tranſitu peregrinorum ad ſepulchrū Domini, & captione Hieroſolymitanæ urbis, rogatu Berardi Valuenſis pulcherrimos fecit. Hiſtoriam Ionæ: Verſus de Dedicationibus Eccleſiarum, feſtiuitateque Paſchali: De Sancto Andrea. Homilias de totius anni feſtiuitatibus.

tatibus. Fuit autem temporibus Alexij, Henrici, ac Ioannis Imperatorum: sepultus vero est apud Pipernensem Ecclesiam.

## A N N O T A T I O.

**E**cclēsia Tarracinensi Præpositus eligitur à Paschali Papa II. in quam postea noster Gregorius eximia admodum doctrina reſertus, omnique ſcientia exornatus, virtutum ſemina inſeruit, vitiorum elementa eradit, optimis præceptis moribusque ſubditos præcipue imbuens, & quo denique radij ſolis Meliorem nullum illuxere alterum, ut ex eius operibus, quæ m. m. ſſ. paſſim in multorum manibus verſantur, dignoſcitur. Interſuit Concilio Vaſtellenſi anno MCVI. Idem Bullam quandam ſubſcripſit Piſana Eccleſiæ indultam anno MCXXVI. Ipſum iterum commemorat noster Petrus in auctario Chron. Caſin. lib. 4. cap. 42.

*Acta Sanctorum Caſti & Caſſij, qui Epiſcopi habentur & coluntur à Soranis, ſcripta fuiſſe à noſtro Gregorio, dum monaſticum habitum gerebat, teſtatur Card. Baron. in Martyrolog. Roman. ad diem primam Iulij. Acta verò S. Reſtituta Virginis, & Martyr. Romanæ, cuius feſtum pariter Soræ celebratur ſub die xxvij. Maij, pariter à Gregorio conſcripta, ſummatim in catalogo Sanctorum Ferrarij leguntur.*

In

*In Bibliotheca Caſinenſi extat Codex m.ſ. ſignatus num. 300. in quo deſcribitur hiſtoria de via Hieroſolymis qualiter recuperata ſit, qualiterque etiam Antiochia, & eadem Hieruſalem ab inuaſione Gentilium per fideles Chriſti liberata fuerint. incipit. Tempore, quo Alexius Imperij Conſtantinopolitani regebat habenas, quo & beatæ recordationis Urbanus Papa II. Romanæ Sedis Pontificium adminiſtrabat, fuit quidam eremi accola in Galliarū regione, Petrus nomine, &c. Perducit hiſtoriam uſque ad Regnum Balduini. Putant nonnulli, prædictam hiſtoriam eſſe Gregorij, qui rogatu Berardi Valuenſis, etiam verſus de tranſitu peregrinorum ad ſepulchrum Domini, & captione Hieroſolym. Urbis ediderat.*

*Notandum, noſtrum Gregorium longè diuerſum eſſe ab altero Gregorio pariter Caſinenſi, & Epifcopo Sinueſſano, de quo in ſequenti: unde nonnulli ex eiufdem pariter nominis nuncupatione decepti ex duobus unum faciunt; dum opuscula, quæ literis conſignauit noſter Gregorius, ſequenti Gregorio attribuunt; ſed lapſus utique talis primo condonandus eſt Poſſeuino in Appar. in verb. Gregorius; deinde verò ijs, qui de Scriptoris poſt Poſſeuinum conſcripſerunt.*

## CAPVT XXXIII.

**G**REGORIUS Sinuessanus Episcopus, & Casinensis Monachus, magnus ingenio, præclarus eloquentia. De captione Casinensis Cœnobij versus descripsit mirificos, in quibus introduxit B. Benedictum ad Monachos Casinenses loquentem. Composuit & multa alia, quæ in nostras manus minimè venerunt. Fuit verò supradictis Imperatoribus: sepultus est in Episcopatu suo.

## ANNOTATIO.

**H***ic fuit Episcopus Sinuessanus, sic legendum putamus, non Limeffanus, ut perperam in aliquibus Cod. m. ss. scriptum notauimus. Floruit anno Dom. MCXX. circiter; vir in sacris literis doctus, ac poeticae artis disertissimus: eius opuscula m. s. in Casin. Biblioth. asseruantur.*

## CAPVT XXXIV.

**B**RVNO Signienfis Episcopus, & Casinensis Abbas, insignissimus, & splendidissimus Ecclesiæ defensor, & Doctor. Inter multa & præclara ingenij sui monumenta scripsit rogatu Signiensium Canoniconum expositionem super Psalterium, super Genesim, super Exodum, super Leuiticum, super Numerum,  
super



super Deuteronomium, super Eſaiam, super Cantica Canticorum, super Iudicum. Fecit & sermones hos; de laudibus Ecclesiæ in Dedicatione templi, de Paradiso, de Arca Noe, de Tabernaculo Fœderis, de Templo Salomonis; & de muliere, per quam Ecclesia significatur. De Ciuitate sancta Hierusalem, de Basilicis quæ ab Episcopis dedicantur. Item de Euangelijs; de ornamentis Ecclesiæ, de Fide, de Spe, de Charitate; de quatuor virtutibus, de humilitate, de misericordia, de pace, de patientia, de castitate, de obedientia, de abstinentia: Vbi Ecclesia ornatur, de nouo mundo, de Coelis nouis, de nubibus nouis, de montibus nouis, de arboribus nouis, de potestatibus nouis, de mari & piscatoribus nouis, de auibus nouis, de fluminibus nouis, de animalibus nouis: De festiuitatibus festiuitatum, id est, de Sancta Trinitate sermones tres; de Natiuitate Domini, de Circumcisione, de Epiphania, de octaua Epiphaniæ, de palmis, de Cœna Domini, de Pascha, de Ascensione Domini, de Pentecoste, de Natiuitate Sanctæ Mariæ, de Annunciatione, de Purificatione, de Assumptione eius, de Virginibus sermones tres, de Martyribus sermones septem: homiliam in festiuitatibus Confessorum, aliam in festiuitate S. Benedicti, cum sermonibus duobus de Pontificibus; quatuor de S. Angelo: de Apostolis homilias quinque, de pluribus martyribus tres, de vno martyre

duas, de dedicatione Ecclesiæ, in Aduentu Domini, Dominica secunda de Aduentu, Dominica tertia, de Annunciatione B. Mariæ homilias duas: de Dominica quarta de Aduentu: In vigilia Natiuitatis Domini, in die homilias tres, in Sancti Stephani, in S. Ioannis Euangelistæ, in festiuitate Innocentium, Dominica prima post Natalem Domini, in octaua Domini, in Epiphania: Dominica prima post Epiphaniam, Dominica tertia, quarta & quinta. In Purificatione S. Mariæ, in Septuagesima, in Sexagesima, in Quinquagesima, in cinere & cilicio. Feria sexta, & Sabbatho in capite Quadragesimæ vsque in cœnâ Domini homilias quadraginta. In cœna Domini, in Sabbatho Sancto, in festiuitate Paschali, in feria secunda, tertia, quarta, quinta, & sexta, & Sabbatho, in octauis Paschalibus, in Dominica prima, secunda, tertia, & quarta post octauas Paschæ, in processione maiori; in festiuitate Apostolorum Philippi & Iacobi, in Inuentione Sanctæ Crucis, in S. Angelo, in Ascensione Domini, in Dominica prima post Ascensionem Domini, in Pentecoste, Dominica prima post octauam Pentecosten, Dominica secunda, tertia, & quarta. In Sancti Ioannis Baptistæ, in vigilia Apostolorum Petri & Pauli, & in die eorum, in Dominica prima post Natalem Apostolorum cum homilijs xxiv. In S. Laurentio; in Assumptione S. Mariæ. S. Matthæi, vigilia S. Andreæ, & in die eiusdem:

scr-

sermonem de Sancta Scholastica, sermonem de translatione S. Stephani à Ciuitate Cōstantinopolitana ad Arcem Romanam: versus in laudem S. Mariæ; homiliam in decollatione S. Ioannis Baptistæ, in Natiuitate S. Mariæ. Fuit autem temporibus supradictorum Imperatorum. Sepultus est in Episcopatu suo apud Ciuitatem Signinam.

A N N O T A T I O.

**S** Anctus Bruno Aste natus est ex familia Soleria nobilissima, à Gregorio Septimo Episcopus Signinus creatur, in virtutum, ac doctrina premium, quod Berengarium impiè de Sacramento Altaris sentientem in publico Romano Concilio disputando profligasset: deinde desiderio vitæ contemplatricis tactus abdicatione onere Episcopali Monachum Casinensem professus est anno MCIV. ubi postea omnium monachorum suffragio Abbas Casinas electus anno MCVII. idibus Nouembris, ibique præfuit annis tribus & mensibus x. quibus exactis, ad Ecclesiam Signinam, quam perinuitus acceperat, rediit, Pontificis reuerentia victus. Nos verò ne tanti Doctōris laudes culpa deterramus ingenij, calamique parum felicis, illū alijs mittimus laudandum. Opuscula Brunonis duobus distincta tomis in lucem prodierunt anno MDCLI. Venetjs studio & opera D. Mauri Marchesij Casinensis Decani scholysque etiam illustrata: & licet non omnes

*lucubrationes, quæ in nostri Petri elencho descriptæ sunt, inibi legantur; multæ tamen, quas Petrus praterijt, ibi habentur: nonnullæ verò m. ss. extant Taurini in nobilissima ac celeberrima Bibliotheca Serenissimi Sabaudie Ducis, præsertim verò Commentarius in cuncta quatuor Evangelia, uti etiam aliqua in Biblioth. Illustrissimi D. Caroli de Montchal Archiepiscopi Talosani, scribit Philippus Labbeus in noua Biblioth. m. ss. librorum pag. 199. Forsan tempus, quod publica abscondit, & occulta manifestat, Dei miseratione orbem tantis ditabit continuo thesauris. Consule autem de script. Eccles. Auberti Mirai in Brunone, ac Vir. Clar. Theophilum Raynaudum Societatis Iesu, de malis, ac bonis libris partit. 1. erot. 10. in Eusebio Emiseno, & in Brunone Chartus. fol. 133. & 138. E valle miseriarum in montes æternitatis ascendit Bruno anno MCXXV. xv. Kalend. Augusti, cum multis tam in vita, quàm in morte clauisset miraculis, relatus postea inter Sanctos à Lucio III. ut videre est in subiecta inscriptione marmorea, quæ in Signina Cathedrali spectatur. Memoriz æternæ Beati Brunonis, quem Lucius III. Pontif. Max. Card. & Episcop. conuentus Signæ in Ecclesia Beatæ Mariæ, vbi defunctum corpus quiescebat, inter Sanctos iussit adscribi anno ab eius abscessu LVIII. S. P. Q. S. Meminit Martyrolog. Rom. sub die xviij. Iulij: plura de eo noster*  
*Petrus*

*Petrus in auētorio Chron. Caſin. lib. 4. cap. 31.  
Vide etiam apparatus ad præſata edita opu-  
ſcula Sancti Brunonis.*

C A P V T XXXV.

**I**OANNES Medicus, ſupradiſti Conſtan-  
tini Africani diſcipulus, & Caſinenſis Mo-  
nachus, vir in phyſica arte diſertiffimus, ac  
eruditiffimus: poſt Conſtantini ſui magiſtri  
transitum aphoriſmum edidit Phyſicis ſatis  
neceſſarium. Fuit autem ſupradiſtis Imperat.  
Obijt autem apud Neapolim, vbi omnes li-  
bros Conſtantini ſui magiſtri reliquit. *Clau-  
ruit anno Dom. M LXXII.*

C A P V T XXXVI.

**P**AVLVVS è Liguria Romanorum provin-  
cia ortus, & ab ipſa infantia occulto Dei  
iudicio lumine priuatus, & ob hanc rem lite-  
ris, & philoſophicis ſtudijs ignarus, tantum  
uſque in hodiernum diem de ſe miraculum  
præbuit, vt ab omnibus alter Didymus appel-  
letur. Hic poſtquam ſcripſit altercationem  
Romanorum, & Græcorum, quæ facta eſt in  
Ciuitate Conſtantinopolitana, ſub Oderiſio  
Abbate, Caſinenſe Cœnobium adiit tempori-  
bus Paſchalis II. Papæ, & Alexij Imperatoris.  
Super Eſaiam, ſuper Hieremiam, ſuper reli-  
quos Prophetas, ſuper Pſalterium, ſuper Mat-  
thæum,

thæum, super Marcum, super Lucam, super Ioannem, super epistolas Pauli, super Apocalypsim. Non solum autem Grammaticam, verum & reliquas artes auditu tantum plenissimè cordetenus didicit. Scripsit etiam vitam S. Ebizzonis Monachi Casinensis, qui Hilarioni similis fuit. Extant & alia eius librorum volumina, quæ in nostras manus nondum venerunt. Obijt autem apud Tiburtinam Ciuitatem.

### A N N O T A T I O.

**V**Ltimis Henrici III. ac primis Henrici IV. temporibus, scilicet anno M C. Claruit Paulus Genuensis, ab eodemque nostro Petro in auctario hist. Casin. lib. 3. cap. 47. Paulus Grammaticus etiam vocitatus; qui & si oculorum lumine esset orbatus, tanto tamen ingenij acumine fuit excultus, tantaque perspicuitate ceterorum sensuum extitit decoratus, ut ab omnibus venerari promeruerit, deque illo verè poterat dici: Dominus illuminat cæcos.

Sanctus Ebizo seu Gebizo, cuius vitam descripsit noster Paulus, Colonia oriundus fuit, & Monachus Casinens. sub Desiderio Abbate; inter præclara eius gesta refertur, quod animam Adonis amici, quam demones ad supplicium trahabant, precibus liberauerit: notauit id etiam noster Petrus lib. m. s. de ortu, & vit. Iustor.

*Iustor. Casin. cap. 51. & in auctario histor. Casin. lib. 3. cap. 47. Vide Hugonem Menardum in martyrol. Bened. ad diem 20. Octobris ac lib. 1. Dialog. Victoris Papa III. pag. 20. Cetera opuscula, tempora nobis, ut credimus, inuiderunt, sed quid mirum? cum hisce temporibus inueniantur viri, qui pro eruendis antiquitatum propbanarum quisquillijs non solum in viscera terra penetrant, verum etiam viscera opum profundunt, thesauros verò inuisos sacrorum monumentorum, qua animos beant, ita nauseant, ut obolo potius parcere velint, quàm hasce literarias exquirere diuitias.*

C A P V T XXXVII.

**B**ERNARDVS Casinensis Monachus liberalibus studijs optimè eruditus scripsit miracula Sancti Confessoris Christi Amici Casinensis Monachi: fecit & alia multa, quæ recensere superfluum duximus. Obijt autem nostro penè sub tempore.

A N N O T A T I O.

**V***Ita Sancti Amici Confessoris, quam Bernardus scripsit, inter nostra sacrorum monumenta m. s. hætenus inedita seruat, incipit. Beatus Amicus genere nobili ortus in finibus Comitatus Camerini, &c. Locus,*



in quo natus, Arabona in Piceno (nomen est Abbatia) apud Montem Melonem, nuncupatur. Eius meminit Sanctus Petrus Damiani, ut Baron. annotavit ad ann. DCCCCXCIII. ubi Amicum canonizatum esse, absque tamen solemnī ritu Ecclesie scribit. Agitur dies festus die iij. Novembris, multisque clarus miraculis fuit. Vide quae observavit Lauretus in notis ad Chron. Casin. in calce libri tertij, & Arnoldus Vuion in notis ad martyrol. Bened. Claruit Bernardus anno Dom. MCXX.

## C A P V T XXXVIII.

**I**OANNES Diaconus diuina, & humana scriptura peritissimus, fecit versus in laudem Sanctae Dei Genitricis, & Virginis Mariae, & alia quamplurima, quae ad nostros obtutus nondum venere.

## A N N O T A T I O.

**D**iversus est noster Ioannes ab altero Ioanne S.R.E. Diacono, qui à Sigiberto in catal. cap. 106. laudatur, & Anastasio S.R.E. Bibliothecario familiaris fuit, qui etiam sub annum DCCCLXXIV. Libros quatuor de vita S. Gregorij Magni Papae edidit, gestaque Clementis Papae scripsit, quae m. ss. habentur in Casin. Biblioth. Vide Vossium de histor. Lat. in Ioanne Diacono; maleque propterea non-

*De Vir. Illustr. Casinensibus. 91*  
*nonnulli opuscula eorum confundunt inter se,*  
*dum ex duobus unum faciunt.*

C A P V T XXXIX.

**P**ETRVS Diaconus institutor meus declamator insignis, è Ciuitate Theanensi, de qua oriundus erat, egrediens, Casinum aduenit, atque ab Oderisio Abbate Monachus factus est. Scripsit præterea in eodem Cœnobio positus, sermonem de Septuagesima : de Dedicatione Ecclesiæ : de Natiuitate Domini : de Epiphania, & alios quamplurimos. *Claruit circa annum Dom. MLXXX.*

C A P V T XXXX.

**L**ANDENVLPHVVS Paruulus in Casino sub Desiderio Abbate B. Benedicto oblatus : ac in diuinis scripturis plenissimè doctus, & in earum sensibus subtilissima exercitatione limatus, de renouatione Casinensis Cœnobij, seu Archisterij, ac regimine Desiderij versus mirificos fecit, quos idem Desiderius Abbas in circuitu Capituli, & Claustri describi præcepit. *Viuebat anno M L X.*

## CAPVT XXXI.

**G**UIDO Casinensis Presbyter, vir in humana eruditione clarissimus, religione, & vita probatissimus, scripsit historiam Henrici Imperatoris, visionem Alberici Monachi Casinensis; versus de fortuna eiusdem . . . . præterea quæ in historia Casinensi deerant, à temporibus scilicet Oderisij primi vsque ad hunc diem, adiunxit.

## A N N O T A T I O.

**V**ivebat Guido tempore Girardi Abbatis Casinensis anno Domini MCXI. inter elegantissimos scriptores sua tempestate præcipuus. Visio Alberici, de qua supra in Alberico Diac. Card. penes nos extat m. s. tali lemmate. Quia nonnulli veritatem mendacio obumbrare consueverunt. Summatim verò descripta à nostro Petro legitur in Chron. Casin. lib. 4. cap. 68. edit. Veneta his verbis. Huius tempore (idest Girardi Abbatis qui sedit ab anno MCXI. vsque ad MCXXIII.) in Campaniæ provinciâ insignis miraculû & antiquis per omnia simile contigit. Namque in castro Sanctorum septem Fratrum, Albericus quidam nobilis puer cum decimum ageret ætatis annum, morbo correptus ad extrema perductus est. Quo tempore diebus novem, & totidem nocti-

noctibus immobilis ac sine sensu quasi mortuus iacuit: hoc autem interuallo à B. Petro Apostolo; duobusque Angelis per loca pœnarum deductus ad infernale barathrum deuenit. Demum ad Paradisi amœna delatus, vidit Sanctorum mansiones, atque in Cœlum subleuatus aereum, & à B. Petro Apostolo sufficienter edoctus de veteri testamento, de peccatorum pœnis, gloriaque Sanctorum: vidit arcana quædam, quæ loqui prohibitus est: sicque per septuaginta duas prouincias ab eodem Apostolo deductus, vitæ redditus est. Huius visionem, qui cupit agnoscere, à Guidone huius Monasterij Monacho descriptam, legat. Nos eam, quia per ora omnium vertitur, hic scribere omisimus. Ex hinc Albericus ipse, relictis seculi pompis, Casinense Cœnobium petijt, atque à Patre Girardo gratissimo affectu susceptus, accepto sanctæ conuersationis habitu, Christo Regi militiam professus est. Tanta verò (hodieque) abstinentia, tanta pollet grauitate morum, vt & peccatorum inspexisse pœnas, & Sanctorum gloriam vidisse nemo, qui dubitet. Nam ex illo tempore neque carnes aliquando gustauit, neque vinum bibit: nudisque semper incessit pedibus: atque in hac afflictione corporis, cordisque contritione, & humilitate nunc vsque (*Anno MGCXV.*) in Casinensi hoc monasterio permanet, vt multa illa, quæ alios lateant, vel metuenda, vel desideranda vidisse, etiam

etiam si lingua taceat, vita loquatur. *Huc usque Petrus. Historia Henrici, nescio quo infortunio nondum lucem viderit, dum hi, qui de rebus Henrici IV. & V. conscripserunt, de Guidone silentium altum habuerunt.*

## C A P V T XXXXII.

**R**OBOAS Diaconus, paruulus in Casino à Girardo Abbate susceptus, scripsit rogatu quorundam amicorum suorum sermones de totius anni festiuitatibus, ac vitam Sancti Confessoris Christi Leonardi. *Claruit Roboas sine Noboas anno MCXX.*

## C A P V T XXXXIII.

**P**ETRVS Romanæ Ecclesiæ Subdiaconus, & Casinensis Monachus, paruulus & ipse in Casino susceptus, rogatu Petri Diaconi, ac Bibliothecarij, passionem Beati Marci versibus adornauit.

## A N N O T A T I O.

**P**etrus S. R. E. Subdiaconus Cardinalis appellatur ab Arnolde Vuione lib. 2. cap. 9. Lig. vit. à quo autem Pontifice promotus, ignoratur, verum ab Arnolde perperam nuncupatur S. R. E. Subdiaconus Cardinalis, cum in tabulis Ecclesiasticis, Episcopi, Presbyteri & Diacono-

*Diaconi Cardinales in Ecclesia Romana tantummodo legantur. Viuebat anno Domini M G X X.*

C A P V T XXXXIV.

**R**AYNALDVS Casinensis Subdiaconus paruulus B. Benedicto oblatus, vir valde eruditus, & versificandi scientia antiquis per omnia comparandus, scripsit ad Petrum Diaconum, ac Bibliothecarium Sanctissimi Seueri Casinatis Episcopi in laudem versus: Versus quoque de vita B. Benedicti, ac B. Mauri. Hymnos in laudem Sancti Confessoris Christi, atque Pontificis Seueri.

A N N O T A T I O.

**H**ymni excusi sunt in Breuarijs Casinensibus an. MDLXVHI. & MDLXXII. Vide quæ de Raynaldo notarunt Arnoldus libro 2. cap. 9. Lig. vita. Vossius de histor. Lat. lib. 3. cap. 7. pag. 713. & Camill. Peregr. hist. Princip. Langobard. in serie Abbatum Casin. in Raynaldo.

*Ex supplemento Petri Diaconi  
de Viris Illustribus.*

C A P V T XXXV.

**G**ELASIVS Sedis Apostolicæ Pontifex, paruulus in Casino sub Desiderio Abbate B. Benedicto oblatus, & ab Alberico Philosopho edoctus. Scripsit in eodem Cœnobio positus, passionem Sancti Erasmi, Sanctæque Anatoliæ: passionem quoque S. Cæsarij versibus adornavit. Factus dehinc S. R. E. Cancellarius descripsit Registrum Paschalis Papæ II. Demum verò in Apostolica Sede Pontifex factus, Henricum Imperatorem propter inuestituram Ecclesiarum excommunicauit, atque pro ordinandis Ecclesiasticis negotijs Galliam ingressus, apud Cluniacense Cœnobium obiit.

A N N O T A T I O.

**A**Ntea Ioannes Caietanus, natione Campanus, Crescentij filius, nobili genere ortus, ex S. R. E. Subdiacono, & præsignatore Urbani I I. Diaconus Cardinalis Sanctæ Maria in Cosmedin, & S. R. E. Cancellarius, ac Biblioth. Paschali Papæ I I. gratissimus exstitit, cuius senectutis baculus vocabatur;



*tur ; demum Pontifex sub Gelasij I I. nomine creatur ann. M C X V I I I. die xxij. Ian. Iustitia pater acclamatus. Post annum, & dies aliquot Pontificatus agens Matiscone in pleuresim incidit, iussitque se lectica ferri in Cluniacense Cœnobium, ubi mortem oppetijt iv. Kalend. Febr. anno M C X I X. meritis inclytus, ac sanctitate insignis: strato humi corpore cinere ac cilicio cooperto, postea sepulto in monumento marmoreo opere rustico, & lapide candido, cui Petrus Piclaniensis cognomento Venerabilis Abbas Cluniacensis, ac coetaneus nostri Gelasij sequens epitaphium posuit.*

**Vir grauis, & sapiens, actu, verboque Ioannes,  
Cum prius ex Monacho, pro multa strenuitate  
Archileuita foret, & Cancellarius Urbis,  
Præsule Paschali meritis ad sydera raptō,  
Promeruit tandem sacram cōscendere sedem,  
Dignus post primum Gelasius esse secundus.  
Sed, quia Rege fuit non præcipiente lenatus,  
Horrendum fremuit Princeps: Et filia dulcis,  
More suo, profugum suscepit Gallia Patrem.  
Si licuisset ei (pro certo crede) sub ipso  
Virtus, & pietas, & honestas cresceret omnis,  
Et pax Ecclesiæ toto floreret in Orbe.  
Nam rapuit mors atra virū, cum Pontificatus  
Vix ageret primum Pastor Venerabilis annū;  
Bina dies iam restabat, cum Cluniacensi  
Dormijt in proprio Romani iuris Asylo.  
Hic igitur positus dilectos inter alumnos,**

Cū Patribus sãctis requiescit, & optat, vt orbis  
 Conditor, & Index veniat quandoq̃. potenter,  
 Et cineres lapsos in pristina membra reformet.  
 Felix inde nimis semper Cluniace manebis,  
 Quod Pater Orbis Apostolicus summusque  
 Sacerdos

Ecclesiæ, matrisque tuæ specialis, apud te  
 Transijt ad superos, in te requiescit humatus.  
 Nec minus hic etiam felicem credimus illum,  
 Cui dedit ipse pius magno pro munere Christ⁹  
 Vt Monachi Monachum Patrem quoque pi-  
 gnora cara

Iugiter aspicerēt, lacrymisq̃. rigãdo sepulchrū,  
 Sacris in precibus specialem semper haberent.

*De laudibus Gelasij hæc notauit Gard. Baronius anno M C X I X. Post Martyres, qui fuso sanguine martyrium consumarunt, haud facile inter Romanos Pontifices aliquem quis inuenerit, qui breuiori vitæ tempore maiora sit passus: ob idque præclariori corona donandus, atque celebrioribus fuerit præconijs celebrandus. Gelasium Sanctum Ioannettus nuncupat, virum sanctissimum Genebrardus: Abbas Urspergensis virum prudentem, venerandum, Apostolicæ Sedi semper irrepreensibiliter collaborantem. Vide Gelasij vitam à Pandulpho Pisano eius synchrone conscriptam, studio & opera Constantini Caletani editam: Martyrolog. Gallicanum ad diem xxix. Ian. Martyrolog. Vniuersale ad dictam diem, Sigonius de Regno Italia lib. x. & Hugonem Menardum*

*nardum in not. ad Mart. Bened. sub die xxvij. Ian. qui à calumnijs Orderici Vitalis Cœnobij Vticensis, seu Sancti Ebrulfi Monachi lib. 12. circa initium historia ecclesiastica Norman- norum Theopompino scriptionis genere exara- ta, Gelasium Sanctissimum vindicat.*

*Passio S. Erasmi Episcopi & Martyr. typis excusa est Romæ MDCXXXIX. studio & opera præfati Caietani. Actorum SS. Anato- lia ac Casarij rhythmicè à Gelasio literis confi- gnatorum meminit Baron. in Martyrol. ad ix. Julij, quæ temporum iniuria intercidisse exi- stimamus.*

*Ex epistolis, quas scripsit, quinque refert Binius tom. vij. Concil. Vide Baron. tom. xij. annal. anno MCXVIII. & MCXIX. Re- gestum Paschalis II. Papæ eius prædecessoris composuit, quod non extat, nisi m. s.*

C A P V T XXXXVI.

**I**OANNES Tiburtinus à Girardo Abb. in Casino susceptus, scripsit sermone simplici sermones de totius anni festiuitatibus, fecit & alia nonnulla, quæ in nostram notitiam non venerunt. Obijt autem temporibus Lo- tharij Imperatoris. *Claruit anno MCXX.*

C A P V T XXXXVII.

**P**ETRVS Diaconus Casinensis Chartula- rius, ac Bibliothecarius, quinquennis sub

Girardo Abbate B. Benedicto oblatuſ a Patre Ægidio natione Romano, atque ſub eodem, Abbate per octo ferme annos eruditus eſt. Anno verò Incarnationis Dominicæ milleſimo centeſimo vigefimo octauo, ætatis autem eius vigefimo primo, cum Oderiſius Girardi Abbatis ſucceſſor Abbatiam reliquiſſet, ad exilium æmulorum ſuorum faciente inuidia, directuſ eſt. In ipſo autem dum eſſet exilio, rogatuſ ab Adenulpho eiufdem Urbis Comite, deſcripſit ad Oderiſium Abbatem paſſionem B. Marci, & Sociorum eius: vitam egregij Confeſſoris Falconis: vitam Sancti Placidi diſcipuli S. Benedicti. Vitam Sancti Apollinaris Abbatis: vitam Sanctorum Guinizonis, & Ianuarij: Rhythmuſ de nouiſſimis diebus, in quo iuxta literam videtur ſequutuſ eſſe, Apoſtolum Ioannem, cum idem Petruſ ſciret iuxta quod ibidem ſcriptuſ eſt, finituſ pro infinito. Deſtructionem & reſtaurationē Atinæ Urbis. In Beati Marci adiunxit hitoriā. Scripſit etiam ſermones hoſ. De feſtiuitate B. Marci ſermones octo, ſermonem in vigiliam eius. De vigilia SS. Nicandri, & Marciani. Sermonem de cēna Domini. Duos in Paraſceue, in Sabbatho ſancto; Homiliam de Sancto Benedicto. In Paſcha, in Aſcenſione, in octaua Sancti Benedicti, in Pentecoſte, in feſtiuitate S. Ioannis Baptiſtæ, de S. Petro, & Paulo, de S. Laurentio: in vigilia S. Mariæ. Librum Illuſtrium virorum Cœnobij Caſinenſis, miracula

racula Casinens. Monachorum, quæ scripta, adhuc minimè erant, descripsit. Historiam de euerfione, seu restauratione Cœnobij Beati Mauri ex iuffione Abbatis Senioretti emendauit, in qua & prologum fcripsit. Fecit & prologum in libro priuilegiorum ex rogatu Raynaldi Subdiaconi Casinensis. De Sancto Nicandro sermonem. De translatione Sancti Stephani Protomart. à Ciuitate Constantinopolitana ad Urbem Romam. De ortu & vita Iuftorum Cœnobij Casin. In festiuitate omnium Sanctorum. De Natiuitate Domini sermones duos. De S. Stephano. Chronica Cœnobij Casin. à renouatione Ecclesiæ B. Martini à Desiderio facta vsque ad hunc diem. Astronomiam ex veteribus libris collegit; Solinum de miraculis breuiauit. De generibus lapidum pretiosorum librum exarauit. Expositionem Regulæ in quatuor libros diuifit. Scholia in veteri testamento. Epistolas duas ad Lotharium Imperatorem. Ad Richizam Imperatricem. Librum notarum ex paruo ampliorem fecit. Vitruuium de Architectura Mundi abbreviauit. Librū Heue Regis Arabum de lapidibus transtulit. Hymnum de Sancta Christina. Vitam S. Constantij Episcopi. Epistolam ad Conradum Imperatorem. Visionem Alberici Monachi Casin. corruptam emendauit. Scripsit & vitam S. Seueri Episcopi, & Confess. ex rogatu Raynaldi Subdiaconi Casin. De S. Nicandro, & Marciano ser-

monem de translatione, & Chronicam Consulum, Dictatorum, & Imperatorum composuit. Translationem B. Marci in Ciuitate Atina, & eius miracula exarauit. Cantus Beati Marci composuit, & Sanctorum Nicandri, & Marciani. Obijt autem in Casino & ibi sepultus est.

*Explicit liber de Viris Illustribus  
Casinensibus.*

## ANNOTATIO.

**P**etrus Casinensis Diaconus, Chartularius, Scriniarius, ac Bibliothecarius Casinensis, qui hunc de Viris Illustribus Casinensibus librum literis consignauit, ex Patre Aegidio natione Romano, Gregorij Romanorum Patritij, & Consulis Filio, ex Comitibus Tusculanis, vir fuit in sacris, humanisque literis taliter eruditus, ut inter elegantissimos scriptores sua tempestate precipuus sit habitus: Excessit è viuis post annum M C X L. innumeros penè fœtus sui ingenij ad Reipub. literaria commodum reliquens, quorum ob temporis iniuriam, hominumque negligentiam, nonnulli collapsi, ac dispersi sunt, eorum tamen indicem ipsemet Petrus lib. 4. Chron. Casinens. cap. 68. edit. Venet. pertexuit; Vah! quàm multa tempus atrox falce metit. Nil aliud typis cusum modò legitur, nisi supplementum ad 3. lib. Chron. Casin. Leonis Ost. & totus

*totus liber iv. eidem Chron. attextus: exorsus  
noster Petrus, ubi Leo defierat, ab anno scili-  
cet M L X X X V I. profecutus vsque ad an-  
num M C X X V I I I. Et insuper liber de no-  
tis literarum more Romano ad Conradum  
Imperatorem editus Venet. anno M D X X V.  
Studio Nicolai Erytbrei, nouissime verò Ha-  
nouia vna cum auctoris antiquis Gramma-  
tica Latina opera Helia. Putschij. Nonnullæ  
lucubrationes, quæ prælo hæctenus non sunt  
traditæ, in nostro sacrorum penario m. ss. asser-  
uantur, quas commemorare hic non diffugi-  
mus, & sunt.*

*De ortu & vita Iustorum Casinensium,*  
*incipit. Benedictus signifer.*

*Scholia in diuersas sententias. Veni Ver-  
bum Dei.*

*Scholia in quæstiones veteris testamenti.*  
*Mos est sanctæ Scripturæ tempora mutare.*

*Exhortatorium ad Monachos, in quo osten-  
dit, quid custodire, quid cauere debeant, & de  
septem vitijs & virtutibus. De Patriarchis:  
de Rege Ozia, & de Moyse. Omnibus, qui se-  
cundum Sancti Benedicti Regulam.*

*Rhythmus de nouissimis diebus. Anno Chri-  
sti passionis finito millesimo Satanas Auerni  
Princeps soluetur à vinctis.*

*Altercatio pro Cænobio Casinensi. Igitur  
dum in conspectu Imperatoris Lotharij.*

*Catalogus Regum, Consulum, Dictatorum,  
Tribunorum, Patriciorum, ac Imperatorum*



*gentis Troiana . Saturnus Vranius .*

*Epistola ad Lotharium Imperatorem Abbat-  
tis Casinensis nomine Guibaldi missa .* Post in-  
numeras sollicitudines .

*Epistola secunda ad eundem Imperatorem .*  
In varijs, multiplicibus, ac diuersis tribulatio-  
nibus constitutus .

*Epistola consolatoria ad Richizam Roma-  
nam Imperatricem .* Multoties Imperatrix  
inuidia .

*Epistola consolatoria ad Richizam Impera-  
tricem de obitu Lotharij Tertij Imperatoris .*  
Licet neruus incisus doleat .

*Epistola consolatoria ad Conradum Impe-  
ratorem secundum de electione sua .* Benedi-  
ctio, & claritas, & sapientia .

*Sermo in Cœna Domini .* Scripturus vene-  
rabilem Domini passionem .

*Sermo in Parasceue .* Hodie quadrifida fa-  
brica Orbis innouatur .

*Sermo in Sabbatho sancto .* Sicut fuit Ior-  
nas in ventre cœti .

*Sermo in Resurrectione Domini .* Resultet  
hodie Cœlum .

*Sermo in Ascensione Domini .* Hodie terre-  
nis cœlestia sociantur .

*Sermo in festo Pentecostes .* Redemptoris  
nostri festiuium diem .

*Sermo in Natiuitate S. Ioannis Baptiste .*  
Hodie euangelica tuba fulsit in Orbe .

*Sermo in Natali Apostolorum Petri, &  
Pauli .*

*Pauli.* Sanctissimus, ac felicissimus dies.

*Sermo de S. Laurentio Martyr.* Diuini muneris sacratissimum hodie.

*Sermo in vigilia Assumptionis Beatissima Virginis.* Sacratissimæ, ac intemeratæ Genitricis.

*Sermo in festiuitate omnium Sanctorum.* Hodie æterni Imperatoris claritas.

*Sermo in Natiuitate Domini.* Hodie mundo salus redditur.

*Alter sermo in Natiuitate Domini.* Hodie nobis pax vera refulsit.

*Sermo singularis in octaua S. Patris Benedicti, ubi de miraculorum abundantia.* Egregij, atque pretiosissimi Confessoris Benedicti.

*Vita Sancti Placidi discipuli Sancti Benedicti, siue Regestum eius compilatum à nostro Petro circa annum MCXXX. ubi prolixæ narrationes variorum de vita, & martyrio Sancti Placidi, de oblationibus Tertulli, Iustiniani Imperatoris, & Vitaliani Papæ habentur.*

*Vita S. Seueri Episcopi Casinensis ad Signoretum Abbatem.* Quia vestra iniussus potestate.

*Vita Sancti Apollinaris Abbatis ad Raynaldum Casinensis Cœnobij Diaconum.* Nimium admiranda.

*Vita Sanctorum Guinizonis, & Ianuarij ad Richardum Monachum.* Guinizonis ortum vitam, obitumque descripturus.

*Ser-*

*Sermo in vigilia S. Marci Atinensis Episcopi. Vigiliis pretiosissimi Martyris & Pontificis Marci.*

*De Sanctis Atinatibus, scilicet Marco Episcopo, Nicandro & Marciano, eorumque miraculis. Domitiano Imperatore Ecclesiam persequente.*

*Sermo in eorundem Martyrum festiuitate, Sanctam, venerandamque fratres carissimi.*

*De B. Marco Atinensi Episcopo seorsim à Nicandro & Marciano sermones. Primus incipit. Vnius idem est initium, celebritas, & gaudium; alter verò: Maximus Prophetarum.*

*Hac supramemorata opuscula, qua m. ss. seruamus, communi orbis bono in lucem exitura speramus.*

*Exarauit insuper noster Petrus vitam Sancti Leonis Papæ ad Innocentium Papam secundum: librum etiam de locis sanctis, siue Itinerarium Terræ Sanctæ, continet septem folia. Librum pariter, in quo descripti sunt fasti consulares, & series Imperatorum, Pontificum, atque Abbatum Casinensium. Præterea expositionem in Regulam Sancti Benedicti, opus satis magnum; Cuius unicum fragmentum refertur à Viro Clar. Ioanne Bona lib. de Harmonia Psallentis Ecclesiæ cap. 12. §. 2. de Officio paruo Beate Virginis Mariæ pag. 244. Item Regestum peruetustum sign. num. 86. characteribus Lægobardis in membranis scriptum*

*ptum ex mandato Senioretti Abbatis, habens folia 259. in quo continentur multa diplomata Monasterio Casinensi à Romanis Pontificibus Imperatoribus, Regibus, Principibus concessa. Custodiuntur supradicta opuscula m. ss. in Casinensi Biblioth. scamno primo ad laeuam ingredientibus.*

*De scriptis, laudibus, & vita nostri Petri Diaconi, qui diuersus est ab alio Petro Diacono pariter Casinensi, qui vitam S. Athanasij Neapolitani descripsit; agunt Leo Ost. histor. Casin. Tritheimius, Card. Baron. Posseuinus in suo Apparatu, Arnoldus Vuion lib. Ligni vitæ, Camill. Peregr. in histor. Princip. Langobard. pluribus in locis, alijsque quamplures. Vide etiam dictū lib. de Harmonia Psallentis Ecclesiæ in verbo Petrus, cui præfixa est rara, & exquisita notitia multorum auctorum cum librorum censura.*





SVPPLEMENTVM  
VIRORVM ILLVSTRIVM  
MONASTERII CASINENSIS  
CONFLATVM

Per Domnum

PLACIDVM ROMANVM  
Monachum, & Diaconum  
Casinensem.

C A P V T I.

**R**ICHARDVS Casinensis Ab-  
bas & Cardinalis scripsit expo-  
sitionem super Regulam sanctis-  
simi Patris Nostri Benedicti.  
Claruit anno Dom. MCCLVI.  
& sepultus est Casini, cum sedisset annis se-  
ptem.

A N N O T A T I O.

**S**Epulchrum marmoreum Richardi Hanni-  
baldensis de Molaria Domini Arcis Mola-  
ria in Latio infra Montes Tusculanos, nobi-  
lis Romani, Diaconi Cardinalis Sancti An-  
geli hodie visitur in Basilica Lateranensi, cum  
hac

*bac veteri inscriptione.* Memoriae Richardi Hannibaldensis de Molaria S. R. E. Archidiaconi Cardinalis Sancti Angeli, qui à Gregorio Papa Nono creatus Romæ ann. MCCXL. Obijt Lugduni in Concilio generali ann. Domini MCCLXXIV. *Extat in Biblioth. Casinenſi præſata expositio ſuper Regulam Sancti Benedicti.*

## CAPUT II.

**B**ERNARDVS Gallus Abbas Casinenſis: Scripſit & ipſe ſuper Regulam Sancti Benedicti. Edidit quoque ſpeculum Monachorum. Fecit etiam regeſta duo, vnum collationum beneficiorum, & officiorum: Alterum, omnium inquisitionum iurium, & bonorum in Caſtris, & Villis Monasterij Caſinenſis. Floruit anno MCCLXXXII. Sepultus verò eſt in Caſino, cū ſediſſet annis viginti duobus.

## ANNOTATIO.

**B**ernardus Ayglerius Gallus Monachus Cœnobij Sauiniacenſis, diœceſis Lugdunæ ſis, Innocentijs Papæ IV. extitit Capellanus, & anno MCCLVI. Abbas Sancti Honorati Inſulæ Lirinenſis, deinde iuſſu Urbani IV. anno MCCLXIII. electus Abbas Caſinenſis, poſtmodum in cœtum Cardinalium adlectus ab eodem Urbano aſſerunt nonnulli, alij verò, quod probabilius, à Clemente Papæ IV. Vide  
no-



notam Abb. Vgbelli ad Ciac. in Clement. IV. Frizonem in Gallia Purpurata, & Arnoldum Vuionem lib. 2. cap. 9. Lig. vita pag. 217. Hunc certè Carolus Primus Rex Francia illustri prudentia ac virtutis fama notissimum plurimi fecit, cumque iter in Italiam susci- peret, eundem voluit & itineris comitem, & suorum participem, ac moderatorem consilio- rum. Quanti etiam habuerit Urbanus Pa- pa IV. nostrum Bernardum, ex literis eiusdem Urbani ad ipsum, cognoscere est; ex pluribus unam refert eruditissimus Marcus Antonius Scipio in elog. Abbat. Casinens. in Bernardo. Inter opuscula, quæ scripsit, solum extat typis cussum Speculum Monachorum, in tres partes diuisum; Venetijs, & Colonia anno MDXX. in xvj. Liber super Regulam Sancti Benedi- cti habetur m. ss. Casini, & in Cænobio Sancti Benedicti Mantuano: reliquæ verò lucubra- tiones in Archiuio Casin. m. ss. reperiuntur. Obijt Bernardus Casini pridie nonas Aprilis anno MCCLXXXII. ibidemque sepultus.

Vide quæ notauimus de Cardi- nalatu no- stri Bernar- di post hæc impressa pag. 139.

### C A P V T I I I.

**I**GNATIVS Florentinus, Monachus Mona- sterij Florentiæ, & Abbas Casinensis, nobi- litate insignis, & in Diuinis, & humanis scien- tijs apprimè eruditus. Scripsit sermonem pul- cherrimum in honorem Sanctissimi Benedicti enimque coram magno Monasterij, & populi

cœtu habuit, quando solemniter capta est possessio Monasterij Casinensis, sub Eusebio Mutinensi eiusdem Cœnobij Abbate, anno Domini MDV. Scripsit & carmen Saphicum in honorem, & laudem Sanctissimæ Trinitatis. Edidit quoque hymnos in honorem S. Bertharii Martyris, & Abbatis Casinensis. Claruit temporibus Leonis X. cuius dicebatur affinis. Sepultus verò est in Abbazia Ciuitatis Florentiæ, cum sedisset annos nouem in hac Casinensi Abbazia.

## A N N O T A T I O.

**D**E Ignatio filio Manfredi ex nobilissima Squarcialuporum Familia oriundo, viro doctissimo, ac diuini cultus zelantissimo, hæc scribit Michael Pocciantius in catalogo *Scriptorum Florentinorum*. Ignatius Squarcialupus Monachus Benedictinus eiusdem Congregationis Generalis Abb. amplissimus, vir vitæ sanctitate, & bonarum literarum scientia clarus, atque poeta illustris, cuius ingenium omnibus iugiter admirandum extitit: elaborauit tam metro, quam prosa, opuscula quædam, quibus memoriam sui posteritati commendauit, e quibus ista feruntur.

De Virginitate hymnus carminibus exametris.

Epistola Diui Benedicti ad Scholaasticam, hebræiscis versibus exarata. Orationes multis  
in

in locis suæ Congregationis in solatium Patrum habitæ.

Rursus hymni nonnulli, inter quos præcipuus extat ille in honorem Sanctissimæ Trinitatis, quem Patres Casinenses suis in Ecclesijs concinunt: & quædam alia.

Mors cum ex humanis abstulit Florentiæ M D X X. cuius ossa in Abbatia Florentina conquiescunt.

*Hæc de Ignatio Pocciantius. Præter memorata, conscripsit etiam Ignatius, teste Arnoldo lib.1. cap.16. Ligni vitæ pag.29.30. infrascripta opuscula. De visione Illustr. Principis Ferrandi Gonsalvi compendium libr.1. Diuinam Illustris Ferrandi. De aggregatione Monasteriorum Sicilia ad Congregationem Casinensem sermon.1. Superat vires moles. Extabant his proximis annis penes Abbatem Constantinum Caietanum. Carmen Sapphicum in honorem Sanctissimæ Trinitatis, & de Sancto Berthario hymni habentur m.ss. in Biblioth. Casinens. De eo agunt Arnoldus lib.1. cap.15.16. lib.5. cap.8. Couaccius lib.6. Petrus Recordatus dial.4. pag.457. Diplomata Leonis X. sub datum Roma anno M D X I V. anno I I. sui Pontific. Scipio in elog. Abbat. Casinens. fol.215.*

## CAPVT IV.

**B**ENEDICTVS de Sancto Seuerino Monachus Casinensis, in Philosophia & diuinis Scripturis apprime eruditus. Fuit temporibus Caroli V. & sepultus est in Casino. *Claruit anno Dom. MDXX.*

## CAPVT V.

**I**USTINVS Hispanus Monachus professus Monasterij S. Iustinae, & huius Cœnobij Abbas nonagesimus septimus, vir in philosophia, & diuinis scientijs doctissimus, ac historiarum amator. Fuit temporibus Caroli V. Imperatoris, & sepultus est in Monasterio S. Iustinae, cum sedisset anno vno in hoc Cœnobio. *Claruit anno Domini MDXXII.*

## CAPVT VI.

**A**VGUSTINVS Paduanus Monachus professus Monasterij S. Iustinae, & Abbas Casinensis nonagesimus nonus, vir in philosophia, ac diuinis scientijs doctissimus. Floruit temporibus supradicti Imperatoris. Obijt Brixiae, & sepultus est in Monasterio S. Faustini, cum sedisset in Abbatia Casinensi annis tribus.

ANNO.

ANNOTATIO.

**A**bbas Casinensis nonagesimus octauus, originem ducens ex familia Bonfiliortē: claruit anno MDXXX. Vide elog. Marc. Ant. Scipionis pag. 225.

CAPVT VII.

**I**NNOCENTIVS de Nouaria, professus Monachus Monasterij Florentiæ, & huius monasterij Abbas centesimus quartus, vir disertus & valdè eruditus in diuinis Scripturis: Verum in Philosophia & Matheſi verſatiffimus. Claruit temporibus Caroli V. & Maximiliani Imperatorum. Obijt Venetijs, & ſepultus eſt in monaſterio S. Georgij, cum ſediſſet in hoc monaſterio annis tribus.

ANNOTATIO.

**I**Nnocentius filius Nicolai Nouariensis, vir linguis Græcis, Hebraicis, Chaldeis, ac Latinis optimè verſatus & in omnibus ſcientijs eruditus. Deceſſit anno MDLVII. Agunt de eo Vuion, lib. 1. cap. 16. lib. 5. cap. 8. Vlmus, atque Marcus Antonius Scipio in elog. Abbatum Casinensium.

## CAPVT VIII.

**A**NGELVS Sangrinus Abbas & restau-  
rator Cœnobij Casinensis sub Vincentio  
Neapolitano Abbate huius monasterij: Mo-  
nachus ab adolescentia in Casino factus est, vir  
reuerendus & omni bonitate, & sanctitate re-  
dimitus, religione, & vita probatus, & in diui-  
nis scripturis versatissimus. Poeta insignis &  
admirabilis. Scripsit innumera penè opera, in-  
ter quæ hæc tantū breuitati cōsulens referam.  
Carmen heroicum de ineffabili Iesu nomine.  
Meditationes septem in septē nouissima ver-  
ba Iesu Christi eodem genere carminis exara-  
tas: similiter de misericordia, amore & boni-  
tate Dei erga peccatores: De spe peccatoris  
in Deum: Speculum peccatoris: Paræneses  
sex in hebdomada sancta: De nominibus Iesu.  
De contemptu diuitiarum, & vanitate huma-  
næ vitæ. Elegias duodecim de Iesu pietate, &  
amore in peccatores. Triumphū diuini amo-  
ris. Carmen sapphicum in Natiuitate Domi-  
ni, & in omnes alias eiusdem festiuitates.  
Epicedium in mortem Domini: De Iesu be-  
nificijs in homines. Scripsit & librum vnum  
diuerso carminum genere de laudibus B. Ma-  
riæ Virginis. Extant quoque libri duo, in qui-  
bus celeberrima nonnulla Sanctorum, & San-  
ctarum sacra vario describuntur metro; eo-  
rumq. gesta, hymnidicis proferuntur modulis.

Aureas

Aureas etiam, diuinasque sententias ex Dauidis Psalmis excerptas elegiaco carmine conscripsit. Insuper vitam Sanctissimi Patris Nostri Benedicti, carmine heroico conscripsit. Elegias duodecim de passione Domini: Paraphrasim vario metri genere excultam in Psalterium Dauidis Regis. De martyrio Monachi: Vitam B. Guillelmi Anacoretæ carmine sapphico: Vitam Sancti Patris Benedicti, Sanctorum Mauri, Placidi, & Ioannis Baptistæ carmine heroico. Vitam aliam Sanctissimi Benedicti carmine sapphico, & soluta oratione moralem expositionem continentem. Tractatum orationis quadraginta horarum: Et Psalterium gloriosæ Virginis Mariæ carmine sapphico: Scripsit etiam quamplura alia poetica, quæ longum esset singula enarrare. Edidit etiam dialogos, homilias, & sermones multos soluta oratione. Viuit vsque hodie & septuagesimum octauum excessit annum.

## ANNOTATIO.

**A**B oppido Sangri familia de Faggis ortus est Angelus, qui, (si Platonis illud verum est, nomina rebus plerunque conuenire) Angeli instar fuit, prisca quidem virtutis, ac sanctitatis exemplar, temporis auarissimus, & diligens, horarumque peruigil distributor, poetica facultate vsque adeo pollebat, vt quidquid libuisset, facile atque vbertim penè ex-



118 *Placidi Diac. supplementum*  
*temporaneo carmine enunciaret. Opuscula*  
*qua edidit, teruntur passim eruditorum ma-*  
*nibus impressa Colonia Agrippina. Psalmos*  
*David mira Paraphrasis arte colligauit imi-*  
*tatione Hebraeorum, quos numeris decurrere*  
*auctor est Hieronymus, ut & Iobi pleraque,*  
*& Hieremia Threnos: extat impressa paraph.*  
*ista Venetijs MDXL. & Basilea MDLXI.*  
*Roma verò MDLXXXVII. in iv. excusa est*  
*vita Sancti Benedicti carmine heroico. Tra-*  
*ctatus quadraginta horarum habetur impres-*  
*sus Florentia MDLXXXVII. in xij. &*  
*Tridenti in xvj. Obijt Casini an. MDXCIII.*  
*ætatis suæ xcij. cuius corpus anno octauo post*  
*quam terra mandatum fuerat, integrum illa-*  
*sumque se vidisse in sepulchro testati sunt*  
*nonnulli.*

## C A P V T I X.

**H**ONORATVS Hiserniensis, ex familia  
 Fascitella, in Casino Monachus susce-  
 ptus est sub Vincentio Neapolitano. Postea  
 verò creatus est Episcopus de Insula in Cala-  
 bria, Vir in Græcis, humanis, & divinis li-  
 teris versatissimus. Poeta insignis. Scripsit  
 quamplurima opera, quæ temporum calami-  
 tate ad manus nostras non deueniunt. Flo-  
 ruit temporibus Caroli Quinti, & Maximilia-  
 ni Imperatorum.

ANNO-

## A N N O T A T I O.

**M**arci filius natus anno MDII. laudatus à Bembo, Ioanne Casa, Flaminio, alijsque doctissimis viris; cuius etiam poemata lepidissima leguntur apud Iouium in elog. Suntque impressa quoque in delitijs Poetarum Itatorum. Insigne edidit opus de factis Alphonsi Auoli Marchionis Vasti. Anno Domini MDLI. die xxx. Ian. à Iulio Papa III. ornatus Insula Episcopali; preceptor datus Innocentio Montio Card. eiusdem Pontificis Nepoti adoptiuo. Meminere Ioannuccius Gerus lib. I. Poetarum Illustr. Italiae, & Caramella in suo Museo Illustriorum Poetarum hoc distico.

Lacteus est vates. Cur lacteus? vndeq. lactis  
Nomen habet? versu est cādīdus atq. tener.  
Interfuit Concilio Tridentino. Roma obiit  
mense Martij MDLXIV. ibidemque sepul-  
tus postquam Episcopatum resignauerat an-  
no MDLXII.

## C A P V T X.

**G**REGORIUS de Viterbio, Monachus Casinensis, vtriusque Iuris doctissimus. Floruit temporibus dictorum Imperatorum, & sepultus est in Casino.

## A N N O T A T I O.

**M***Eminit Arnoldus lib.2. Ligni vite, de script. Eccles. litera G. hoc lemmate.*  
 D. Gregorius Viterbiensis I. V. D. & Monachus Congregationis Casinensis, alias S. Iustinae de Padua, qui claruit anno Dom. MDXL. Scripsit tam piè, quàm doctè, super Euangelium Ioannis: In principio erat verbum, homilias, siue sermones tres, qui sic incipiunt. I. Dicibilis sermo de indicibili Verbo in verbis dicibilibus. II. In principio erat Verbum. III. Non licet filiis veritatis. Sunt m. f. f. apud D. Constantinum Siracusanum Monachum Catanensem. *Ita Arnoldus.*

## C A P V T X I.

**B**ENEDICTVS Canophilus Sangrinus, Monachus in Casino factus est sub Ignatio Florentino Abbate Casinensi, vir vtriusque Iuris doctissimus. Scripsit quamplurimos libros in Iure Canonico. Edidit quoque Repertorium quoddam in Iure Ciuili, & extractum de foro fori, & foro poli, qui quidem est impressus. Claruit temporibus Caroli V. & sepultus est in Casino.

## A N N O T A T I O.

**B**enedictus Canophilus de Castro Sangri fecit Compendium Iuris Civilis, ac Canonici, & summam rerum. Scripsit etiam Requisitionem super primum Decretaliū de Constitut. fori & poli, qui tractatus excusus est Venetijs anno MDXLII. in viij. quem Bernardinus Bonfius I. V. D. Lector ordinarius, ac Decanus Patauinus testatur à doctissimo Marco Mantua, alijsque clarissimis viris in Patauina Academia examinatum, approbatum, commendatumque meritò fuisse. Scripsit etiam de privilegijs Ecclesiæ, & ecclesiasticarum personarum. De criminibus in Deum, & proximum. & pœnis eorum. Floruit anno Domini M D L.

## C A P V T X I I.

**C**HRYSOSTOMVS de S. Gemiliano Calaber, Monachus Casinensis factus sub Chrysostomo Neapolitano Abbate, postea Archiepiscopus Ragusinus creatus est; vir sanctitate insignis, reformator Monasteriorum Insulæ Melitæ propè Ragusum, in scientijs doctissimus: sed & in græca lingua valdè eruditus. Transtulit diuersos tractatus à græco in latinū sermonem. Claruit temporibus supradicti Imperatoris. Obijt Ragusij temporibus nostris, & sepultus est in suo Archiepiscopatu.

ANNO.

## A N N O T A T I O.

**C** *Hrysoſtomus fuit electus Archiepiſcopus, cedente Ludouico Beccatello Bononiensi die xxj. Octobris M D L X I V. ut ex actis Conſistor.*

## C A P V T X I I I.

**F** *LAUIVS de Ferrara Monachus Caſinenſis, & poſtea Epiſcopus Rauellenſis, græca & latina lingua valdè inſtructus, à Papa Iulio III. plurimum dilectus, atque ob hoc ab eodem Epiſcopus creatus eſt. Floruit temporibus Maximiliani Imperatoris.*

## A N N O T A T I O.

**H** *Vnc non bene Flauium vocat noſter Placidus, vti etiam Arnoldus Vuion lib. 2. Ligniuit. cum Hercules Tombesius in catalogo Rauellenſium Epiſcoporum nominetur. Epiſcopali dignitate inſignitus legitur anno Dom. MDLV. die xvij. Septembris. Ferrara obiit anno MDLXX. ibique ſepultus in Eccleſia Sancti Franciſci. Teſtatur Marcus Antonius Guarinus in Compend. hiſtor. Eccleſiarum Ferrarienſis lib. 4. pag. 247. & Vir Clar. Vgbellus in Epiſcopis Rauellenſibus ſe legiſſe meminit inſculpta in eius tumulo hæc pauca  
verba*

*verba vernacula lingua.* Hercole Tambusi  
Vescovo MDLXX.

C A P V T X I V.

**S**EVERVS Auerfanus, in Casino Monachus  
sub Chrysofomo Abbate susceptus, vir  
in Philosophia versatissimus, & in diuinis scri-  
pturis studiosissimus. Floruit temporibus su-  
pradiſti Imperatoris, & sepultus est in Casino  
in Cœmeterio S. Annæ. *Claruit anno Domi-  
ni M D L X X.*

C A P V T X V.

**L**VCA S Fratenſis Monachus in Casino  
sub Chrysofomo Abbate factus est. Vir  
acer ingenio, & in diuinis scripturis, & in Phi-  
loſophia doctissimus. Claruit temporibus Ma-  
ximiliani Imperatoris, & sepultus est in Mo-  
nasterio S. Benedicti Mantuanæ Diœceſis, in  
quo Philosophiam publicè docuit. *Floruit  
anno M D L X X.*

C A P V T X V I.

**H**IERONYMVS patria Neapolitanus, ex  
nobili & Illuſtri Caracciolorum familia  
oriundus, Monachus ab adoleſcentia factus est  
sub Hieronymo de Monte Rubeo. Vir humi-  
litate ſummus, caſtitate pudicus, prudentia,  
animi

animi magnitudine, morum grauitate, ac religionis conuersatione insignis: nobilis carne, sed nobilior spiritu, humanis & diuinis literis sufficienter instructus. Floruit temporibus nostris, & adhuc uiuit, Abbasque titularis existit. *Anno MDLXX. clarescebat.*

## CAPVT XVII.

**P**AVLVVS de Alta-Villa, Monachus in Casino susceptus sub Hieronymo de Placentia Abbate: vir in Græcis, Hebraicis, & Latinis literis doctissimus, memoria tenax, ingenio viuax. Fuit temporibus nostris, & sepultus est in Casino, in Cœmeterio Sanctæ Annæ. *Claruit anno MDLXXX.*

## CAPVT XVIII.

**M**ATTHIAS de Bergamo, Casinensis Monachus, vir in diuinis literis versatus, & memoria adeò pollebat, vt plures noui, & veteris testamenti libros memoriter recitaret. Obijt temporibus nostris, & sepultus est in Casino, in Cœmeterio S. Annæ. *Claruit anno MDLXXVII.*

## CAPVT XIX.

**B**ENEDICTVS de Sancto Germano, in Casino sub Hieronymo de Placentia  
Abba-



Abbate, Monachus factus est. Vir egregius, & ingenio magnus: in Latinis, Græcis, & Hebraicis literis valdè eruditus, in Philosophia autem & Theologia doctissimus: adeo ut suis temporibus in nostra Congregatione nemini fuerit secundus. Scripsit Commentaria in Psalterium Heb. aicum, in epistolam Pauli ad Romanos. Tractatum de usuris: edidit quoque expositiones super Psalmos. Scripsit præterea super libros Perhiermenias, Priorum & Posteriorum Aristotelis, super libros de anima eiusdem: Est quoque in lucem editus, & impressioni traditus ipsius tractatus de imitatione Ciceronis. Extant disputationes in libros Prædicamentorum Aristotelis, & pulcherrimum illud opus, quod inscribitur Proverbia animalium. Scripsit etiam Apologiam contra calumniantes eius opera. Claruit nostris temporibus, & adhuc vivit. *Anno Domini MDLXX.*

C A P V T X X.

**B**ERNARDVS de Ianua, Monachus Casinensis factus est sub Hieronymo de Placentia huius Monasterij Abbate: Vir disertus & eruditus in Philosophia, & diuinis scripturis: Fuit temporibus Maximiliani Imperatoris, & sepultus in Casino. *Claruit anno Domini MDLXX.*

## CAPVT XXI.

**A**NTONIVS Frachensis Monachus in Casino, sub Lauro de Mantua huius Cœnobij Abbate susceptus est. Vir acri, & magno ingenio, in Græcis & humanis literis versatissimus, in Iure etiam Pontificio valde instructus. Scripsit quoddam Repertorium Polyanthea dictum, alphabeti ordine distinctum pro Archiuio Casinensi: in quo quidem opusculo & iurisdictiones, & dignitates, & quæcunque bona fuerint vel sint monasterij Casinensis, facile est inuenire. Edidit quoque librum quendam confinium bonorum Casinensis Cœnobij, sed morte præuentus, imperfectum reliquit: qui postea à me Placido Romano Monacho Casinensi repurgatus, & perfectus fuit. Floruit temporibus Maximiliani Imperatoris, & sepultus est in Monasterio Sancti Liberatoris de Maiella. *Floruit anno Domini MDLXXV.*

## CAPVT XXII.

**L**VCAS ANTONIVS de Firmo, in Casino sub Hieronymo de Placentia Abbate Monachus factus est, vir in Philosophia, & Medicina doctissimus. Floruit temporibus supradicti Imperatoris. Obijt Caietæ temporibus nostris, & sepultus est in Monasterio Sancti Angeli. *Anno MDLXX.*

CA-

C A P V T X X I I I.

**P**I V S. Patria Neapolitanus, ex nobili, & antiqua Familia Lottheriorum Ciuitatis Florentiæ ducens originem, Monachus in Casino factus est, sub Innocentio de Nouario huius Cœnobij Abbate. Vir religione, & bonitate perspicuus, in diuinis scripturis doctus, & notitia Iuris Ciuilis, & Ecclesiasticorum dogmatum sufficienter instructus: Qui cum xxv. annis religiosè, & laudabiliter vixisset, in nostra Congregatione Casinensi, existens, Prior Sancti Seuerini in Ciuitate Neapolis à Papa Gregorio X I I I. Episcopus Fundanus creatus est, de quo quia adhuc viuit, meum iudicium subtraham, ne in alterutram partem aut adulatio in me reprehendatur, aut veritas.

A N N O T A T I O.

**C***Reatus Episcopus. anno. M D L X X V I. xxx. Ianuarij. Vir religione & bonitate perspicuus, acerrimus Ecclesiastica libertatis defensor. Decessit Casini. M D X C I I. ibique tumulatus quiescit.*

C A P V T X X I V.

**T**H E O P H I L V S Senensis in Casino sub Angelo Sangrino Abbate Monachus factus

factus est, vir ingenio perspicax, in scientijs valde eruditus, verum in Philosophia, Mathematica, & Theologia doctissimus, adeo vt suis temporibus in Congregatione nostra Casinenfi admirabilis haberetur. Floruit temporibus nostris, & adhuc viuit. Hic bis vocatus à Romano Pontifice fuit, vt eius opera in quibusdam Ecclesiasticis negotijs vteretur. Edidit tractatum de noua restitutione Calendarij.

## A N N O T A T I O.

**T**heophili Martij nobilis Senensis meminit Petrus Recordatus histor. Monasticæ. Roma in Basilica Sancti Pauli Pœnitentie ministris Pontificijs à Gregorio XIII. adscriptus legitur. De eius laudibus scripsit Fr. Isidorus Vgurgierius Azolinus Ord. Præd. lib. cui nomen præfixit. Pompe Saneſe tit. xxj. pag. 667. Extat apud nos tractatus m. s. de Reformatione Calendarij, incipit. Magna quidem aggredi laudabile est. Obijt Casini anno MDLXXXVI.

## C A P V T X X V.

**B**ENEDICTVS Capuanus in Casino sub Angelo Sangrino Abbate Monachus susceptus est, vir discretus, & valde eruditus in diuinis & humanis literis. Verum in scribendis carminibus materna lingua Poeta insignis,  
&

& noſtris temporibus admirabilis . Edidit librum vnum carminum materna lingua, in quo martyrium D. Agnetis, Agathæ, Lucię, Iuſtinæ & Catherinæ decantat . Scripſit quoque eadem lingua & metro tractatum de cogitatione mortis : Triumphum Martyrum, Confefſorum & Virginum : Librum vnum piorum carminum diuerſo metri genere . Extat etiam eiufdem Tragœdia Iephthæ Ducis Iſraelitici populi . Scripſit & Commentaria in Dantem Poetam . Edidit quoque librum vnum episto- larum materna lingua . Floruit temporibus noſtris , & adhuc viuit .

A N N O T A T I O .

**C**laruit *Benedictus anno Dom. MDLXX.*  
Originem ducens ex nobili familia de  
Vua . Paſſiones Sanctarum Agnetis, Agathæ,  
Iuſtinæ, & Catharina typis cuſæ ſunt Floren-  
tia anno MDLXXXV (l. in iv. ſicuti Iephthæ  
Tragœdia .

C A P V T XXVI.

**I**OANNES Euangelista patria Neapoli-  
tanus , ex nobili Mormiliorum familia  
oriundus , Monachus in Caſino ab Ignatio  
Neapolitauo ſuſceptus eſt . Vir ingenio per-  
ſpicax , & diuina , & humana eruditione valde  
inſtructus . Verum in verſificandi ſcientia an-

tiquis per omnia comparandus. Scripsit quāplurimos tractatus. Librum scilicet, in quo continentur præcipuæ Domini festiuitates, vario metri genere illustratæ. Librum de laude gloriosæ Virginis Mariæ, in cuius calce eius Psalterium elegiaco carmine concinitur. Librum, qui nonnullorum Sanctorum vitas, hymnosque vario carminum genere continet. Extat, & alius eiusdem liber carminum, in quo illa præsertim opuscula cōtinentur; De insigni Christianorum victoria contra Turcas temporibus Maximiliani Imperatoris, & Pij V. Pontif. Max. De laudibus Casinensis Iuuentutis: Ibidemque liber odarum appenditur, & in fine continetur liber Tristium, vbi suas, & amicorum ærumnas elegiacè decantat: sunt & quatuor eiusdem Eclogæ. Scripsit præterea innumera Epigrammata. Edidit quoque declamationes & sermones aliquot, homilias duas prosa oratione. Item expositionem in epistolam D. Pauli ad Romanos: & in librum Perihermenias Aristotelis. Materna autem lingua quamplurima pia carmina de laudibus gloriosæ Virginis Mariæ, & vsque in præsentem diem scribit.

## A N N O T A T I O.

**S**cripsit etiam de Sancta Febronia Virg. & Martyr. versus, qui habentur impressi Romæ MDLXXXIX. vna cum operibus Prosperi

*sseri Martinengi. Memorata opuscula m. ss. uti etiam multa alia, se legisse testatur lib. 2. Lig. vit. pag 430. Arnoldus Vuion, dum Casini morabatur. Meminit & Possennus in suo Apparatu. Clarefcebat anno MDXC.*

C A P V T XXVII.

**T**HOMAS ab Ebulo, Casinensis Monachus, sub Angelo Sangrino Abbate factus est. Vir prudentia & ingenio insignis: In philosophia, & diuinis scripturis doctissimus. Scripsit librum Synodaliū; Librum examinis Confessorum, & promouendorum ad sacros ordines, & eorum, qui mittendi sunt ad parochiales Ecclesias. Edidit quoque materna lingua Conciones quinquaginta. Floruit temporibus nostris, & adhuc viuit, & Vicarius generalis in tota Diœcesi Casinensi existit. *Obijt post annum MDLXXIV. Casini.*

C A P V T XXVIII.

**H**IERONYMVS ex nobili Serfaliū familia Ciuitatis Cosentia originem ducens, in Casino sub Hieronymo de Placentia huius sacri Cœnobij Abbate Monachus effectus est. Vir callido quidem, & subtili ingenio; in humanis & diuinis literis mediocriter eruditus; verum in rerum humanarum experientia, & in peragendis negotijs insignis, &



admirabilis. Floruit temporibus nostris, & huius Casinensis Cœnobij Abbas extitit. Sepultus verò est Parmæ in Monasterio S. Ioannis Euangelistæ, vbi Capitulum generale nostræ Congregationis celebratur. In anno Domini MDLXXVII.

## CAPVT XXIX.

**A**POLLINARIS d Bauco ab adolescentia sub Lauro de Mantua Abbate in Casino Monachalem vestem induit, vbi per triginta fermè annos angelicam potius, quam humanam vitam duxit. Hic vir vitæ integerrimæ, humanis & diuinis literis satis instructus, adeò in scripturis sacris deditus erat, vt exercitationis causa, atque ne otio torpesceret, ex veteri, & nouo testamento, atque ex diuersis Catholicis, Orthodoxisq. Patribus innumeras aureas sententias excerpserit & scripserit. Decanus præterea in hoc Casinensi Monasterio existens, nouitiorû curam inuitus, ac renitens suscepit. Tali igitur fungens officio, me licet indignum, Casinensium Monachorum cœtui adscripsit, sub Dño Matthia de Lignano, huius Cœnobij Abbate, cum viginti essem annorum, in anno Domini MDLXX. De hoc magistro meo illud silentio non prætereundum esse iudicaui, quod ad vitæ integritatem & puritatem pertinet. Nam talis eius vita fuit, vt mortis suæ tempore, in vigilia scilicet Natiuitatis S. Ioannis Baptistæ, cum in Missa, Gloria in-  
excel-

excelsis Deo cantaretur in Ecclesia, eius anima ab ergastulo corporis egrediens in Cælum ab Angelis deferri cerneretur. Sepultus verò est in Cæmeterio Sanctæ Annæ. Anno Domini MDLXXXI.

C A P V T XXX.

**A**NDREAS à Sueffa, Iuuenis præclaræ indolis, & viuacis ingenij, de ciuitate Neapolitana, vbi à parentibus studijs litterarum erudiendus traditus fuerat, egrediens, Casinum aduenit, atque ab Isidoro de Placentia huius sacri Cænobij Abbate, Monachus factus est. Hic exiguus quidem corpore, sed ingenio magnus, ab ipso ferè suæ conuersationis initio, ob sui ingenij viuacitatem, & rerum mundanarum experientiam, cum singulari quadam prudentia, ac solertia coniunctam, multis annis huius nostri Monasterij negotijs operam dedit. Inter multa præclara ingenij sui monumenta, existens in regimine Terræ nostræ Citrarij scripsit Regesta duo omnium Iurium, & bonorum, quæ in præsentiarum in eadem Terra à nostro monasterio possidentur. Humanis insuper, & diuinis literis apprime eruditus, magnam suam apud omnes adhuc viuens expectationem concitauit. Viuit etiam & temporibus nostris huius Casinensis monasterij Præpositus existit. *Floruit anno Domini MDLXXVIII.*

## CAPVT XXXI.

**G**REGORIUS Cortesius Mutinensis, Abbas primum Sancti Petri de Perusio, deinde Sancti Benedicti de Mantua, & S.R.E. Cardinalis à Papa Paulo Tertio creatus, anno Dom. MDXLII. Vir vtriusque Iuris doctor, & in diuinis scripturis valde instructus. Scripsit quamplurima carmina in laudem Diui Petri, quæ impressa reperiuntur. Obijt Romæ, & sepultus est in Ecclesia Sanctorum Apostolorum anno Domini MDLXXXIV.

*Explicit Supplementum Domni Placidi  
Romani, & Diaconi, de viris Illustri-  
bus Cænobij Casinensis.*

## A N N O T A T I O.

**N**obilissima Familia Cortesiorum ortum suum habuit à quodam Imperiali Vicario nomine Ludouicus Cortes inter Gallos nobilissimus; qui cum esset à consilijs Pipini Regis Italia, Caroli filij, Ciuitatem Mutinam inhabitauerat. Ex ea Gregorius noster natus est; vir quidem græcis, latinisque literis instructissimus. Seuerum Varinum Placentinum Monachum Cisterciensem, rara & exquisita eruditionis virum, præceptorem habuit. Ab insunte etate Ciuili, Canonicoq. Iuri ope-  
ram

ram dedit, & apud Ioannem Medicem Cardinalem, postea Leonem Papam Decimum audiendarum Causarum munus exercuit. Deum cum Romana aule pertasus ad sua pristina studia redisset, ex diuino etiam instinctu, Casinensibus Monachis nomen dedit. Eius postea virtutis, probitatis, ac scientie fama inductus Paulus Papa Tertius, in Collegium Cardinalium adsciuit, incredibili totius Senatus consensu, anno Domini MDXLII. die xj. Iunij tit. Sancti Cyriaci in Thermis, & Urbinate nsium Prasul et etiam dictus: priuilegio insuper concessio, ut purpureo cultu sibi uti liceret, tametsi Monachus Benedictinus esset, quod etiam concesserat Card. Philippo à Camera Gallo pariter Benedictino. Plurima huius viri clarissimi monumenta relicta sunt, videlicet.

Quod Sanctus Petrus Romæ fuerit, ad Hadrianum Sextum lib. I.

Epistolarum Familiarum lib. I.

Hi duo impressi sunt Venetijs apud Franciscum Franciscum Senensem anno Domini MDLXXIII. in iv.

De Theologica Institutione lib.

Hymnorum diuerso metro lib. I.

Carmen sapphicum de vita Sancti Honorati Archiepiscopi Arelatensis.

Hymnus in Deiparam Virginem.

In Diuum Honoratum Carmen.

In Lerinam Insulam Carmen.

136 *Placidi Diac. supplementum*

De potestate Ecclesiastica tract.

De peccato originali.

De direptione vrbis Genuensis.

De Theologia & Philosophia multa.

Lerinenfis Insulæ, & Cœnobij laudes.

Pœmata quædam ad imitationem Catulli.

*Prodierunt ex Aldi officina cum Sanazari de partu Virginis lib.*

Sancti Basilij de Virginitate liber è græco in latinum idioma, eius opera perlegitur.

*De Viris Illustribus Ordinis Monastici lib. 1* qui furto sublati ideo non habetur, refert Arnoldus Vuion *lib. 2. Lig. vit. pag. 216. Et alia multa scripsisse fertur, quæ temporum iniuria, hominumque negligentia perierunt.*

*Libri quatuor in sententias Petri Lombardi perperam à Nomenclatore Card. à Torrigio lib. de Script. S. R. E. Card. & ab alijs attribuantur nostro Gregorio, cum suum agnoscant auctorem Paulum Cortesium Prothonotarium Apostolicum.*

*Extant diuersa epistola Dionysij Faucherij Monachi Lerin. in laudem nostri Gregorij in Chronolog. Lerin. Quanti autem integritatem eius, doctrinam, ac prudentiam incomparabilem supradictus Paulus Pontifex fecerit, ex miris laudibus, quibus eum cõbonestauit, quando in cœtum Cardinalium adlegit, agnosces: audi ipsum cum eo loquentem.*

Hodie in his sacris ieiunijs, atque in Consistorio nostro secreto, induci singulari tua

pro,

probitate, religione, integritate, ac doctrina, te  
S.R.E. Cardinalem, cum Dei nomine, de Ve-  
nerabilium Fratrum nostrorū eiusdem S.R.E.  
Cardinalium consilio, creauimus, &c. *Me-  
minere Cortesij Sadoletus, & Bembus; quo-  
rum alter doctissimum, alter excellentis doctri-  
na virum appellat, ingenijque propè diuini.  
Vide etiam qua notauit eruditissimus d'Au-  
berì in histor. generali Cardinalium Gallico  
idiomate conscripta par. 4. edita Parisijs 1647.  
Obijt Romæ anno Domini M D X L V I I I.  
xj. Kalendas Octobris, sepultusque est apud  
Ecclesiam Sanctorum Apostolorum ante alta-  
re Sancta Eugenia.*



MEMORANDUM

TO THE HONORABLE SECRETARY OF THE INTERIOR

DEPARTMENT OF THE INTERIOR

WASHINGTON, D. C.

DATE

SUBJECT

RE

FOR

BY

OF

AND

THE

AND

AND

AND

AND

AND

AND



139

A DDENDA ANNOTATIONI  
Cap. 2. de Cardinali Ayglerio

pag. 111.



*N V M* verò notandum est, quod noster Bernardus Ayglerius fuit à Ciacono, & Panuino in Elencho Cardinalium pratermissus, nec inter purpuratos nominatus, eo quod, ipsi putauerint Clementem Papam I V. nullum creauisse Cardinalem, ut asserit eruditissimus Petrus Coretinus in Chronologia Episcoporum Viterbiensium, ideoque in Sede vacante Clementis I V. Ciaconus decem & septem Cardinales numerauit, ac proprijs nominibus expressit non recensito nostro Ayglerio, cum re vera decem & octo fuerint, quod colligit idem Coretinus ex quodam diplomate asseruato in Archiuio Ciuitatis Viterbiensis, quod tibi damus ex originali transcriptum singulari humanitate Vir. Clar. Dominici Magri Meliten-  
sis Canonici Viterbiensis Cathedralis, in quo Henrico Cardinali Ostiensi (qui summam in Iure Canonico edidit, quamque vulgo ob excellentiam Ostiensem vocamus) conceditur facultas exeundi è Conclauì à ceteris Collegis, qui prater dictum Henricum sunt decem & septem, ut clarè habetur ex decem & septem sigillis ex cera rubra pendentibus cum Sancto-

rum imaginibus temporum iniuria consumptis in infrascripto diplomate. Ex his infert dictus Corëtinus omnes in Conclauis fuisse decem & octo, inter quos erat noster Bernardus creatus unica promotione à Clemente Quarto cum sigillum Henrici non extitisse credendum sit, qui facultatem exeundi è Conclauis petebat, assensum verò non præstabat, pro cuius signo sigillum in diplomate apponebatur. Ex tunc enim Conclauis usus inualuit, qui usque ad hac nostra tempora perseuerat; nam antea Cardinales conueniebant summo mane in Cathedrali Ecclesia, ibique suffragia pro eligendo Summo Pontifice jerebant; quibus peractis ad eorum domicilia reuertebantur. Viterbienses autem hortatu Sancti Bonauentura, qui tunc ibi degebat, Duce Raynerio Gatto Ciuitatis portis obseratis, & Cardinalibus ipsis in Episcopale Palatium propè Cathedralē constructum, adductis, omnes ibidem die Pentecostes incluserunt: sicque Conclauis originem traxit, ut Panuinus etiam cum Ciacono affirmat. Sed quia peruiaces ac obstinati nibilominus ad electionem se demonstrabant, Raynerius Gattus tunc Ciuitatis Viterbiensis Capitaneus, ac Conclauis custos, quique alimenta necessaria Patribus quotidie subministrabat, discooperta aula Palatij, ut legitur in præinserto diplomate his verbis. Datum Viterbij in Palatio discooperto, Cardinales ad Pötificis electionem iniendam aeris iniuria rerumque penu-

penuria compulsi, edoctus à Card. Ioanne Anglo cognomento de Toletò Monacho Ordin. Cisterc. Episcopo Portuensi, quem aliqui perperam de Franciogia nuncupant, qui ad Sociorum discordiam exprobrandam Palatium supradictum, in quo electio fieri debebat, tecto & lateribus nudandum, quibusdam salibus facietis iactis, predicabat; ut Papius Massonius, Panvinus, Vgbellus tom. 1. Ital. sacr. in elencho Episcoporum Portuensium in Ioanne fol. 162. Odoricus Raynaldus ad annum Domini MCCLXXI. nu. 12. referunt, adeo ut perrupta animorum duritie prauis compromisso inter eos inito Thealdum de Vicesomitibus Flacentinum Archidiaconum Leodiensem extra eorundem Patrum numerum, & tunc in Syria pro Christi fide commorantem die prima Septembris MCCLXXI. Pontificem creauerint sub nomine Gregorij Decimi post longam duorum annorum, nouem mensium, ac unius diei, Sedis vacationem.

*Exemplum prefati diplomatis  
est huiusmodi.*

**N**OS miseratione diuina Episcopi, Presbyteri, & Diaconi Sacrosanctæ Romanæ Ecclesiæ Card. Infirmiati Venerabilis Fratris nostri H. Ostiensis, & Vallerreñ Episcopi Fraternali compatiens affectu, vobis Alberto de Monte Bono Potestati, & Raynerio Gatto, qui

qui pro Capitaneo Viterbiensē te geris, & Cōmuni Viterbiensē tenore præsentium sub debito fidelitatis, quo nobis, & Ecclesiæ Romanæ tenemini districte præcipiendo mandamus, quatenus cum idem Episcopus iuri, & voto sibi competentibus in electione Romani Pontificis renunciauerit coram nobis quantum ad præsentem vacationem duntaxat, volens, vt non obstante eius absentia, sine ipso hac vice liberè procedamus ad prouidendum Romanæ Ecclesiæ de Pastore ratam habiturus, & gratam electionem, seu prouisionem, quam de Romano Pontifice absque ipso, & eius requisitione duxerimus faciendam, ac instanter petierit vobis mandari, vt de Palatio, in quo sumus inclusi, ipsum permitteretis exire, eundem Episcopum de ipso Palatio statim egredi liberè permittatis, nec ipsum de cætero aliquatenus detineatis inuitum. Datum Viterbij in Palatio discooperto Episcopatus Viterbiensē vj. Idus Iunij anno Domini MCCLXX. Apostolica Sede Vacante.

Loco ++++++ sigillorum  
pendentium ex cera rubra numero decem  
& septem.

L A V S D E O.



